







# রোমন্থন

ব্রীজপদীশচন্দ্র গুপ্ত

গুরুদাস চট্টোপাধ্যায় এণ্ড সন্স্  
২০৭১১, কর্ণওয়ালিস্ স্ট্রীট, কলিকাতা

এক টাকা

ପ୍ରାଥମିକ ଚିକିତ୍ସା କ୍ରମ  
 ଡାକ୍ତରୀ ପ୍ରତିଷ୍ଠାନରେ ଗ୍ରହଣ  
 ୨୦୨୨/୨୩ ଅକ୍ଟୋବର ମାସ  
 କଲିକତା

ପ୍ରାଥମିକ ଚିକିତ୍ସା କ୍ରମ  
 ଡାକ୍ତରୀ ପ୍ରତିଷ୍ଠାନରେ ଗ୍ରହଣ  
 ୨୦୨୨/୨୩ ଅକ୍ଟୋବର ମାସ  
 କଲିକତା

## মুখবন্ধ

যখন সূর্য্য ওঠে তখন তার আলোক নিয়ে দীপ্ত হয় বহু গ্রহ-নক্ষত্র জ্যোতিষ্ক। কেহ ছিল একেবারেই নিম্প্রভ, কাহারও বা ছিল সামান্য কিছু আলোর পূঁজি, কেহ বা আপনিই ছিল নিজস্ব প্রভায় সমুজ্জ্বল, তবু একটি সমগ্র মণ্ডলের মণ্ডলপতি সূর্য্যের সমকক্ষ নহে। এমনি বহু গ্রহ-নক্ষত্রে কেন্দ্রস্থ হয়ে যখন সূর্য্য জ্বলে তখন তারাই হয় তাঁহার সৌর জগত।

সৌর-বিজ্ঞানে এটা কতখানি সত্য জানি নে, কিন্তু সাহিত্যে ও কলায় এই ঘটনাই অহরহ হ'তে দেখি। মাইকেল যখন এসেছিলেন তখন সুন্দর মাইকেলী ছন্দে কত না মানুষ লিখতে আরম্ভ করেছিল, আজ কবি-স্বর্ষ্য রবীন্দ্রনাথের তারকানিচয়ে বঙ্গ সাহিত্যের মহাগগন সমুজ্জ্বল, তাই বঙ্কিম হেমচন্দ্রের খগোঃমালা আজ বিলীন হয়ে গেছে। শরৎচন্দ্র যখন বঙ্কিমহারা নিম্প্রভ আকাশে শতচন্দ্র শোভায় উঠলেন বাঙালীর মন-প্রাণ হরণ করে, তখন যে বহু শশিতারা সে নভোমণ্ডল খচিত ক'রে দেখা দিল, জগদীশ তাঁদের অগ্ন্যতম।

জগদীশ শরৎচন্দ্রেরই গোত্রজ, তাঁরই প্রাতভার মানস-পুত্র। এই বস্তুতন্ত্র সংসারের সুখ দুঃখ আশা নিরাশা কামনা বাসনার পাঁকে মণুগন্ধ-সুরভিতে অনুপম পদ্ম ফুটিয়ে তোলবার শিল্পী এঁরা। আকাশের আলো যে ধরিত্রীরই অন্ধকারের গর্ভজাত সন্তান, সত্য ও সুন্দর যে মিথ্যা ও অসুন্দরের স্বকে ঢাকা স্মিষ্ট অমৃত-কল, তা' এঁরাই মনোজ্ঞ করে মানুষকে দেখিয়েছেন। এই সুন্দরের জগতে পাপ-পুণ্য নাই, আছে জগৎস্রষ্টার অভিনব নব নব রস আর তার বিচিত্র ভিগ্নান।

‘রোমস্থনে’ পল্লীর কদর্য্যতা ক্ষুদ্রতা ও ক্রন্দ কুটেছে একটু বেশি বস্তুতান্ত্রিকতা যেঁসে, অপদার্থ ধনী সহরে বাবু তিনটির আশে পাশে অভয় কালোশশি প্রাণনাথ মদন ও গ্রাম্য মানুষগুলি আসছে যাচ্ছে এক বিচিত্র দৈত্তের ছবি ফুটিয়ে। সুন্দরকে ছেড়ে—বৃহত্তর মহিমাকে ছেড়ে মানুষ

কোথায় এসে দাঁড়িয়েছে একেবারে সঙ্গীর্ণতা ও রিক্ততার পক্ষে তা' 'রোমন্থনে' দেখানো হয়েছে অপূর্ণ করে। মাঝে মাঝে কবিত্বও আছে মন্দ নয়, আর সাহিত্যের পারিপাট্যের তো কথাই নাই। নাই কেবল প্লট।

“স্বামী বলিয়া স্বামীর উপর তার ভক্তি আছে, কিন্তু রক্ষক-হিসাবে আস্তা নাই, সব জানিয়াও নাই; প্রথম পুত্রটির মৃত্যুর পরই তাহা নিরবশিষ্ট হইয়া বিলুপ্ত হইয়া গেছে...প্রতিপালক হিসাবে স্বামীর কতটা মুরদ তাহা প্রতিদিনই দেখা যাইতেছে। প্রতিকূল অবস্থার সঙ্গে যুঝিয়া স্বামীর দেহ ক্ষয় হইতেছে, তাহা মাধবীর চোখে পড়ে, কিন্তু বুঝিয়াও নিজের মনের যন্ত্রণার ভাড়ায়া নিকৃপায়ের প্রতি তার ধৈর্য থাকে না।” মাধবীর এই ছবিটি এখানে নিখুঁৎ।

তার পর মৃত পুত্রের চিত্র ও তার জ্ঞান কান্নার ছবিটি দেখুন—“দূরে কোথায় কে যেন কাঁদিতেছে...শব্দ আকাশের দিকে ধানিক উঠিয়াই নিঃশব্দে থিতাইয়া নামিতেছে...পৃথিবীর যেখানে সচল-অচল সজীব-নিষ্কাজ যে বস্তু আছে তাহারই অভ্যন্তরে নিঃশব্দে সে ধ্বনি প্রকাশ করিতেছে, তারা ছাই হইয়া উড়িতেছে।

সব চলিতেছে, কেবল নির্ধাপিত চক্ষু দু'টি স্থির—এত জমাট স্থির যে, তার কূল-কিনারা মাপ-পরিমাপ ওজন-ইয়ত্তা নাই...

জ্ঞীর দিকে চোখ ফিরাইতে তখন সাহস হয় নাই—বুঝি এমন কিছু চোখে পড়িবে যা সে চেনে না।”

জগদীশ গুপ্তের লেখনী সোণার লেখনী, শৈলজা, জগদীশ আদি এমন কয়েকটি ধ্রুবতারা জ্বলেছে বলেই আধুনিক ‘কচি ও কাঁচা’দের এত গর্ব। এ গর্ব অলীক কি করে হবে?

চিত্তভবন

২০শে আশ্বিন, ১৩৩৮

}

শ্রীবরাদ্রকুমার ঘোষ

## রোমন্থন

### পরিচ্ছেদ ১

সত্যেন্দ্র দত্তের ট্রাটের ১৭ নং বাড়ীতে সাজ্জ সাজ্জ রব পড়িয়া গেছে...

রামহারি, লছমন আর কেদার উপযুগাপরি একতালা হইতে তেতালায় অপিরোহণ করিয়া তখনই অপর ফার্মাইসে একতালায় অবতরণ করিতেছে।

রাশীকৃত চট কিনিয়া চেয়ার প্রভৃতি কাষ্ঠাসনগুলি মুড়িয়া সেলাই করান' হইয়াছে—‘লরি’ ডাকিয়া সেগুলিকে রেলওয়ে স্টেশনে লইয়া ‘বুক্’ করিয়া দিলেই হয়।

সঙ্গে কোন্ কোন্ দ্রব্য লইতে হইবে তিন ভাই তার তিনটি স্বতন্ত্র ফিরিস্তী করিয়া পরস্পর মিলাইয়া লইতেছিলেন...

বড়বাবু বলিলেন,—পিন্-কুশন্টা আমাদের কারো ফর্দেই নেই—ও একটা দরকার।

ছোটবাবু বলিলেন,—নিশ্চয়। ওরে—

তৎক্ষণাৎ লছমন আসিয়া দাঁড়াইল ; ছোটবাবু বলিলেন,—একটা পিন্-কুশন্ নে আয়, আর এক সেট পিন্।



## রোমহুন

“যো হুকুম” বলিয়া পয়সা লইয়া লছমন পিন্-কুশন্ আর পিন্ আনিতে গেল।

কাচের গ্লাস, তোয়ালে, ফাউণ্টেন পেন, কালির দোয়াত ‘হাফ’ এ ডজন’, বুরুশ (মাথার, জুতার আর দাঁতের)—তিনখানা করিয়া, স্নো, হেয়ার, অয়েল, রেজর, টুথ-পেস্ট, পিয়ার্স সোপ, জুতার কালি প্রভৃতি খুচরা জিনিষ গুছাইয়া দিবার ভার বড় বউয়ের উপর আছে।

তিনি ফর্দের সঙ্গে মিলাইয়া প্রত্যেকটি দফায় ঢেঁরা দিয়া দিয়া তিনটি এ্যাটাচিতে সমস্ত জিনিষ তুলিয়া দিয়াছেন ; ও-দিক্টায় একরকম নিশ্চিত হওয়া গেছে।

ইঁহাদের উদ্যোগ উদ্বেগ আড়ম্বর দোঁখিয়া মনে হয়, কোথাও যুদ্ধ বাধিয়াছে—ইঁহারা তিন ভাই সেই যুদ্ধে চলিয়াছেন, এবং বরফ এবং আইসক্রীম সত্ত্বেই সঙ্গে লওয়া যাইতেছে না বলিয়া ইঁহাদের মনস্তাপের অন্ত নাই।

মা আসিয়া বলিলেন,—সঙ্গে নিচ্ছিচ্ কাকে ?

বড় পুত্র বলিলেন,—রামহারি যাবে।

—ও আবার নড়াচড়ার কাজে তেমন পটু নয়। শিল নোড়া দিয়ে ওকে বসিয়ে দাও, তেন-সের তেজপাতা পিষে তুলবে।

—সেখানে ত’ ছুটোছুটির কাজ বিশেষ থাকবে না।

মা বলিলেন,—ঝিকে মসলা বাছতে বসিয়ে দিয়েছি ; ধুয়ে বেছে দেবে।

বড়বাবু হাসিয়া বলিলেন,—ও-সব থাক্, মা ; ওতে ত’ আমাদের শেষ পর্য্যন্ত চলবে না।

—ফুরুতে ফুরুতে সরকার-মশাইকে দিয়ে আবার পাঠিয়ে দেব।

যে নোংরা ডালপালা সমেত জিরে-মউরীগুলো বিক্রী হয়, তা' খেলেই  
অসুখ করবে।

ছোটবাবু বলিলেন,—কিছু মাখন নিলে হ'ত।

অম্নি রামহরিকে ডাক পড়িল—

কাহারো ইচ্ছা এখন অপূর্ণ থাকিলে যেন একটি তুংখের দহন  
আমরণ সহ করিতে হইবে...

রামহরি টাকা লইয়া কোটার মাখন আনিতে গেল...তখন-তখনই  
আনিতে হইবে—বিলম্বে বিস্মৃত হওয়া আশ্চর্য নয়।

মেজবাবু বলিলেন,—বিছানার চাদর, রুমাল আর বালিসের  
অড়ুগুলো ধুয়ে এসেছে ত', মা ?

মা বালিলেন,—এসেছে ; বড় বোমার হাতে দিয়েছি।...বড় বোমা ত'  
তার রা এখনো থামায়ান রে ; সে যাবে বলছে।

বড়বাবু বলিলেন,—পরে। আমরা গিয়ে রকম-সকম বুঝি, তারপর  
লিখব ; গিয়ে কিছুদিন থেকে আসবে।

—তোদের খাওয়া-দাওয়ার কষ্ট হবে।—ছোট'র ত' বিছানার চাদর  
শোবার আগে ঝেড়ে না দিলে সে রাত্রে আর ঘুম হয় না।—তুই কেন  
যাচ্ছস্—তুই থাক্। বালিয়া গ্রহিণী ছোট ছেলের দিকে আকুল নেত্রে  
চাহিয়া রহিলেন।

ছোটবাবু গম্ভীর হইয়া বলিলেন,—ঐ করেই ত' তোমরা মায়েরা  
বাঙালী ছেলের মাথা খাও...

যেন সে মাথা খাইবার চেষ্টাকে চিরকাল প্রতিবাদ করিয়া  
আসিয়াছে, অর্থাৎ আদর লইতে চাহে নাই।

## রোমহ্মন

গৃহিণী হাসিতে লাগিলেন ; বলিলেন,—ভাল করে' ভেবে দেখ্—  
কিছু দরকারী জিনিষ নিতে ভুল হ'ল না ত'। সেখানে গিয়ে আবার  
মুস্কিলে পড়'বি !

তিন ভাই-ই সমস্বরে বলিলেন,—কিছু ত' মনে পড়ছে না...

বড়বাবু স্বতন্ত্রভাবে বলিলেন,—সেবার...বলিয়া স্মরু করিয়া তিনি  
বাহা বলিলেন, তাহার সারাংশ এই যে, সেবার শিলং-এ যাইয়া যাত্রার  
পূর্বকালীন তাঁহারই দূরদর্শিতাবশতই কিছুমাত্র অসুবিধা হয় নাই ;  
সেই সূত্রে বড়বাবু কিছু আশ্ব-প্রশংসাও করিলেন—

কিন্তু তাঁর দপহারী ভগবান ছিলেন তাঁর মায়ের মনে ; মা  
বলিলেন,—সান্‌লাইট্‌ সোপ্‌ নিয়েছি'স্‌ ?

বড়বাবু জিব্‌ কাটিলেন—

মা বলিলেন,—ঐ দেখ্...রুমাল তোর ছ'বেলা কাচ্তে হয়—কি  
মুস্কিলেই পড়ে যেতি'স্‌ !

তৎক্ষণাৎ ছ'ডজনের দাম দিয়া কেদারকে দোকানে পাঠান হইল।

এই ভুলটা ধরা পড়ায় তিনজনেই চিন্তাশ্রিত হইয়া বৈঠকখানায়  
নামিলেন—তবে এখনও ছত্রিশ-ঘণ্টা সময় হাতে আছে।

ব্যাপার যৎসামান্যই—

কিন্তু হলস্থূল তোড়জোড় দেখিলে তাহা বুঝিবার উপায় নাই।

বাবু-তিনটির পিতৃদেব জীবিত নাই ; জ্যেষ্ঠতাত আছেন এবং তিনি  
আজ একযুগ—বার বৎসরে একযুগ—ইংলণ্ডে প্রবাসী। পত্রযোগে  
তিনি কুশল-সংবাদ প্রদান এবং গ্রহণ করেন। পূর্বের ডাকে তাঁহার

যে-পত্র পাওয়া গিয়াছে তাহাতে তিনি জানাইয়াছেন যে, তিনি প্যালেমেন্ট মহাসভার আসনপ্রার্থী হইতেছেন।

এবং সেই পত্রেই, কি কারণে কে জানে, ভাটস্পুলজগকে তিনি আদেশ করিয়াছেন—“পল্লীগ্রামে ফিরিয়া যাও।” সেখানে যাইয়া কি করিতে হইবে তাহার “প্রোগ্রাম অর্থাৎ খসড়া এবং ছক্” তিনি গ্রামের ঠিকানাতেই পরে পাঠাইবেন লিখিয়াছেন।

কলিকাতা হইতে বিয়ার্লিশ মাইল দূরে মাননগর গ্রামে ইঁহাদের আদি নিবাস, ইঁহাদের পিতামহ সেই পল্লী-ভবনের মাটিতে ভূমিষ্ঠ হইয়াছিলেন, কিন্তু তিনি এবং তাঁহার পত্নীও চিতায় ওঠেন কলিকাতায়—কুঠী-পুলের গৃহে কর্তৃত্ব করিতেন তাঁহারা।

বাহা হউক, চিরকুমার এবং অত্যন্ত ধনবান জ্যেষ্ঠতাত বিলাত হইতে যে আদেশ করিয়াছেন তাহা অম্মাণ্ড করা যায় না।

কলিকাতা কম্পিত করিয়া তাই এই আয়োজন আর দৌড়াদৌড়ি, আর তার সঙ্গে এই জগদ্ব্যাপী দুশ্চিন্তা।

তিন ভাই বৈঠকখানায় নামিয়া দেখিলেন, কাঁটায় কাঁটায় সাড়ে-পাঁচটা, আর ডাক্তার মনোজবাবু এবং ‘বাস-ওয়ালা’ ক্ষিতিনাথবাবু আসিয়া বসিয়া আছেন, প্রত্যহই তাঁরা সাড়ে-পাঁচটায়, যেখানেই থাকুন, এইখানে আসেন।

ডাক্তারের সাইকেল দেখিয়াই ছোটবাবুর মনে পড়িয়া গেল, তাঁহাদের সাইকেল তিনখানা ‘ওভারহল্’ করিতে দোকানে দেওয়া হইয়াছে।

## রোমন্থন

লছমনকে ডাকিয়া তৎক্ষণাৎ তিনি দোকানে পাঠাইয়া দিলেন ;  
বলিয়া দিলেন, কড়া তাগিদ দিয়ে আসবি—কাল বিকেলে’ই চাই।

মনোজবাবু বলিলেন,—যাচ্ছ ত’ আশা করে’ আর আড়ম্বর করে’,  
আবহাওয়া জান কি দেশের ?

বড়বাবু চম্কিয়া উঠিয়া বলিলেন,—কেন, কি রকম আবহাওয়া  
সেখানকার ?

—জানিনে তা’, তাই জিজ্ঞাসা করছি ; সে দিকে খোঁজ নিয়ে যাচ্ছ  
কি না !...“লুক্ বিফোর ইউ লিপ।”

মেজবাবু বলিলেন,—মায়ের ভুল হবার যো নেই। তিনি সরকার-  
মশাইকে পাঠিয়ে খোঁজ নিয়েছেন, সেখানকার স্বাস্থ্য ভালই চলছে।

মনোজবাবু বলিলেন,—কিন্তু ‘জার্ম’ লোকের বিছানাতেই বজ্বজ্ব  
করছে—বিছানা ত’ কাচে না, রোদে দেয় না কোনো কালে !...  
আত্মীয়তা করে’ হঠাৎ তাদের বাড়ীতে গিয়ে উঠে না যেন।

বড়বাবু বলিলেন,—না, তা’ উঠবো না।

—কিছু ওষুধ নিয়ে যেও ; পিত্তনাশক আর যৃদ্ধ-বিরেচক ওষুধ দিয়ে  
কুইনিনের কয়েকটা পিল করে দেবখনু, নিয়ে যেও।

বড়বাবু বলিলেন,—তা’ যাবো।

—মশারি নিতে ভুলো না—পাড়া-গাঁয়ের মশা খুব সেয়ানা ; খুব  
শক্ত মশারি নিও, যেন স্ততো ঠেলে ঢুকতে না পারে।

বড়বাবু বলিলেন,—আচ্ছা।

—চানও করো গরম জলে, জল কুটিয়ে।

বড়বাবু বলিলেন,—ই্যা।

ক্ষিতিনাথ বলিলেন,—শুনেছি পাড়াগাঁয়ে এমন ইঁহুর আছে যার  
 ত্রাজের রোয়ায় রোয়ায় বিছুটির বিষ—ত্রাজটা যদি একটিবার মানুষের  
 গায়ে ছোঁয়াতে পেরেছে তবে গা-চুলকেই মানুষ বেচারী মারা যাবে।

ডাক্তার মনোজবাবুর ডাক্তারী কথায় বড়বাবু অবোধের মত সায়  
 দিয়া চলিতেছিলেন—যেন বৃহত্তর ব্যক্তির নিকট বালক প্রথম শিক্ষা  
 লাভ করিতেছে—কোনো কথায় ‘না’ বলিলেই শিক্ষক চোখ রাঙাইবেন।

কিন্তু ক্ষিতিনাথবাবুর ইঁহুরের কথায় বড়বাবু হাসিয়া ধমক্ দিয়া  
 প্রতিবাদ করিলেন ; বলিলেন,—ধেৎ।

—হ্যাঁ, হ্যাঁ, আমার অভিজ্ঞতা তোমাদের মত নয় ; তোমাদের  
 পশ্চিম তো লিলুয়া আর পাড়াগাঁ বিগেসাগর বাটী। আমার আমার  
 শালার বাড়ী যজ্ঞনগর—আমি গিয়েছি সেখানে, দেখেছি সে ইঁহুর।  
 বর্ণনা নেও না আমার কাছে—সমস্ত গা কটাসে—পিঠের ওপর তিনটে  
 কালো দাগ.. ত্রাজ এই ঝাঁকড়া ..তার চোখের তারা কপালের সিকি  
 ইঞ্চি ওপরে—

মনোজবাবু বলিলেন,—তুমি কাঠবেড়ালী দেখেছিলে—তাদেরই  
 পিঠের ওপর কালো তিনটে দাগ থাকে।

ক্ষিতিনাথ কিছুমাত্র দমিলেন না—

বলিতে লাগিলেন,—তা’ ছাড়া বুনো বেড়াল আছে আবার  
 একরকম, চিড়িয়াখানায় সে ‘স্পিসিস্’ নেই—তার খাবার এমনি জোর  
 যে, কাঁটাল গাছের গুঁড়ি ধরে নাড়া দেয় আর এঁচড়গুলো বোঁটা ছিঁড়ে  
 ধপ্ ধপ্ করে’ মাটিতে পড়ে...

বড়বাবু শুকমুখে বলিলেন,—মানুষ মারে তারা ?

## রোমহুঁন

—বাগে পেলে ছাড়ে কি !.. আমার মামার শালার আট বছরের ছেলে ঝাড়াটাকে তাড়া করেছিল একদিন। বলিয়া ক্ষিতিনাথ বাঘ লাফাইয়া শিকারের উপর যেমন করিয়া পড়ে তাহারই একটা অক্ষম অন্তর্করণ করিলেন।

ছোটবাবু বলিলেন,—বন্দুকটা নিতেই হবে।

চা আসিয়া পড়িল—

এবং দু'-এক মিনিট অগ্রপশ্চাৎ গণনাথ, ক্ষেত্রমোহন, সতীভূষণ প্রভৃতি আসিয়া পড়িলেন—চায়ের সভায় নিত্য তাঁহারা উপস্থিত থাকেন।

গণনাথ চায়ের কাপ তুলিয়া লইয়া বলিলেন,—তোমার জ্যাঠা-মশায়ের উদ্দেশ্যটা কি ?

ভ্রাতুষ্পুত্রগণ কি জবাব দিতেন তার ঠিক নাই—

তাঁহাদের হইয়া মনোজ ডাক্তার বলিলেন,—পার্লামেন্টে সিট না পেলে তিনি দেশে ফিরবেন ; ইণ্ডিয়ায় এসে কলকাতায় তিনি বাস করবেন না—দেশের বাড়ীতে থাকবেন ; ভাইপোদের দিবে আগে তার স্বাস্থ্য পরখ করে নিচ্ছেন ; আর বাড়ীটাতে বহুদিন লোক বাস করেনি,—তারও একটা ঠেকা আছে, তাই পরিষ্কার-পরিচ্ছন্ন করে কিছুদিন মানুষ বাস করিয়ে নিচ্ছেন।

গুনিয়া তিন ভাইয়ের তাক লাগিয়া গেল—

বড়বাবু বলিলেন,—তাই কি !

—কিন্তু এখানকার খবরের কাগজের হুজুগটা তিনি ধরে' নিয়েছেন ; দেশের উপর তাঁর দরদ আছে যথেষ্ট জানি।—বলিয়া সতীভূষণ পুনরায়

বলিলেন,—পল্লীগ্রামে নিরিবিলা আরাম কত ! তবে টেকা কঠিন...  
সহরের লোক পাড়াগাঁয়ে গিয়ে কেবল তুলনা করে' কষ্ট পায়—তার  
অর্ধেক আত্মা পড়ে' থাকে সহরে ।...তবে অসুখ বিস্ময়ে—

—ক'লকাতা থেকেই ডাক্তার চালান্ দেয়া যেতে পারে—এই ত'  
বিয়াল্লিশ মাইল রাস্তা ! আমাদের দেশের অধিকাংশ লোক যে সঙ্কটে  
আছে তার অংশ দেখেই অত' ভয় পাওয়া ঠিক্ নয় ।—বলিয়া ক্ষেত্রমোহন  
হাসিতে লাগিলেন ।

জ্ঞানচন্দ্র বলিলেন,—আমি একবার গিয়েছিলাম ক'লকাতার বাইরে  
একটা কাজে...অগ্রহায়ণ মাসের প্রথম...সকাল বেলা পৌঁছে বৈঠক-  
খানায় ব'সে আছি, গৃহকর্তাও আছেন...তিন-চারটে ছেলে-মেয়ে এল,  
বোধ হয় আমাকেই দেখতে ; কর্তা জিজ্ঞাসা করলেন, ওরে পিলু  
খেয়েছিস্ ? তারা কেউ বল্লে, একটা খেয়েছি, কেউ বল্লে দু'টো  
খেয়েছি । “এখন মুড়ি খেগে যা”—বলে কর্তা তাদের ভেতরে পাঠিয়ে  
দিলেন ।

ছোটবাবু বললেন,—আপনি জ্বর নিয়ে ফিরে এসেছিলেন বুঝি ?

—হ'ত, কিন্তু দৈবাৎ বেঁচে গিয়েছিলাম ।...কর্তা বললেন, আপনি  
চান্ ক'রবেন না ..আমি বললাম, চান্ না করে' আমি খেতে  
পারিনে ।...চান্ করতে গেলাম—খুব ঘটা করেই যাওয়া গেল ;  
ভদ্রলোক তাঁর চাকরটাকে আমার সঙ্গে দিলেন—আমার টাওয়েল  
আর ধুতি আর চটি বগলে করে' সে আমার সঙ্গে এল । . পুকুরের ঘাটে  
দাঁড়িয়ে থানিক্ কি ভাবলাম জানিনে—জল টল্‌টল্‌ করছে দেখলাম,  
আর গা সিরসির করছে বোধ হ'ল...কিন্তু জলে পা-নামাতেই তলা



## রোমহন

থেকে কি যে উঠতে লাগল' জানিনে...জলে নামার নিবেধ জলের তলাতেই ছিল—প্রথমে জলের নীচেয় একটা বিজ্বিজ্ শব্দ হ'ল...তারপর খানিকটা কালো রঙের পাক উঠে জলটা ঘুলিয়ে গেল—আর এমন একটা গঁয়াজা-গন্ধ নাকে এল...

বলিয়া জ্ঞানচন্দ্র নাক সিটকাইয়া রহিলেন।

—তারপর ?

—চান করা আর হ'ল না...পরের ট্রেণেই দে দোড়।

ক্ষেত্রমোহন বলিলেন,—জলের কথায় আর একটা কথা মনে পড়ে' গেল...পাড়াগাঁয়ে আর একটী উৎপাত আছে।

ছোটবাবু। কি উৎপাত ?

—তোমাদের বাড়ী কি নদীর ধারে ?

—হ'।

—জলে নেম' না খবরদার।...এক চাষী কোথায় যেন পাট ধুয়ে জল থেকে উঠে' দেখে একটা জেঁক তার নাইয়ে এক মুখ লাগিয়ে কোমর বেড়ে' ও-মুখটাও নাইয়ে লাগিয়েছে, আর এত রক্ত খেয়েছে যে, লোকটা অল্পক্ষণ পরেই অজ্ঞান হ'য়ে গেল...

মেজবাবু জিজ্ঞাসা করিলেন,—ড্যাড্যায় ওঠে না তারা ?

—না।

সতীভূষণ বলিলেন,—বাসে ঘাসে বেড়ায় এক রকম জেঁক ; তারা অত' মারাত্মক নয়—গরু বাছুরের নাকে লাগে খুব।

মনোজ ডাক্তার বলিলেন, বেতো'-রুগীর ব্যথার জায়গায় জেঁক লাগায় শুনেছি—সে বোধ হয় ঐ জলের জেঁক...যত টানো তত সে লম্বা হবে।

—আহা, কেন ভয় দেখাচ্ছ' ওদের ! বলিয়া ক্ষিতিনাথ হাসিতে লাগিলেন ।

বড়বাবু বলিলেন,—না না ; আর কি কি বিষয়ে সাবধান হ'তে হবে, যার যা' জানা আছে বলো ।—বলিয়া বড়বাবু উপদেশের জ্ঞ্য সকলেরই মুখের দিকে চাহিলেন ।

গণপতি বলিলেন,—অবস্থা বুঝে ব্যবস্থা ক'রো ।—তবে সেখানকার মানুষ কেমন তা' কারুরই জানা নেই...তারা উন্টে' কোঁৎকা না হ'য়ে ওঠে এইটে দেখো ।

ছোটবাবু বলিলেন,—মানুষকে আমাদের ভয় নেই ।

ক্ষেত্রমোহন বলিলেন,—তোমরা এগোও...আমরা সদলবলে গিয়ে পড়'ব একদিন—শিকার খুব মেলে শুনেছি—বালহাঁস, চকা, জংলা-শুয়ার...

ছোটবাবু বলিলেন,—বন্দুক আমি নিচ্ছি ।

মনোজ ডাক্তার বলিলেন,—থার্মমিটার নিয়েছ ত' একটা ?

—ইস্ ।—কেদার ? লছমন ? রামহরি ?

লছমন ছিল না—

কেদার আর রামহরি দু-দিক হইতে দৌড়াইয়া আসিল—

ছোটবাবু বলিলেন,—মা'কে বল্ গিয়ে, একটা থার্মমিটার নিতে হবে ।

বড়বাবুর সেই শিলং যাত্রার পূর্বকালীন দৃষ্টি-কুশলতা নাই । তিনি মনস্থ করিলেন, আর একবার তিনজনে মিলিয়া ধীরচিত্তে ভাবিয়া দেখিতে হইবে ।

## রোমস্থান

চা-পান শেষ করিয়া এবং ‘বিভূঁয়ে’ উহাদের খুব সাবধানে থাকিতে পুনঃ পুনঃ অনুরোধ করিয়া বন্ধগণ প্রস্থান করিলেন ।

রাত্রে বড়বোঁ বড়বাবুর কাছে ধনা দিয়া ফল পাইলেন না—তঁার আয়ত চক্ষু দু’টি জলপূর্ণ হইয়া রহিল, এবং বড়বাবুর রাক্ষস-প্রকৃতি জোঁকের গল্পে তিনি কর্ণপাতও করিলেন না ।

বড়বোঁ, বড়বোঁ হইলেও তঁার বয়স মাত্র সপ্তদশ বৎসর ।

## পরিচ্ছেদ ২

“লোক্যাল” ইন্ড্রালয় ইষ্টকালয়ে রাজমিস্ত্রী এবং উঠানে মজুর লাগিয়াছে দেখিয়া অভয় ভিতরে গেল ; দেখিল, একখানি বহুমূল্য পালঙ্কে বাণিস্ লাগান হইতেছে। দেখিয়া অভয়ের ঠোঁটের কোণে একটু হাসি ফুটিল—কিন্তু হাসি সেটা নয় ; হাসির আভা থাকে, প্রবাহ থাকে, বিস্তৃতি থাকে, কিন্তু অভয়ের ঠোঁটের সেই আন্দোলনে সে সব কিছু নাই—যেন ভিতরের একটি অনির্কচনীয় ভাব-নির্গমের একটা নির্বিকার পথ সেটা ; বিকার যা’ তা’ ভিতরে।

অভয়ের পিতা অবোর প্রথম বয়সে হাসিয়াছিল—তাহাকে হাসি বলা যায়...সুকুমার ঋজু স্বচ্ছ রেখাপাত করিয়া সে হাসি ফুটিত—আয়াসহীন অথচ প্রচুর...সে হাসি বিকশিত হইয়া মানবাত্মার চিরন্তন সন্তোষের মাঝে একটি কল্যাণের মূর্তিতে মুদ্রিত হইয়া যাইত...জগৎ-লক্ষ্মীর হাসি নেই হাসির অঙ্গে প্রতিফলিত হইত ; সে হাসিতে কপট কলাবস্তা ছিল না, কিন্তু উন্মোচিত বক্ষের অহৈতুকী উদারতা ছিল।

সে হাসি তার প্রোঢ়াবস্থায় বক্র হইয়া উঠিয়াছিল। হাসির শৈশব আছে, যৌবন আছে, বার্দ্ধক্য আছে, কিন্তু হাসি যখন অসহায় হইয়া আতঙ্কে বাঁকিয়া চুরিয়া দেখা দেয় হাসির তখন মুমূর্ষু অবস্থা—অসুরীর

## রোমহুঁন

মত চতুর্দিকে নিরঙ্ক কারায় বেঠন করিয়া অন্ধকার যখন দীপ-শিখাটিকে বায়ুর তীর মারিয়া মূহুমূহঃ আঘাত করিতে থাকে, এ হাসি তখনকার সেই দীপশিখাটির মত—মৃত্যুর দিকে চলিয়াছে...

চিতার অঙ্গারে একবিন্দু অগ্নির মত নিজ্জীব এবং করুণ একটি হাসি পুত্রকে প্রদান করিয়া অভয়ের পিতা স্বর্গারোহণ করিয়াছিল—  
এটিই ছিল তার উন্মথিত জীবনের সার বস্তু...

পিতার দেওয়া হাসিটি অভয় ধারণ করিয়াছে...

এই হাসিটী বহুদিনের, প্রায় পঁচিশ বৎসরের পুরাতন। অভয়ের পিতা সত্তর বৎসর বয়সে পরলোকগমন করে; কিন্তু নিজের এই দীর্ঘায়ু করুণাময়ের শুভ-দান বলিয়া আদরের চক্ষে অধোর তাহাকে দেখে নাই।...অভয় দেখিত কেবল বাপের মুখের তীব্র হাসির ভঙ্গীটি—যমের কর্ণে কুণ্ডলের দ্ব্যতির মত ভয়াবহ সেই হাসি।

এরা চাষী পরিবার। মাটীই ইহাদের লক্ষ্মী, জননী; জননীর স্তনের মত মাটির বুকের শ্রামল রস-উৎসই ইহাদের জীবন...যখন আনন্দ আসে তখন মাটির স্বর্ণোজ্জ্বলা মূর্তির দিকে চাহিয়া আসে...যখন লুটাইতে হয় তখনও এই মাটির উপরেই বুক চাপিয়া লুটায় তারা—মাটি তাদের চোখের জল, বুকের আঙুন শুধিয়া লয়। ত্রাসে অন্ধকার দেখিয়া চোখের পাতা যখন অবশ হইয়া বুজিয়া আসে তখনও মাটির জগদ্ধাত্রী মূর্তিরই তারা ধ্যান করে...

জগন্মাতাকে মনে করিতে তাদের মাটিকেই মনে পড়ে...দশভুজা প্রতিমা মূর্তিকার; কালী, ত্রিনিও মাটির; সব একাকার—মাটি ছাড়া আর কিছু নাই...

প্রাণ-প্রার্থিতা করিলে মাটির রূপে স্বর্ণ আলোকিত হয় ; দশহাজার দশহস্ত দশদিকে প্রসারিত হয়...

কিন্তু সেদিন আর নাই—সেদিনের কথা ভাল করিয়া স্মরণই হয় না ; মাটির ভুবনমোহিনী মূর্তি অন্তর্হিত হইয়া তার রুদ্ধ মূর্তিই দিগন্ত পথান্ত ধব্বক ধব্বক করিতেছে—তাহাতে প্রাণ নাই...

অভয়ের পিতা পৃথিবীর এই মূর্তির দিকে চাহিয়া কেমন করিয়া একটু হাসিত, দেখিয়া লোকে ভয় পাইত ; কিন্তু অভয় মানুষকে ভয় দেখাইতে বাপের স্মরণীয় হাসিটি আপন ওষ্ঠে স্থাপিত করে নাই—ভিত্তর হইতে সে হাসি আপনিই আসিয়াছে।

বাপ যখন মারা যায় তখন অভয় বৃদ্ধিত সবই ; পয়সার অভাবে রোগীর চিকিৎসা হয় নাই, রোগী উপযুক্ত পথ্য পায় নাই।

অভয় শুনিয়াছিল, বাবুরা তিনভাই তাঁহাদের পল্লীভবনে আসিবেন।

যে লোকটি পালঙ্কে বার্ষিক লাগাইতেছিল সে একবার মুখ ফিরাইয়া দৃষ্টকে দেখিল ; তারপর নিজের কাজের দিকে মুখ ফিরাইয়া গেল,—বস...শুয়ে একটু ঘুমোবে কেবল, তারই জগে ধরচ কত, তার তায়াজ কত !

অভয় চৌকাঠের উপর বসিয়া বলিল,—হবে না ! ওঁরা ভাবেন ফত !

অভয়, গুজব নয়, ভুক্তভোগীর মুখেই শুনিয়াছিল, বাবুরা কলিকাতায় থাকিয়াও পল্লীর কথা ভাবিয়া একদিকে গলদ্বার্ম অগ্নিদিকে দিশেহারা ইয়া যান—হামেসাই তাঁদের বিশ্বাসের প্রয়োজন হয়।

## রোমহুঁন

রঙের মিস্ত্রী বলিল,—ভাবেন বই কি । মাথা আছে ভাবেন ; পা থাকলে ছুটতেন, হাত থাকলে লুফতেন...

—কি ?

—কদলী । বলিয়া লোকটি অভয়ের দিকে ফিরিয়া চাহিয়া একটু মুচ্কি হাসিয়া বলিল,—ভাল করে' বস' । তামাক খাই ।

কিন্তু অভয়ের আর বসিবার ইচ্ছা রহিল না । বাবুদের প্রতি তার বিশেষ পক্ষপাতিত্ব না থাকিলেও এমন অন্ধ-আক্রোশ নিশ্চয়ই ছিল না যে, প্রকাশ্যে তাঁহাদের উদ্দেশ্যে সে কদলী প্রদর্শন করিতে পারে । তার ভদ্ৰ-অন্তরের কাছে বেতনভোগী মিস্ত্রীর এই অকারণ কটুক্তি অনার্ত্তজনীয় অপরাধ বলিয়া মনে হইল ; বলিল,—তুমি খাও, আমি আসি । বলিয়া সে উঠিবার উদ্যোগ করিতে লাগিল ।

—চলো ? এই গ্রামেই বুঝি তোমার বাড়ী ?

—হঁ । তোমার ?

—আমার বাড়ী গোয়াড়ী ।...এই জঙ্গলে আমায় পাঠিয়েছে খাটে বার্ণিশ আর কাঠে রং করতে ! তাতেই ত' রাগ করছি । না আছে খাবার দিশে, না আছে শোবার সুখ ।...মশা কত ! দিনমানেও—সত্যি সত্যিই উঠলে যে হে !

—হ্যাঁ, যাই । বাবুরা আসবেন কবে ?

মিস্ত্রী মুখে কিছু বলিল না ; রং-মাথা হাত নেতি সমেৎ উণ্টাইয়া দিশেহারার ভঙ্গী করিল...তারপর জিজ্ঞাসা করিল,—এ বাড়ী কতদিনের জান ?

—এক শ' বছরের হবে ।

দৃষ্টি উর্দ্ধদিকে একবার উৎক্ষিপ্ত করিয়া মিস্ত্রী—বলিল,—সেকেলে কাঠ কিনা—কড়ি বরগা ঠিক আছে।...এ বাড়ীতে লোক ঢোকেনি কতদিন ?

—বছর দশ-বার হবে ।

—এবার যে বড় দয়া হ'ল ! গরজ আছে বুঝি ! বলিয়া চতুর ঠাট্টার সাড়া না পাইয়া মিস্ত্রী উঠিয়া দাঁড়াইয়া দেখিল, আগন্তুক চলিয়া গেছে ।

বাবুদের আসিবার কথাটাই ভাবিতে ভাবিতে অভয় বাড়ীর দিকে চলিল...কাহারও দরদ কেহ যাচিয়া চায় না, কেহ কাহারও উপকার যাচিয়া করিতে আসে না...

অভয় হাঁটিতে হাঁটিতে যাইয়া নদীর ধারে দাঁড়াইল । দক্ষিণে বামে দুইদিকে আর সম্মুখে 'যতদূর দৃষ্টি যায় ততদূর ব্যাপিয়া ব্যর্থ কৃষিকার্যের অথগু শ্রুতা ধু ধু করিতেছে...যে ফসল জন্মিয়াছিল তাহা পণ্ডশ্রম করিয়া কাটিবার প্রয়োজন হয় নাই ; গরু লাগাইয়া দিয়া লোকে তাহা কাঁচাই খাওয়াইয়া দিয়াছে—ভোজনাবশিষ্ট শুষ্ক ডাঁটা আর লতা ক্ষেত্রের উপর লুটাইয়া আছে—

অভয়ের চোখ ছল্‌ছল্ করিতে লাগিল—

পাছে আশাহত সন্তানের সঙ্গে চোখাচোখি হইয়া যায় এই ভয়েই যেন ভূমিলক্ষ্মী সর্ব্বদ্বৈত উপর আবরণ টানিয়া দিয়াছেন...

কিন্তু আগে এমন ছিল না—ভূমিলক্ষ্মীর মুখ লুকাইবার হেতু ঘটিত না...সর্ব্বসম্পদের পুরোভাগে আর সর্ব্বস্বত্বের সমষ্টির কেন্দ্রে তিনি প্রধানতম স্থানটিতে অধিরোহণ করিয়া বিরাজ করিতেন ।...



## রোমহুন

বাল্যকালে নদীর ধার—এপার আর ওপার—তাদের অতি প্রিয় ছিল...

এখনও হাতে কাজ নাই, তখনও হাতে কাজ থাকিত না...

অভয় ও-পারের দিকে চাহিয়া রহিল...

ওই খানটিতে জলের ধারে বরাবর উজান দিকে রসিকপুরের বাঁকের মুখ পর্যন্ত ঝাড়ুয়ের বন ছিল...বর্ষার জলের কাদা গাছের সবুজ ডাঁটায় শুকাইয়া থাকিত . ঘাটে বাঁধা পরের নৌকায় অকারণেই নদী পার হইয়া সেই ঝাড়ু বনে তারা বিচরণ করিত ; তার ভিতর লুকোচুরি খেলা বেশ চলিত...সিঁড়ি সিঁড়ি শব্দটা যে উঠিত, কোথাকার একটা ত্রিয়মাণ সুরের সঙ্গে তার মিল থাকিত...নদীর ধারে বসিয়া জলের স্রোতের ভিতর হাঁটু পর্যন্ত ডুবাইয়া দিয়া বসিয়া থাকা—অশেষ কৌতুক তাতে...স্রোতের টানে পায়ে টান লাগিয়া রক্তে যেন স্ফুটস্ফুটি লাগিত...ভাসিতে ভাসিতে আসিয়া কোথাকার আবর্জনা পায়ের সঙ্গে জড়াইয়া আটকাইয়া পড়িত...একটা লম্বা খড় পা বেড়িয়া দুই মুখ স্রোতের দিকে ভাসাইয়া দিয়া থবুথবু করিয়া কাঁপিত ..

সে ঝাড়ুবন নাই—

অভয়ের মনে হইলে পল্লীর ক্রোড় নিঃশ্বাস করিয়া যত কিছু সামগ্রী একে একে বিচ্যুত হইয়া গেছে, তাহাদের সকলের বড় বাল্যকালের সেই ঝাড়ুবনটি...

স্মৃতি কত আসে, কিন্তু তারা নিরীহ ; নিঃজীব বাহু বাড়াইয়া আলিঙ্গন করিতে চায়...প্রেতমূর্ত্তির সে মুক—মুখে তার ভাষা নাই—মনকে সে বিচলিত করে না ।

তখন কত ইচ্ছা ছিল ; কিন্তু ইচ্ছার কল্লোল এখন অন্ধকার, অচঞ্চল... যখন সুখের দেবতা মোনাবলম্বী হইয়া একেবারে মুখ ফিরান নাই, তখন কৈশোরের স্মৃতি এতটুকু হাসির আকারে, গানের ছুটি কলির সুরে চম্‌ক্‌ দিয়া যাইত... একটি রেখায় জীবনের এই ছুটি যুগ যুক্ত ছিল—উষার সঙ্গে অপরাহ্নের যেমন দৃষ্টির যোগ থাকে।... তখন সে স্মৃতির শক্তি ছিল—

কিন্তু আজ তার মূল্য নাই ; মৃতের আত্মা যেমন দূর হইতে পরিত্যক্ত দেহটাকে দেখে তেমনই নিরর্থক দৃষ্টি লইয়া মাঝে মাঝে স্মৃতির জগতে চিত্ত ধাবিত হয় --

সেদিন আবার যদি ফিরিয়া আসে !—

মনে হইতেই অভয় শিহরিয়া উঠিল...

সেই রোদ্র আর নদীতীর চিরদিন নীরব ; হঠাৎ সেই নীরবতা ভঙ্গ করিয়া মানুষের হাহাকার নদীর দুই তীর হইতে নদীর বুকে আছড়াইয়া পড়িল --তার নির্গমের পথ নাই—উপরে আকাশ, নিম্নে মাটি...মধ্যবর্তী স্থানটি পরিপূর্ণ করিয়া সেই হাহারব অভয়ের চক্ষের সম্মুখে আবর্তিত হইতে লাগিল...

অভয়ের মনে হইল, সেদিন ফিরিয়া আসিলেও তার নাগাল পাওয়া যাইবে না—মধ্যে একটি শুষ্ক হাহাকারের মরুভূমি রহিয়াছে।

প্রকৃতি গতায়ু :—

তাহার মুখের দিকে চাহিয়া মনে হয়, মৃতের ছবি দেখিতেছি ; সে-ই অবয়ব ; কিন্তু তাহার সঙ্গে হৃদয়তা চিত্তবিনিময় ঘটে না...

ইহার স্বকীয়ত্ব আর সৌন্দর্যের অন্তর্ভূতি মনকে তখন বিজড়িত

## রোমহুন

করিত না—করিত ইহার সাহচর্যের পরিবেশন ; কিন্তু ভূমিলক্ষ্মীর সঙ্গে সঙ্গে এ-ও রূপণ হইয়া অমৃতের পাত্রপূট টানিয়া লইয়াছে...সেকালের সঙ্গে একালের গ্রন্থি তখনই কাটিয়া গেছে...ইহার আন্দোলন আর ধ্বনির সঙ্গে একাকার হইবার পথ মানুষ খুঁজিয়া পাইতেছে না ।

যেদিন আকাল আসিল, সেদিন সে কেবল অতৃপ্ত ক্ষুধারই যন্ত্রণা দিল না—অন্তরস্থ আশ্রয় বস্তুকে সে কাড়িয়া লইল...যে ধারাবাহী চিন্তায় থাকিয়া থাকিয়া শিহরণ ফুটিত তাহা আগে আলোড়নে পঙ্কলের মত বর্দমান্ত, পরে শুকাইয়া কঠিন হইয়া গেল—তার ফাটল দিয়া এখন বাসুকীর বিষের জ্বালা ওঠে ।

অভয়ের বয়স এই বত্রিশ—

এই বয়সেই সে পুরাতন জগতের দেহ হইতে বিচ্ছিন্ন হইয়া গেছে । কেন এমন ঘটিয়াছে এ প্রশ্নের শেষ উত্তর কোথাও বোধ করি আছে ; বালকে যেমন করিয়া ধূলা ছিটায়, একটা অস্বাভাবিক অস্পষ্টতা অদৃষ্ট তেমনি করিয়া ছিটাইয়া রাখিয়াছেন ; তাহার উর্দ্ধে এ প্রশ্নের সমাধান হয় তো আছে...

পূর্বপুরুষগণের কৰ্মক্ষেত্র ছিল, স্বার্থ ছিল, অভিমান ছিল, অহঙ্কার ছিল...এই বিস্তীর্ণ পশ্চাৎপটের উপর তাঁরা লীলা করিয়া গেছেন...

কিন্তু আসল কথা এই যে, অভয় সংসারে কখন প্রবেশই করে নাই—দ্বারের নিকট হইতেই বিতাড়িত হইয়াছে...

তখনও বিপদ আসিত ; কিন্তু নিরবচ্ছিন্ন জীবনের পথে প্রাচীরের মত নয়—একটি অকিঞ্চিৎকর উপলক্ষ্যই বাধার মত...

আর এখন ?

অভয় চোখের উপর কাপড় বুলাইয়া কি মুছিল কে জানে, কিন্তু চোখে তার জল ছিল না ।

পথে দেখা কালোশশীর সঙ্গে—

ধড়্ বড় পা ছোট কালোশশী তড়্ বড়্ করিয়া চলিতেছিল ; অভয়কে দেখিয়া সে দাঁড়াইল ; ফুড়ির সহিত বলিল,—চলেছি রামমোহনের কাছে ; গেট করবো—তার দুটো বাঁশ চেয়ে রেখে' আসিগে ।

অভয়ের চোখে বিষ্ময় দেখিয়া কালোশশী না থামিয়াই বলিল,— বাবুরা তিন ভাই আসুছেন যে ।

অভয় বলিল,—জানি, শুনেছি ।

—জানবে বৈ কি, না জানার ত' কথা নয় । বলিতে বলিতে টপ্ করিয়া অভয়ের হাত ধরিয়া কালোশশী বলিল,—এস, এস . এ আমারও কাজ, তোমারও কাজ । বলিয়া অভয়কে সে গন্তব্য স্থানের দিকে টানিতে লাগিল ।

অভয় বলিল,—যাচ্ছি, ছাড় ।

কালোশশী তৎক্ষণাৎ তার হাত ছাড়িয়া দিয়া বলিল,—এখন পেলে বাঁচি ; রামমোহনটা যে কঞ্জুষ !

—তোমার নিজেরও ত' ঝাড় আছে ।

কালোশশী চোখ মটকাইয়া বলিল,—তুমিও যেমন ! দাতার ডাব, বখিলের বাঁশ !...যা শত্রু পরে পরে ..

## রোমন্থন

অভয় কালোশশীর শত্রু-বিদায়ের সঙ্গী হইল বটে, কিন্তু তেমন উৎসাহ তার দেখা গেল না ; বলিল,—ছুটো টাকা দেবে ধার ?

—দেব ; দিন বেছে' যাত্রা আর লোক বেছে' উপকার আমি করিনে। তবে সে পরের কথা পরে হবে।

ছুঁচার পা ঘাইয়াই অভয় বলিল,—আমার যে এখনই চাই।

—এ-খ-ন-ই !... চলো দিচ্ছি গিয়ে—এই বাঁশের কথাটা বলে' যাই।...তুমি না হয় ফেরো, বাড়ী হ'য়ে এস গে।

কালোশশী নিতান্ত পরিচিত লোক, অভয় ইঙ্গিতটা তাই এক নিমেষেই বুঝিয়া ফেলিল ; বালল,—কিছু পাট দিতে পারি—আর কিছু নেই।

কালোশশী যেন হঠাৎ আহত হইয়া চমকিয়া উঠিল ; পরম দুঃখের সঙ্গে বলিল,—কেবল তোমার নয়, কারো ঘরেই কিছু নেই, রইল না।...এ বছর পাট কেনা আর টাকা জলে ফেলা সমান হ'য়ে দাঁড়িয়েছে।...আর কিন্বই বা কত ! কিনে রাখিই বা কোথায় !...গাঁয়ের পনর আনা লোক কেবল পাটই আনছে মাথায় করে' করে'। তা' তুমি যাও, পাট পাটই সই।—বলিয়া দার্কণ্যের একশেষ দেখাইয়া কালোশশী অভয়ের দিকে চাহিয়া ছাঁটা গৌঁফ নাকের দিকে তুলিল ; তারপর স্তম্ভুর একটু হাসিল।

এত সংক্ষেপে টাকা পাওয়া যাইবে অভয় তা' ভাবে নাই ; সে-ও কালোশশীর মুখের দিকে চাহিয়া সত্যিকার হাসিই একটু হাসিল—এবং নিজের হাসি দেখিয়া সে নিজেই বিস্মিত হইয়া গেল...

বাঁচিবাব আকাজ্জক একাগ্রতাই পশুর যথার্থ পরিচয়। কল্যাকার .

অনাহার যন্ত্রণা অভয়রা ভুলিয়া যায় বলিয়া মনে হয়, কিন্তু তা' ভোলে না ; গত দিনটি পাথরের মত পশ্চাতের পাথারে তলাইয়া যায়—তাহাকে চোখের সম্মুখে উত্তোলিত করিয়া পুনরায় নিরীক্ষণ করিতে কেবল সাহস তাদের নাই... শুধু বর্তমানই তাদের কাছে সজীব, সে-ই আসিয়া 'দাও' বলিয়া হাত পাতিয়া দাঁড়ায় ; যে-কোনো দাক্ষিণ্য দিয়া তাহাকে বিদায় করিতে পারিলেই ভার নামিয়া যায়।... স্বাভাবিক মানুষের মত দিকে দিকে সে তার সন্তার শিখা প্রধাবিত করিয়া দেয় নাই ; একটি মাত্র বিন্দুর উপর সকল রশ্মি নিপতিত হইয়া তাহাকেই অসাধারণ উত্তপ্ত আর উজ্জ্বল করিয়া তুলিয়াছে... আর সব শীতল ও অন্ধকার।...

মরিব না, বাঁচিব—এই সংস্কারের প্রভাব দিন দিন ক্ষীণ হইতে ক্ষীণতর হইয়া আসিতেছে বলিয়াই ওদের জীবনের গতি বাহির হইতে এমন সহজ আর সরল মনে হয়।... যাহা হইলে হইতে পারিত তাহার একটি প্রতিবিশ্ব বাস্পাচ্ছন্ন দর্পণের অভ্যন্তরস্থ ছায়ার মত অস্পষ্ট চোখে পড়ে।... ক্রিয়ারত সাবলীল যে বস্তুটিকে জীবন বলা হয় সে এমন কারাবরুদ্ধ হইয়া থাকিতে পারে—ইহা আশ্চর্য্য বটে ; তার আর সব অভিব্যক্তি নিদ্ভিত ; কেবল প্রহরীর দৃষ্টির মত একটি চৈতন্য একই দিকে নিবদ্ধ হইয়া আছে—আজিকার দিনটি।

চিন্তায় অসাড়তা আনিয়া দিয়া প্রকৃতি তার উপকার করিয়াছে—উদ্ভুদ্ধ মস্তিষ্ক জীবনের এই বিভীষিকা সহ্য করিতে পারিত না ; সন্ধ্যা একই দিকে একাগ্র হইয়া তাহাকে বাঁচাইয়া রাখিয়াছে—সে আত্মহত্যা করে না।

## রোমহূন

অতি কষ্টে কালোশশীর বাঁশের যোগাড় হইয়াছে ; বাঁশ কাটিয়া ঝাড়েই রাখিয়া আসিয়াছে, দু'তিন জন লোককে ধরিয়া কঞ্চি ছাঁটিয়া বাঁশ ঝাড়ের ভিতর হইতে টানিয়া বাহির করিতে হইবে।

অভয় যখন ত্রিশ সের পাট লইয়া কালোশশীর বাড়ীতে উঠিল, তখন বেলা দেড়টা আর কালোশশীর মেজাজ প্রফুল্ল হইয়া আছে।

কিন্তু পাট দেখিয়া সে মুখ সিটকাইল ; বলিল, তোমার পাটের “কোয়ালিটি” খারাপ হে ! আঁশে “গ্লেজ” কই ! দালালে সঙ্গে সঙ্গে “রিজেস্ট” করে দেবে...সাতসিকের বেশী দিতে পারিনে।

কালোশশী ভাবিয়াছিল, খানিক টানা হেঁচড়া করিতে হইবে, কিন্তু অভয় সঙ্গে সঙ্গেই বলিল—তাই দাও, সাতসিকেই দাও।

কালোশশী অবাক হইয়া গেল ; মনটা তার তিব্বতি করিতে লাগিল—দেড় টাকাতেই দিত বোধ হয়।...বলিল,—ডাঁহা লোকসান্ গেল, আনা চেরেক ত বটেই।—বলিয়া কিছুক্ষণ ভ্রমজী করিয়া থাকিয়া যেন লোকসান্টা সে সহ্য করিয়া লইল...তারপর, কেবল এই বৎসরের জুতাই পুরাতন টিন দিয়া নূতন নিশ্চিত পাটের গুদামের দিকে চাহিয়া সরল হাশ্বের সহিত কালোশশী বলিল,—যাক্ গে, আর ভাবি কেন !...

সাতসিকার চারসিকির দরুণ পূরা একটি টাকা আর তিনসিকির দরুণ কয়েকটি রেজকি দিয়া কালোশশী অভয়কে বিদায় করিল ; কিন্তু দেখিয়া লইলেই অভয়ের চোখে পড়িত, রেজকির একটি সিকি খারাপ।

## পরিচ্ছেদ ৩

বাবুরা আসিতেছেন ।

বাড়ীর চারিদিকেই বড় বড় গাছ ; তাদের হরিৎ—আলিঙ্গনের মাঝে অট্টালিকার শ্বেত-মূর্তিটা কতকটা নিলজ্জ দস্তুর মত দেখাইলেও ফুটিয়াছে বেশ ।

এদিককার আয়োজন—অভয় জানিত না—কালোশশী বলিল, “কম্প্লিট”, গেট প্রস্তুত । বাবুদের “বেয়ারা” আর বসিবার চেয়ার আসিয়া পৌঁছিয়াছে...বেতের তিনখানি, তার উপর প্রায় শোয়া যায়— দুই পা দুইদিকে টান্ টান্ করিয়া মেলিয়া দিবার সুবন্দোবস্ত আছে ; ছোট-খাট’ তিন চারিটি মানুষকে তার আয়তনের ভিতর ডুবাইয়া রাখা যায় । কালোশশী বেতের বয়ন-কৌশল দেখিয়া অবাক হইয়া গেল— টিপিয়া দেখিল, নোয়ান’ কঠিন ।

তারপর কাপড় লাগান চেয়ার, তাতেও অর্ধেক শোয়া যায়—ইচ্ছা করিলে দোল খাওয়াও যায়...

অভয় বলিল,—বাবুরা কেবল শুতেই আসছেন !

—না, না । বলিয়া কালোশশী প্রতিবাদ করিয়া তৃতীয় প্রকারের চেয়ার দেখাইয়া দিল, যাহার উপর কেবল বসা যায়, পিঠ খাড়া বলিয়া শুইবার উপায় নাই । তারপর বলিল,—বাবুরা শুয়ে-শুয়ে যে মেহন্নৎটা করে, তোমার আমার ভূঁই চবার চেয়ে তা’ আকাশপ্রমাণ বেশী ।



## রোমহুন

—তা' হবে!

—তা-ই হয়েছে। মজুর আর বাবুতে তফাত ত' ঐখানেই। তুই সারা দিন খেটে ছ'-আনা পাবি—বড় জোর সাত আনা, বাবুরা মাথা খাটিয়ে হাকিমের সামনে একটি কথা বলে' দেবে, তার দাম দিতে হবে তোকে চারটি টাকা।

কালোশশী'র মনে মহকুমার বড় উকিল নারায়ণবাবুর চিত্র উজ্জ্বল হইয়া উঠিল; তিনি কথা বলেন কম, দু'টি কি একটি; তাতেই কিস্তি মামলা ফয়সালা হইয়া যায়—সে কথার নড়চড় নাই। কালোশশী দেখিয়াছে, নারায়ণবাবু ঐরকম একটা চেয়ারে প্রায়ই শুইয়া থাকেন। শায়িত মানুষের উপর অভয়ের মত কালোশশী'র তাই অশ্রদ্ধা নাই। অভয়ের ছোট উকিলের শুইবার অবসর নাই।

কালোশশীও আগে চিনিত না এমন অনেক জিনিষের সঙ্গে বাবুদের “বেয়ারা” রামহরি তাহাদের পরিচয় করাইয়া দিল—গ্যাস্ স্টোভ, ইকুমিক্ কুকার, হাট্ র্যাক্, টয়লেট টেবিল, শেভিংমিক্, সল্‌টেড্ বাটার...

এবং আরো অনেক—

কিস্তি কালোশশী তাহাদের একটি নামও দুই মুহূর্তের বেশী মনে রাখিতে পারিল না।

তার অবাক মুখের দিকে চাহিয়া রামহরি পুনশ্চ বলিল,—বাবুদের টিফিনে খাবার পাঁউরুটী ইংরেজের দোকান থেকে রোজ ডাকে আস্বে।

কালোশশী এমন কি অভয়ও এ শুভ-সংবাদটা হৃদয়ঙ্গম করিতে

পারিল...পুলকে মুখ উজ্জ্বল করিয়া কালোশশী অভয়ের মুখের দিকে চাহিয়া রহিল...বাবুরা যেন তাহারই যত্নকৃত সম্পত্তি—সম্পত্তির শ্রীরাক্ষ দেখ !

কালোশশী জিজ্ঞাসা করিল,—বাবুরা কি সস্ত্রীকই আসবেন ?

বাজে লোক হইলে এই প্রশ্নে দাঁতে জিব কাটিত, কিম্বা কোতুক করিত ; কিন্তু বাবুদের সঙ্গে সঙ্গে থাকিয়া রামহরির চিন্তাসংঘম আসিয়াছে ; শুধুই বলিল,—না, তাঁরা আসবেন না ।

শুনিয়া গ্রামের অযোগ্যতা স্বন্ধে অভয়েরও সন্দেহ রহিল না, এবং কালোশশীর সেদিনের তদ্বির ঐখানে শেষ হইল ।

কালোশশী উপযাচক হইয়া কেন এত সমারোহ করিতেছে তার কারণ মানুষের তেমন চোখে পড়ে না । কেহ তাহাকে সে তার দেয় নাই ; নিজের স্বন্ধে অভ্যর্থনার দায়িত্ব লইয়া বাবুদের ঐতিলাভ করিয়া বিশেষ লাভবান হইবে এ সম্ভাবনাও নাই—তবু সে মাতিয়াছে ।

বাবুদের সমকক্ষ সে কোনো দিক দিয়াই নয় । বাবুরা ছাড়া-কাপড় যাহার উপর ফেলিয়া রাখেন, সে বস্তুটার নাম সে জানে না—কাঠের পালিশ দেখিয়াই তার চমক লাগিয়া গিয়াছিল । বাবুদের কুকুর যাহা খায় সে গুরুপাক দ্রব্য কালোশশীর পেটে গেলে চোয়া ঢেঁকুর উঠিবে বার ঘণ্টা দমসন্ঠেঁকিবার পর ।

তবু বাবুদের সঙ্গে তার ঐক্য আছে—একটা আলাহিদা স্থানে উভয় পক্ষের মনে মনে ধস্ম-সমবয় ঘটিয়াছে ; সেই একটি মাত্র দৈবজ্ঞ আবহাওয়ার মাঝে বাবুদের সঙ্গে কালোশশী একত্র অবস্থান করে ।

দুই পক্ষই তুচ্ছ কারণে ক্ষুভি পায় । যে ভাগ্যহীনের দল জীবনের

## রোমছন

এই ক্ষুধিটুকু জন্মের মত হারাইয়াছে, কালোশশী তাহাদের সঙ্গে বাস করিয়াও তাহাদের নয়—তার স্তর স্বতন্ত্র। মানুষ সবাই এক-একটি অস্তিত্বের বিন্দু ; এই বিন্দুটি বিস্তৃতি লাভ করিতে মানসিক যে ক্ষুধির প্রয়োজন তাহা কালোশশীর আছে—অভয়ের বিলুপ্ত হইয়া গেছে। কালোশশীর ভ্রমেও মনে হয় না যে, পৃথিবীর বুকের উপর তার সংস্থাপন বিধাতার নিয়মের ব্যতিক্রম,—পরস্তু সৃষ্টিশৃঙ্খলার একটি সম্যক্ দৃষ্টান্ত সে ; নিজের জীবনের বাহিরের রূপ যাহা নিত্য নিয়মিতভাবে তার চোখের সম্মুখে লীলায়িত হইতেছে, কালোশশীর মনে হয়, সে তার আত্মার দিব্য-দ্যুতিরই রূপ ...

তার ঐ দিব্য-বস্তুটি প্রাণ-প্রবাহের বিপরীত মুখে দাঁড়াইয়া, অভয়কে যেমন, তাহাকে তেমন করিয়া অধঃপতিত করে না।

কালোশশীর চোখের উপর একটা বীভৎস অভিনয় নিয়তই অনুষ্ঠিত হয় না—

পৃথিবীর গর্ভাবাস লুণ্ঠন করিয়া ছায়ামূর্তি দলে দলে তীরের মত ছুটিয়া দিগন্তের অন্তরালে অদৃশ্য হইয়া যাইতেছে ; তাহাদের কাহারো হাতে অপহৃত স্বর্ণপিণ্ড, ছায়ামূর্তির নাসিকাগ্রে স্বেচ্ছন্দনের তিলক-রেখার মত সোনার আভা পড়িয়াছে...

তাহাদের কাহারো হাতে রসপূর্ণ পাত্র,—“গেল গেল” রব তুলিয়া মানুষ যে আর্তনাদ করিতেছে, তঙ্করেরা তাহাতে কর্ণপাত করিতেছে না।

দেখা যায়, দুঃসাহসী কে একজন তাহাদের পশ্চাদ্ধাবন করিল, ছুটিতে ছুটিতে দুই বাছ উর্দ্ধে উৎক্ষিপ্ত করিয়া মাটি ছাড়িয়া সে লাকাইয়া উঠিল—মুখ হা, তাহার ভিতর গোঙানি...মাটিতে পৌঁছিয়া

দাঁড়াইয়া টলিতে-টলিতে সে পড়িল...খানিক কাঁপিয়া স্থির হইয়া রহিল—মরিয়াছে।

কালোশশীর এমন ছুরদৃষ্ট নয় যে, এসব তার চোখে পড়িবে...তাই স্ফূর্তি আছে, বাবুদের সঙ্গে মিল আছে।

বাবুদের বিশ্রাম আছে, কালোশশীরও আছে, অভয়ের নাই। দিনের পর দিন অভয় চুপ করিয়া বসিয়া থাকে, না হয় লক্ষ্যহীন হইয়া পথে পথে ঘাটে মাঠে ঘুরিয়া বেড়ায়—কিন্তু কাজ নাই বলিয়া বিশ্রাম তার নাই। পলে পলে যাহার সঙ্গে দূরত্ব বাড়াইয়া এই অবসর মুহূর্ত্তগুলি—স্বতঃসিদ্ধ, সহজে অনুভূত হয় এমন আর কিছুই নয়, কেবল একটানা সূক্ষ্ম একটি মৃণাল-তন্তু প্রসব করিয়া চলিয়াছে, সেই বিলীয়মান বস্তুটির বিচ্ছেদ-বেদনায় তাহার তিলমাত্র বিশ্রাম নাই।

তন্তুটি কাটে না—

দেহ দুর্ব্বহ ; দেহ যেন পাতলা একটা আবরণ—প্রাণান্তকর নিঃশব্দ আর্তনাদের উপর বিছান' রহিয়াছে ; এই বহনক্ৰেশ আর যাহাই দিক্ বিশ্রাম দেয় না।

কালোশশী তার বিশ্রামকে ভূষিত করিতে চায়—তা' নইলে তার চলে না।

## পরিচ্ছেদ ৪

বাবুরা নৈকালে আসিয়া পৌঁছিলেন।

মাইল দুই রাস্তা “সাইকেলে” আসিতে হইয়াছে বলিয়া তাহাদের গায়ে কাটা-কাপড়ের পোষাক—আর তা এমন মজবুৎ করিয়া আঁটা যে, তাহাদের প্রকৃষ্ট উপকরণ সম্বন্ধে সন্দেহ করা যায় না।

গাড়ীর সময় ধরিয়া কালোশাশী গেটের সম্মুখেই ওৎ পাতিয়া ছিল... তিন ভাইকে পর পর নমস্কার করিয়া সে সাইকেলত্রয়ের পশ্চাদ্ধাবন করিল—

বাবুরা বুঝিলেন, এই ব্যক্তি তাহাদের অভির্থনা করিল—

কালোশাশী দেখিল, তিন ভাইই সুপুরুষ, নধর গঠন, ধনীর ছালাল বটে।

প্রাণনাথ ঠাকুর আশীর্বাদ করিতে আসিয়াছিলেন; বাবুদের বহিঃপ্রাক্ষণে দাঁড়াইয়া টেবিল-চেয়ারের বাহুল্য দেখিয়া তাঁর অসন্তোষ জন্মিতোছিল; তারপর বাবুদের দেখিয়া তাঁর হতশ্রদ্ধার অন্ত রহিল না... এটা কি সুন্দরবন! বাঘের ডাক শুনিয়া গাছে উঠিতে হইবে নাকি যে কাছা-কোঁচা ত্যাগ করিয়া আসিয়াছে!...প্রাণনাথের আরো মনে হইল, ইহারা আহুক করে না, গায়ত্রী ইহাদের মুখস্থ নাই—যদি থাকে তবে আমার এই টিকি—

কিন্তু পারত্রিক টিকিটি কঙ্কালী-দেবীর দুয়ারে বাঁধা দিবার পূর্বেই প্রাণনাথ শিহরিয়া পিছাইয়া দাঁড়াইলেন—

রামহরি বাক্স খুলিয়া বন্দুক বাহির করিতেছে।...যাহাদের সংস্পর্শ হইতে শত হস্ত ব্যবধানে থাকিতে হইবে বলিয়া সংপরামর্শ দেওয়াই আছে, আগ্নেয়াস্ত্র তাহাদের তালিকাভুক্ত না হইলেও, জনৈক শিকারীর মুখে শোনা কথাটা প্রাণনাথের মনে ছিল—বন্দুকের গুলি নাকি সার্বদ্বিশত হস্ত দূরবর্তী বস্তুকেও বিদ্ধ করিতে পারে।

কিন্তু রামহরি কেবল একটি ফাঁকা আওয়াজ করিল—ইটি ছোট-বাবুর সখ ; পারিলে আওয়াজের সংখ্যা বাড়াইয়া বোধ হয় গেজেট করিয়া দিতেন। আগে হইতেই আদেশ দেওয়া ছিল ; ছোট বাবু চেয়ারে বসিয়াই রামহরিকে ইঙ্গিত করিলেন—রামহরি করিল “ফায়ার।”

প্রাণনাথ আওয়াজটার জন্ত প্রস্তুত হইয়াছিলেন, কিন্তু চমকিয়া উঠিতে হইল ; এবং তারপরই তিনি মূহু মূহু হাস্য করিতে লাগিলেন।

আগমনবার্তা লোহমুখে বিধোষিত হইল, কিন্তু প্রাণনাথ ক্রুর ব্যক্তি—শব্দে বায়সকুল শঙ্কিত হইয়া কা কা রবে ইতস্ততঃ পলায়নপর হইয়াছে দেখিয়া তিনি মনে মনে বলিলেন, উহারা দুর্জনেকে পরিহার করিতেছে ; প্রাণ বাঁচাইবার জন্মগত বুদ্ধিবলে উহারা সর্বদাই সতর্ক ; উহারা তাই চিরজীবী, কিন্তু মানুষের সে সাধ্য নাই—আমি আসিয়া দাঁড়াইয়াছি একেবারে নিকটে কিঞ্চিৎ প্রণামীর আশায়, কেঁড়ে ধরিতে কালোশশী আসিয়াছে ; ওদিকে, যে-শব্দে বায়সের ত্রাসের সীমা নাই সেই শব্দেই আকুষ্ঠ আর কোতুহলী হইয়া কয়েকটি বর্ষের বালক আসিয়া দাঁড়াইয়াছে। মূলতঃ কথাটা ইহাই যে, বাবুদের ‘ধরণ-ধারণে’ তাঁর মনে হইতেছিল, প্রণামী প্রাপ্তির আশা পনের’ আনা নাই, মাত্র এক আনা আছে—তাই তাঁর এই রাগ।

## রোমহুঁন

কালোশশী দ্বিচক্রেৰ পশ্চাতে খানিক্ ছুটিয়া হাঁটিয়াই আসিতেছিল ; বন্ধুকের শব্দে আবার দৌড়াইয়া সে শীঘ্রই পৌঁছিয়া গেল । তখন গতির সম্মুখে প্রণামটা চলন সহ গোছের হইয়াছিল—এবার বাবুদের অনন্তমনস্ক দৃষ্টির সম্মুখে কালোশশী ভূমিষ্ঠ হইয়া প্রণত হইল ।

বাবুরা স্মিত-মুখে প্রণাম গ্রহণ করিলেন ; অসরল চিত্ত প্রাণনাথ ভাবিলেন, উভয় পক্ষই কপট ।

বাবুরা টেবিলের ধারে চেয়ারে চেয়ারে বসিয়া গেলেন—

বড়বাবু রামহরিকে দিয়া বেঞ্চি আনাইয়া অভ্যাগতকে বসিতে বলিলেন ; প্রাণনাথের রাগটা একটু কমিল অর্থাৎ আশা জন্মিল—এবং কালোশশী অল্প অল্প হাসিতে লাগিল—যেন না হাসিলেই বাবুরা তাহাকে গোঁয়ো স্বভাবের অপ্রতিভ লোক বলিয়া ভুল করিয়া বসিবেন ।

বড়বাবু বলিলেন,—আপনাদের এখানে দেখে বড় খুশী হ'লাম ।

কালোশশী প্রত্যুত্তরে কৈফিয়ৎ দিল ; বলিল,—আজ হাটবার, সবাই হাটে গেছে ; ফিরিলেই সবাই এসে দর্শন করে যাবে ; আপনারা আজই পদার্পণ করবেন তা' সবাই জানে ।

মেজবাবু প্রশ্ন করিলেন,—কেমন করে' জান্লে সবাই ?

—গেট প্রস্তুত যখন করি—

—আপনি করেছেন ?

কালোশশী কিশোরী-সুলভ লজ্জায় মাটির সঙ্গে মিশিয়া গেল ; কোনো রকমে উত্তর একটা উচ্চারণ করিল,—না, না, ও কিছু নয় ।

বড়বাবু আর মেজবাবু হাসিয়া কালোশশীকে আরো কুণ্ঠিত করিয়া ছাড়িয়া দিলেন...

কিন্তু ছোটবাবুর মেজাজ যেন কেমন ! তিনি বলিলেন,—দলে দলে লোক আমাদের সঙ্গে দেখা করতে আসুক এ আমরা চাইনে, আমরা অপার্থিব কিছু নই, হট্টগোল আমরা পছন্দ করিনে ।

কথাগুলি রুক্ষ শুনাইল—

বড়বাবুর মনে পড়িয়া গেল, এখানে আসিবার পূর্বে বন্ধু গণপতি তাঁদের বলিয়াছিলেন, মানুষগুলি উল্টাইয়া কোঁৎকা হইয়া না দাঁড়ায়, ইহা দেখিও । তিনি পিঠপিঠই হাসিয়া বলিলেন,—আমরা তাদের ভালবাসি তাই জানাতেই এসেছি...তাদের কাছে গিয়েই আমরা তা' জানিয়ে আসব...তারা এসে বিব্রত হবে এটা ঠিক নয় । তাই নয় কি ?

প্রাণনাথ আর কালোশশী এক সঙ্গেই বলিয়া উঠিল,—আপনি কি আর ভুল বলবেন !

প্রাণনাথকে স্বীকার করিতেই হইল যে, বড়বাবু মিষ্টভাষী ও মেজবাবু প্রভৃতি সকলেই হৃদয়বান্ সন্দেহ নাই ।

মেজবাবু বলিলেন,—কাল সকাল বেলাই ঘুরে' আসতে হবে একবার ।

শুনিয়া কালোশশীর দেহে রোমাঞ্চ জাগিল ; বলিয়া উঠিল,—যাবেন একবার ; আমি আপনাদের দেখিয়ে শুনিয়ে আনব । কিন্তু বলব কি বাবু, পরিচয় করিয়ে দিতে লজ্জা বোধ হয় ।

যেন গ্রামটি কালোশশীর পেটের সন্তান—সন্তানের অপরিচ্ছন্ন হতভ্রীতে তার লজ্জা আছে ।

কোঁচার খুটটি গায়ে জড়াইয়া অভয় আসিয়া দাঁড়াইল ।



## রোমছন

প্রাণনাথ পৈতা মাজিয়া আসিয়াছিলেন—সাবানের জলে ভিজা পৈতা শুকাইয়া চাদরের নীচে খুঁখু করিতেছিল। “পৈতে কালো, বামুন ভালো, পৈতে সাদা, বামুন গাধা”—লোকে এককালে বলিত বটে, কিন্তু সেদিন আর নাই। কাহাকেও বুঝিতে না দিয়া গায়ের চাদরটা সাবধানে সরাইয়া যজ্ঞোপবীত গুচ্ছ বাবুদের চোখের সামনে উদ্ঘাটিত করিয়া দিবার আয়োজন প্রাণনাথ তলে তলে করিতেছিলেন, এমন সময় অভয়ের আগমনে তিনি ছাড়া আর চারিজনকে চোখ অভয়ের দিকে পড়ায় ব্রাহ্মণের বিলম্বিত কর্মটি সংক্ষেপে শেষ হইয়া গেল—

এবং ফলও ফলিল—

বড়বাবু উপবীত দেখিয়া ব্যস্ত হইয়া উঠিলেন ; সসন্ত্রমে বলিলেন,—  
আপনি ব্রাহ্মণ ! প্রণাম হই। বয়োজ্যেষ্ঠ আপনি। বলিয়া হাত জুড়িয়া কপালে ঠেকাইলেন ; বলিলেন,—আপনার সঙ্গে এতক্ষণ কথা বারিনি’—ভারি অগায় হ’য়ে গেছে। আর আমাদের এমন বেবন্দোবস্ত যে তামাকের যোগাড় নেই।...ওরে ?

রামহরি শুনিতেছিল ; তামাকের কথা বলিয়া সাড়া দিল না।

প্রাণনাথ বলিলেন,—থাক, ব্যস্ত হবেন না ; আমি তামাকে তেমন অভ্যস্ত নই।

কিন্তু তাঁহারই পাশ হইতে ব্যস্ত হইয়া লাফাইয়া উঠিল কালোশশী ; বলিল,—আমি তামাকের যোগাড় দেখছি।...অতিশয় তদ্রব্যাক্তি ওঁরা ; আমাদের মত তো নয় ! একটু ক্রটিতেই ওঁদের—

“মাথায় বজ্রাঘাত হয়” না বলিয়া কালোশশী বলিল,—মনে হয়,

বুঝি মানী ব্যক্তিকে অপমান করা হ'ল...তামাক আমি দেখছি। বলিয়া সে চক্ষের পলকে কোন্ দিকে অন্তর্হিত হইল কে জানে।

ভূলের দরুণ আক্ষেপ ছিল—বড়বাবু তাই ঘোরতর সমাদর করিয়া অভয়কে বসিতে বলিলেন, এবং মাটিতে তাহাকে কিছুতেই বসিতে দিলেন না; উপরন্তু চেয়ার হইতে প্রায় অর্ধেক উঠিয়া অভয়কে ভড়কাইয়া দিলেন। অভয় বেঞ্চিরই একধারে বসিল।

প্রাণনাথের দিকে চাহিয়া বড়বাবু জিজ্ঞাসা করিলেন,—ক'ঘর আছেন আপনারা?

প্রাণনাথের মনে হইল, যত বেশী বাস ব্রাহ্মণের তত কল্যাণ দেশের—এইরূপই বাবুর মনোভাব।...বলিলেন,—ছিলাম পাঁচঘর; বর্তমানে টিকে আছি আমরাই একঘর; আমরাও আর বেশী দিন নেই।...আগে পৌরহিত্য করতাম, দিন ভালই চলত, পাওনা ছিল; এখন আমি ভিক্ষোপজীবী।—কঠিন আত্ম-পরিচয়টি ব্যক্ত করিয়া প্রাণনাথ ভাঙিয়া পড়িতে পড়িতে কায়ক্লেশে রহিয়া গেলেন।

আপশোধের কথাই, এবং বিবিধ আকারেই তাহা প্রকাশ করা যাইত; কিন্তু অপরে কেহ কিছু বলিবার পূর্বেই ছোটবাবু বলিয়া বসিলেন,—উঃ!...ব্রাহ্মণকে কিছু দেওয়া উচিত, বড়দা।

শুনিয়া প্রাণনাথের প্রাণ গোপনে নৃত্য করিতে লাগিল, কিন্তু বড়বাবু হঠাৎ লাল হইয়া উঠিলেন...কথাটা বলা অববেচনার একশেষ হইয়াছে...ভিক্ষোপজীবী বলিয়া নিজেকে পরিচিত করিলেই তাহাকে তখনই ভিক্ষা দিবার প্রস্তাব করা!...ব্রাহ্মণ হয়তো অপমানিত বোধ করিয়াছেন।

## রোমহুন

বড়বাবু বিজ্ঞ, তিনি উচ্চবাচ্য করিয়া ছোট ভাইকে লজ্জিত আর ব্রাহ্মণকে আরো অপমানিত করিলেন না—অতিশয় কুণ্ঠিত দৃষ্টিতে প্রাণনাথের চোখের দিকে চাহিয়া রহিলেন...

প্রাণনাথ তাহা দেখিলেন ; ভাবিলেন, এই যাইবার সময়...উঠিয়া দাঁড়াইয়া সহাস্ত-মুখে বলিলেন,—যাই এখন, আফিকের সময় হয়েছে। যতদিন থাকবেন এখানে, আপনাদের যথাসাধ্য সেবা করব...সেবা মানে কেবল হাত পা টিপে' দে'য়া কি তামাক সাজা তা' ত' নয় ; মাছুষের সঙ্গও ত' আপনাদের চাই—যদিও কথা বলতে জানিনে, আর কথা বলবার বিষয়েরও তেমন সম্বল নেই, তবু আসুব।

বাবুরা তিনজনেই হাত তুলিয়া তাঁহাকে প্রণাম করিলেন ; কিন্তু কালোশশীর প্রত্যাগমন পর্য্যন্ত তাঁহাকে বসিতে বলিতে কাহারও ছঁস হইল না।

...বড়বাবু অভয়কে বলিলেন,—তোমার নামটি কি ?

—আমার নাম শ্রীঅভয়চরণ দাস, জাতিতে মাহিষ্য।

কালোশশী “ব্যস্ত-সমস্ত” হইয়া আর ছঁকো কল্কে এবং কল্কের উপর আঙুন লইয়া রাস্তার মোড় ঘুরিতেই অভয়ের কথা তার কাণে গেল—বাবুরা অভয়ের সঙ্গে আলাপ করিতেছেন...

কালোশশী রাস্তার মোড় হইতেই বলিল,—ভারি সৎলোক, বাবু। গ্রামের ইতর-ব্রাহ্মণ সবারই অভাবে স্বভাব নষ্ট হয়ে গেছে, কেবল ও-ই খাঁটি আছে। বলিতে বলিতে ছঁকা হস্তে কালোশশী সভাস্থ হইল...

একাদিক্রমে ইতর ব্রাহ্মণ জনসাধারণের স্বভাব নষ্ট হইবার সংবাদে

বাবুরা ক্ষুণ্ণ হইয়া গেলেন ; কিন্তু কালোশশী ইঙ্গিতজ্ঞ লোক ; বলিল,—  
ধার নিয়ে না শোধ, দোকানীকে তার প্রাপ্য মূল্য না দেয়া, মিথ্যে  
কথা, প্রবঞ্চনা, এ সবও নষ্ট-স্বভাবের কাজই, বাবু !...তারপর চম্‌কিয়া  
উঠিয়া বলিল,—কই, ঠাকুর কই ?...বলিয়া পিছন দিকেও চাহিয়া  
দেখিল ।

মেজবাবু বলিলেন,—ঠাকুর চলে' গেছেন । কি মনে করে' গেলেন  
কি জানি ! হয়তো আমাদের অসভ্যই ঠাউরে গেলেন !

ঘোরতর প্রতিবাদ নিশ্চয় করা উচিত—মনে করিয়া হুকোটাকে  
কোথায় নামাইবে কালোশশী তাহা ভাবিয়া পাইতেছে না এমন সময়  
যে সায়াঙ্ক-শান্তি পল্লীভবনে নিবিড় হইয়া উঠিয়াছিল, ভাঙ্গিয়া তাহা ধান্  
ধান্ হইয়া গেল ..

সমুদ্রে যেমন জলন্তস্ত ওঠে, একটা আর্দ্রকণ্ঠ সন্ধ্যার অন্ধকারের  
উপরে সহসা তেমনি সচল হইয়া উঠিয়াছে । কালোশশী হুঁকা হাতে  
করিয়া দাঁড়াইয়া রহিল—বাবুরা আঁৎকাইয়া উঠিলেন—অভয় মাথা  
নোয়াইল...

## পরিচ্ছেদ ৫

ক্রন্দনসুর বহিতে লাগিল—

একটা অনৈসর্গিক গ্রামে উপনীত নারী-কণ্ঠের অনতিতনু দীর্ঘ সেই  
সুর সূক্ষ্ম ছন্দে আনত উন্নত হইয়া গড়াইয়া চলিল...মনে হইতে লাগিল,  
একই নির্দিষ্ট স্থান হইতে নহে—মাটি হইতে আকাশে উঠিবার উদ্ধ অধঃ  
দক্ষিণে বামে যেখানে যে রক্ত পাইয়াছে সেই রক্ত দিয়াই শব্দ উঠিতেছে—  
মুহুম্বুহুঃ নিঃসৃত বহুশব্দ একটা নিরবচ্ছিন্ন নিনাদে ক্ষীত হইতেছে।

কান্নার শব্দ মাঝে মাঝে কর্কশ শুনাইতেছে—কে যেন তাহাকে  
ভাঙ্গিয়া নামাইতে চায়...তবু তার বিরাম নাই।

বাবুরা ইহার জ্ঞাত প্রস্তুত ছিলেন না—

রোদনরোল তাঁরা শোনে নাই এমন নয়, কিন্তু এমন স্বতন্ত্র  
করিয়া কদাচ শোনে নাই...সহস্র জাতীয় শব্দের মধ্যে সে-ও একটি  
শব্দ—ঐ শব্দ মাত্রই।

কিন্তু এখানে ঐ একটি মাত্র নক্ষত্র; দূরে কাহার কুটারে একটি  
মাত্র প্রদীপ জ্বলিতেছে—নয়নপল্লবে আগত নিদ্রার মত স্ননিবিড়  
স্পন্দহীন অন্ধকার পরিব্যাপ্ত হইয়া আছে...তাহারই মাঝে হঠাৎ  
এ কি!...কে যেন সূচীতীক্ষ্ণ শরবর্ষণ করিয়া ভয়কুঞ্চিত অন্ধকারের প্রতি  
রোমকূপে প্রবেশ করাইয়া দিতেছে...

হঠাৎ মনে হয়, এই রোদনধ্বনি নিঃশব্দে যাইবার নয়—কেহ না কেহ ঐ শব্দের সম্মুখে দাঁড়াইয়া তার বেগমস্বরূপের চেষ্টায় থব্ থব্ করিয়া কাঁপিতেছে...তার চক্ষুর পল্লবান্দোলন বন্ধ হইয়া আছে।

বিপন্নের ক্রন্দন এ নহে, সাহায্য করিতে কাহাকেও সে ডাকিতেছে না ..কোথায় গেল সে—এই তার প্রশ্ন কেবল !

পল্লী ‘দ্রুমদলশোভিনীং’ বটে, কিন্তু সেই দ্রুমদল যে পরলোকের ছায়ায় সুন্দরের ছদ্মবেশ ছাড়িয়া ফেলিয়া হঠাৎ গা মেলিয়া দিয়া এমন নিরালম্ব নির্মম রূপান্তর গ্রহণ করিতে পারে তাহা কে জানিত ! কপট বন্ধুর ভয়াবহ মূর্তির সম্মুখি বাবুদের গায়ে কাঁটা দিল।

ইহা সত্যই যে, বাবুরা দেশের অবস্থাটা ‘সরজমিনে’ স্বচক্ষে দেখিতে আসেন নাই ; কোনো বিষয়ে পল্লীকে তাঁরা নাম ধরিয়া জানেনই না, এবং মানুষ কতস্থানে আহত হইতে পারে এ ধারণা তাঁহাদের নাই।

সে একখানি প্রশ্নপত্র অনাদি পুরুষের সম্মুখে ধরিয়া আছে—এই জনশ্রুতি তাঁহাদের শুধু কৌতুহলী করিয়াছে, অনুপ্রেরণা দেয় নাই। পল্লীর একটি ভাবমূর্তি তাঁহাদের দৃষ্টিপথে বিচরণ করিত—তাহার সজ্জ প্রত্যক্ষ-দৃষ্ট মূর্তিটির অবিকল ঐক্য হওয়ায় তাঁহাদের কল্পনা তৃপ্ত আর চিন্তা সরস হইয়া উঠিয়াছিল—পল্লীর আলিঙ্গন সুকোমল, তার শান্তিময়তা অনির্বচনীয় বটে, কিন্তু আচম্কা নিটোল পল্লী ছিটাইয়া ছড়াইয়া পড়িল,...বাবুরা দমিয়া গেলেন।

এদিকে পৃথিবীতে যত ছিল হতাশা আর যত ছিল চক্ষুলাজ্জা, বাবুদের সম্মুখে সযতনে উপবিষ্ট কালোশর্শীর মুখমণ্ডলে তা’ সবই ঘনাইয়া আসিয়াছিল...

## রোমহন

বড়বাবু জিজ্ঞাসা করিলেন,—কে কাঁদছে ?

কালোশশী ক্ষমাপ্রার্থীর মত সক্রুণ সুরে বলিল,—আজ্ঞে, আব্দুলের মা বলে' একটি বিধবা মুসলমানী আছে ; সে-ই গণেশতলার হাটের দিনে ঠিক এই সময়ে আব্দুলের কবরের ওপর বসে' কাঁদে..

এই স্ত্রে সুখ-দুঃখের দু'একটি কথা কেহ হয়তো কিছু বলিতেন, কিন্তু তাঁহাদের পরম হিতৈষী কালোশশী কাহাকেও সে অবসর দিল না ; বলিল,—আমরা প্রায় নিত্যই শুনি এই কান্না, শুনে' শুনে' আমাদের সয়ে গেছে ; কিন্তু আপনারা যে এসেই শুনবেন, আর আপনাদের মন খারাপ হয়ে যাবে এ বড়—

কালোশশীর কথায় মেজবাবুর কি কারণে আত্মগানি জন্মিল, তাহা নিজেও জানেন না ; বলিলেন,—ইডিয়ট...

কালোশশী কৃতার্থ হইয়া গেল ; বলিল,—আজ্ঞে হ্যাঁ ।

ছোটবাবু ঠোট মুচড়াইয়া ঘরে উঠিয়া গেলেন ; তাঁর মনটা “খিঁচড়াইয়া” গিয়াছিল ; তিনি “অর্গ্যান” খুলিয়া বসিলেন...

আর দু'জনেরও সেখানে আর মন টিকিল না—উঠিয়া পড়িলেন ; কালোশশীও উঠিয়া দাঁড়াইল ; অত্যন্ত ক্ষুধ হইয়া সে বিদায় গ্রহণ করিল ; বলিয়া গেল—প্রায় রোজই হাট বসে দু'পাঁচ মাইলের মধ্যে ; শাক-শজী তরকারীর অসুবিধা ভেমন নেই । আপনাদের লোক সঙ্গে যাবে—আমি কিনে কেটে দেব । আজ গণেশতলার হাট গেল, কাল মাধবপুরের হাট ; ছোট হাট, কিন্তু ডিমও পাওয়া যায় ।

বড়বাবু বলিলেন,—আচ্ছা...আমরা এখন কাপড়-চোপড় ছাড়িগে ।

বাবুরা ঘরে উঠিয়া গেলেন—

কালোশশী তাঁহাদের প্রণাম জানাইয়া বাড়ী গেল—

বসিয়া রহিল কেবল অভয় ।

পুল্লের কবরের ধারে বসিয়া অকালমৃত্যুর শোকে জননী ক্রন্দন করিতেছে—তাহার ধ্বনিতে পূর্ণ হইয়া বাতাসে যেন মানুষের নিঃশ্বাস-বায়ু ধারণ করিবার স্থান নাই ।

অভয়ের প্রথম পুল্লটি ছয় বছরের হইয়া মারা গিয়াছিল । জননীর এই ক্রন্দন তার নিজের ছেলের মৃত্যুদৃশ্যের উপর একটা একাগ্র অতি উজ্জ্বল আলোকপাত করিতে লাগিল । মাংসভুক কঙ্কাল শিশুর দেহের সমুদয় মাংস ধীরে ধীরে উদরসাৎ করিয়া চর্ম্মাবরণ পর্য্যন্ত ঠেলিয়া উঠিয়াছিল—গণ্ডাঙ্ঘ্রি অতি প্রকট, দাঁতের খবল-আভা অতি প্রখর, চক্ষু অতি নির্জীব ।...শ্বাসের স্পন্দন যখন কণ্ঠ হইতে অবতরণ করিতেছে তখনও তাহার মনে হইয়াছিল, বাবা বলিয়া ডাকিবে বুঝি !

তাহার স্ত্রী তখন কাঁদিয়াছিল !

কিন্তু সে কান্না ভাল করিয়া তার কাণে যায় নাই—দূরে কোথায় কে যেন কাঁদিতেছে...শব্দ আকাশের দিকে থানিক্ উঠিয়াই নিঃশব্দে ধিতাইয়া নানিতেছে...পৃথিবীর যেখানে সচল-অচল সজীব-নির্জীব যে বস্তু আছে তাহারই অভ্যন্তরে নিঃশব্দে সে ধ্বনি প্রকাশ করিতেছে, তারাই ছাই হইয়া উড়িতেছে...

সব চলিতেছে, কেবল নির্বাপিত চক্ষু দু'টি স্থির—এত জমাট স্থির যে, তার কুল-কিনারা মাপ-পরিমাপ ওজন-ইয়ত্তা নাই ..

স্ত্রীর দিকে চোখ ফিরাইতে তখন সাহস হয় নাই—বুঝি এমন কিছু চোখে পড়িবে যা সে চেনে না ।



## রোমহুঁন

জীর ক্রন্দন শুনিতে শুনিতে হঠাৎ তার মনে হইয়াছিল, ছেলে তোমার মরিয়াছে সত্যই ; কিন্তু এত মৃতের মধ্যে একটি মাত্র মৃত্যুর জ্ঞান ভুমি শোক করিতেছ কেন ? জান না, প্রতিদিনই পৃথিবীর শেষ দিন ! তার পা ঠাণ্ডা ; শিখর হইতে শরীর মুড়িয়া আসিতেছে !... মুমূর্ষু পৃথিবীকে ঘিরিয়া উদ্ভিন্ন দেবতারা কণ্ঠাগত প্রাণে চুপ করিয়া আছে—তারা এত ভীত যে কাঁদিতে পারিতেছে না !...সূর্য্য প্রতিদিন তার শরীরে উত্তাপ দিতেছে, কিন্তু পৃথিবীর মৃত্যুর শৈত্যে হি হি কম্পন কমে না...এই বিরাট মৃত্যুর সম্মুখে তোমার ছেলে কতটুকু !

তারপর শাশানের দৃশ্য—

আগুনের সে কি শব্দ ! আহাৰ্য্য পাইয়া আগুন নাচিয়া উঠিয়াছিল...

ছেলের অস্থি গ্রন্থি সন্ধিগুলি জমিয়া দেহ একখানা কাঠের মত আড়ষ্ট হইয়া গিয়াছিল—আগুনের আঁচে ভুমড়াইয়া বাঁকিয়া-চুরিয়া উঠিয়াছিল ; মনে হইয়াছিল, আগুনের আঁচ তার সহিতেছে না—পলাইতে চায় !...আরো মনে হইয়াছিল, নিশ্চয়ই দেবতারা ইহা লক্ষ্য করিতেছেন, তাঁহাদের কেহ চিতাগ্নির উপর হইতে শিশুকে তুলিয়া লইয়া যাইবেন—মুখে একটিমাত্র ফুৎকার দিয়া বাঁচাইয়া তাহাকে ফেরৎ দিবেন...

কে একজন বলিয়াছিল,—ওঠো, এক কলসী জল আন ।...

জল আনিয়া অভয় দেখিয়াছিল, কালো অঙ্গারের ভিতর সাদা অস্থিখণ্ডগুলি ঝক্ ঝক্ করিতেছে—

তখন মনে হইয়াছিল, দেবতা অক্ষম ।

—কে ?

সে যে—কুশাসনখানা শূশানে পাতিয়া রাখিয়া আসিয়াছিল, তাহারই  
উপর উপবেশন করিয়া শ্মশানচারী শব্দ যেন প্রশ্ন করিতেছেন...

অভয় চমকিয়া উঠিয়া দাঁড়াইল—

মুখে কথা ফুটিল না—

—যে-ই হও, বাড়ী যাও । বলিয়া প্রশ্ন-কর্তা দরজা বন্ধ করিয়া দিল ।

## পরিচ্ছেদ ৬

কাল গণেশতলার হাট গিয়াছে, আজ মাধবপুরের হাট ।

অভয় আধ মণ পাট লইয়া হাটে গিয়াছিল—

জীর সঙ্গে পরামর্শ এইরূপ ছিল যে, সিকি-পাঁচেক যা' পাওয়া যাইবে তাহাতে দু' চার পয়সার মাছ, আট আনার চা'ল ; মেয়েটির পেটের অসুখ, তার জন্তে দু' পয়সার বালি, লক্ষা আর তরকারী কিছু, আর নুন সওয়া সের ; বক্রী পয়সা সে ফেরৎ লইয়া আসিবে ।

কিন্তু অভয় লইয়া আসিল, এক টাকা দিয়া একটি ইলিশ মাছ, টুকটাকু তরকারী, সামান্য চা'ল—যা'তে একবেলা কষ্টেস্থে হয়, আর লবণ আর লক্ষা—পাঁচ সিকাই খরচ হইয়া গেছে—একটি আধ্‌লাও ফেরে নাই ।

দাওয়ায় তরকারীর পুঁটুলী আর মাছ নামাইতেই অভয়ের জী মাধবী জিজ্ঞাসা করিল,—মাছটা কত হ'ল ?

—এক টাকা ।

—ফেরৎ পয়সা ?

—নাই ।

মাধবী একবার স্বামীর মুখের দিকে চাহিল ; তরকারী প্রভৃতি চালের সঙ্গে গামছায় বাঁধা ছিল—খুলিয়া দেখিয়া মাধবী স্তব্ধ হইয়া বসিয়া রহিল...

মেয়ে ক্ষেণী আসিয়া মাছের কাছে থপ্ করিয়া বসিয়া পড়িয়াছিল ; বলিল,—মা, আমি মাছ দিয়ে বার্ণি খাব।...মায়ের মুখে উত্তর না পাইয়া সে বাবাকে ডাকিয়া বলিল,—বাবা, আমি মাছ দিয়ে বার্ণি খাব ; এবং বাপের মুখেও উত্তর না পাইয়া বলিল,—আমি খাবই।

ছেলে রসময়ও মাছ দেখিতে আসিয়াছিল ; সে বলিল,—তোরা যে অসুখ—

ক্ষেণী বন্ধার দিয়া বলিল,—তবে কি তুই একা খাবি ? হাবাতে' ছোঁড়া !

—বাবা খাবে, মা খাবে, আমি খাব। তুই--

ক্ষেণী ছুটিয়া যাইয়া দাদার হাত কামড়াইয়া ধরিল—একটা ছোঁড়া-ছিঁড়ি লাগিয়া গেল।

দাওয়ার মাটিতে মাছটা পড়িয়া আছে—তার সম্মুখেই অত্যাশ্চর্য সওদা—চাল আর তরকারী, আর নিস্তরু মাধবী...

ততক্ষণে অভয়ের ঘোর কাটিয়া গেছে ; মনে পড়িয়াছে, আজকার মত অত্যাশ্চর্য কাজ জীবনে সে আর করে নাই—ইহার বাড়া কাণ্ডজ্ঞান-হীনতার কাজ মানুষের দ্বারা সম্ভবে না।

কিন্তু সত্য কথা এই যে, এক টাকা দিয়া একটা ইলিশ মাছ অভয় ঠিক সম্মানে কেনে নাই।

আধ মণ পাটের বোকাটা মাথায় করিয়া হাটের পথে হাঁটিবার সময় অকারণেই হঠাৎ তার মনে পড়িয়া গিয়াছিল—মানুষের “যতক্ষণ শ্বাস, ততক্ষণ আশ।”...অভয় তাদেরই দলের একজন যারা অতীত দিনটিকে অলীক মনে করে, আর আগামী দিনটির প্রতি সন্ধানী-দৃষ্টি

## রোমহুঁন

নাই...রাত্রে শুইবার সময় মনে হয়, একটা দিন কাটিল—এই অতি সুলভ সুখটিই তাহাদের দিনের অর্জন।...অভয়ের জ্বী আছে, সন্তান আছে, স্বার্থও আছে—জীবনকে ফুটাইবার আর খেলাইবার পটভূমি তাহার সম্মুখে সুবিস্তৃত—তবু সে কোথাও মূল প্রেরণ করিতে পারে নাই, মাটির উপর আলগোছে দাঁড়াইয়া সে কোনো দিকেই চাহিয়া নাই...

মনেও পড়ে না, ইহার সুর হবে—

দুর্নিবার দুঃখের প্রথম শায়কটির স্পর্শ কবে তার স্বাভাবিক চেতনায় বিষ ঢালিয়া দিয়া তাহাকে মূচ্ছিত করিয়া দিয়াছিল তাহা স্মরণ নাই। তখন হয়তো মনে হইয়াছিল, পটের ঈষৎ বদল ঘটিতেছে—এমন ঘটিয়া থাকে...সংগ্রামে মাতিয়া উঠিতে হইবে ভাবিয়া হয়তো তখন চূড়ান্ত করিয়া দেখিবার সহিবার উৎসাহে তার অজ্ঞাত স্নায়ুকেন্দ্রগুলি উন্মুক্ত হইয়া গিয়াছিল...হয়তো সর্বাস্তঃকরণ পুনঃপুনঃ উৎক্লিষ্ট হইয়া দুনিয়ার সঙ্গে একাকার হইয়া অপরিসীম চাক্ষুশে খরখর করিত।

তারপর একদিন বিস্মিত হইবার দিন আসিল—

অনশনের জ্বরব্রত সুর হইল...দুঃখের প্রথম স্পর্শটি ক্রমাগত ঠেলিয়া ঠেলিয়া পথ করিয়া গভীর হইতে গভীরতর স্থান খুঁড়িয়া খুঁড়িয়া অগ্রসর হইতে লাগিল...কিন্তু তখনও মনের সেই বিদ্যুৎ-প্রবাহ একেবারে নিঃশেষিত হইয়া যায় নাই, মুক্ত বায়ুর শীতল স্পর্শ থাকিয়া থাকিয়া অল্পভূত হইত, মন অচিন্ত্যনায়ের অভিযুখে ছুটিত, পৃথিবীর ভাষা দুর্বোধ্য কাকলীর মত কাণে আসিত ..

কিন্তু সে কতক্ষণ !

তারপর সুরু হইল সন্ধিতের চতুরতা...মস্তিষ্ক পর্য্যন্ত কিছুই পৌছায় না—তবু পাশ কাটাইতে পারে, প্রস্তুত না হইয়াই পারে—প্রস্তুত হইতে হইবে এই সতর্কতা মনে জাগিবার পূর্বেই পারে। সঙ্কট পার হইয়াই সে বিস্মিত হইয়া যাইত, ধ্বংস এবার অপরিহার্য্য হইয়াছিল, কেমন করিয়া উত্তীর্ণ হইলাম!...দনগুল স্বতন্ত্রভাবে সাড়া দিয়া যায় না—একটা অনাভব্যক্ত মিছিলের মত কুয়াশার ভিতর দিয়া বহিয়া যায়—কোনো আকষণেরই বশীভূত সে নয়; স্পষ্টতঃ কিছু দিয়া যায় না, স্পষ্টতঃ কিছু হরণ করে না।

সুরঙ্গির দিনে হঠাৎ এক একটা মুহূর্ত বিচ্ছিন্ন হইয়া প্রবাহের বাহিরে আসিয়া দাঁড়ায়—সে-ও অনিশ্চিত কিন্তু পরিস্ফুট...জীবনের আশুভ মণ্ডিত করিয়া সে ছড়াইয়া পড়ে—সুখস্বপ্নে কাণের কাছে কার মৃদু মধুর আশ্বাস-বাণী গুঞ্জরিত 'হইতে থাকে—মন দোলায় শুইয়া দোল খায়—

কিন্তু সূদিনের সে অনতিদান ভোগ করে উত্তমর্ণ।

এখন সে কথাও মিথ্যা হইয়া গেছে...

সে নিজের কাছে বিদায় লইয়াছে ; সংসারের রূপের, চাকুল্যের, প্রগতির, বিশ্বাসের, প্রয়াসের বিরুদ্ধ দিকে তাহার যাত্রার শেষ আসে নাই...দেহ-আধারে প্রাণ আছে তাই চলিতে ফিরিতে হয়...চলিতে চলিতে বিভ্রান্ত হইয়া যায়—মনে হয়, দৈবাৎ বাঁচিয়া আছি !

যে দিনটি প্রথম তার অনাহারে কাটিয়াছিল, সেদিন রাত্রিও তার অনিদ্রায় কাটিয়াছিল—সুধার জ্বালায় নহে, ততোধিক কঠিন একটা অমুভূতিতে . সে কি অদ্ভুত উদ্বেগ—তার বর্ণনা নাই ; সমস্ত স্নায়ুশিরা

## রোমহুন

টানিয়া ধরিয়া তার মেরুদণ্ডটিকে দুই হাতে ছুঁড়াইয়া কে যেন তাহাকে জ্যা-যুক্ত করিয়া ছাড়িয়া-ছাড়িয়া দিতেছিল...সেই উৎক্ষেপের শ্রমে একাসনে বসিয়াই বামে তার গা ভিজিয়া উঠিয়াছিল...

তখন তার চোখ যদি কেহ দেখিত তবে সে চম্কিয়া উঠিত—

দেহ নিশ্চেষ্ট ; কিন্তু দুঃসহ-ব্রাসে দৃষ্টি এখন পলায়নপর, যেন দেহটাকেও উপড়াইয়া সে সঙ্গে লইতে চায়...

সময়ে সময়ে কোলাহল করিয়া যে হরিনাম হয় তাহার আশ্রয়ে সে শান্তি পাইত...মনে ইহিত, গা গুটাইয়া কোথায় সে নিরুদ্দেশ হইয়া গেছে--পৃথিবী তার সন্ধান জানে না, সে নিরিবিলি স্থানে আছে—  
কিন্তু এ আশা অর্থহীন—

পৃথিবীকে লেহন করিয়া তার পৃষ্ঠের উপর করাতে মত কর্কশ জিম্বার চিহ্ন অঙ্কিত খনিত করিয়া যে স্রোতটি তাহাকে অবিরাম প্রদক্ষিণ করিতেছে, সে অভয়কে ছুঁইয়া ফেলে...তাহাকে লেহন করে...

কিন্তু কাহার অভিশাপে এমন ঘটে কে জানে ; এই ক্ষত এমন গুরুতর নহে যে প্রাণ দেহ-বিষুক্ত হয়, এমন লঘু নহে যে সয় তবু তাহাকে বহন করিতেই হয় ।

সে একা নয়—

কিন্তু তাহারা কেহ কাহারও নির্ভর নহে, সহায় নহে...কেবল পরস্পরের মুখের দিকে চাহিয়া মনে করে, কি ঘটে যদি ও মুখ খুলিয়া চীৎকার করে !

পাটের বোকাটা মাথায় করিয়া হাটের দিকে বাইতে বাইতে অভয় দেখিতে পাইল, তাহাদের কেউ কেউ, এবং ছ'চারজনকে দেখিয়াই তারমনে

হইল, তারা সবাই একটি করিয়া হাঁশ মাছ হাতে ঝুলাইয়া লইয়া  
যাইতেছে...

দাম ?

কেহ বলিল, এক টাকা ; কেহ বলিল, আঠার আনা ; কেহ বলিল,  
তারও বেশী—পাঁচ সিকি ।...অভয়ের শ্রান্ত মন ক্ষত-বাতনা ভুলিয়া  
প্রবাহিনীর স্রোতে গা ভাসাইয়া দিল...অন্তরের আদ-মধ্যহীন যে  
ক্ষুধাকে অমনোযোগের অভ্যাসে সে ভুলিয়া গিয়াছিল, জনশ্রোতের  
মাঝখানে তাহাকে হঠাৎ তার মনে পাড়ল...কিন্তু হাহাকার করিয়া  
উঠিল না ; সমষ্টির সঙ্গে একাকার হইয়া এমন একটা প্রশান্ত প্রফুল্লতা  
আসিল যাহার স্বাদ জীবনে আর সে পায় নাই...মন বাহিরে আসিয়া  
দাঁড়াইল—মুক্তিমানের পর যেন সে নাসারঞ্জ পূর্ণ করিয়া টানিয়া টানিয়া  
নিঃশ্বাস লইতে লাগিল ।

মনের বিত্বাস নষ্ট হইল সত্য—কিন্তু সন্তান গর্ভচ্যুত হইয়া আসিলে  
জননীর উল্লাসের কাছে গর্ভের বিত্বাস-শৃঙ্খলা অতি তুচ্ছ ।

কিন্তু মাধবীর সম্মুখে দাঁড়াইয়া এখন তার মনে হইতে লাগিল,  
মাতৃষের দেখাদেখি সে অতীব কুকার্য করিয়াছে—হঠকারী দুষ্কৃতির  
সংস্পর্শে তার দুষ্কার্যে মতি জন্মিয়াছিল ।

পাটের দাম এক টাকা চারি আনা মুঠার ভিতর লইয়া সে মাছের  
দোকানে ছুটিয়া আসিয়াছিল ; দেখিয়াছিল, গম্ভব্য স্থানটি দুস্ত্রবেশ—  
তার চারিদিকে লোকের পর লোক ঝুঁকিয়া পড়িয়া জমাট বাঁধিয়া  
আছে—মাছ একটি হাতে লইবার ব্যাকুলতায় তাহাদের গামছা-  
কাছার ঠিক-ঠিকানা নাই ; সবুর সহিবার যন্ত্রণায় কাহাকেও



## রোমহুঁন

পদদলিত করিতেছে কি না সে কাণ্ডজ্ঞানও তাহাদের লোপ পাইয়া গেছে।

অভয়ের আজন্মের অভ্যাসে বশীভূত মনের বাঁধন শিথিল হইয়া গেল...সে ভিড় ঠেলিয়া ভিতরে প্রবেশ করিল।

কিস্ত এত ব্যাপারের মাধবী কি জানে! সে জানিবেই বা কেমন করিয়া! সে জানে না যে, মানুষের মন দিগ্বলয়ের দিকে চাহিয়া মহাকালের হস্তান্দোলন দেখিতে দেখিতে একবার তার ছেদের অবসরে সূর্য্যাস্তের আলোক-প্লাবন দেখিয়া মোহের আবেশে মৃত্যুকে বিস্মৃত হইতে পারে...সলিলাবর্তের মাঝে ঘুরিতে ঘুরিতে তলাইয়া যাইবার সময় মন চাদের দিকে চাহিয়া সে পথের কথা মুহূর্তের জ্ঞত ভুলিয়া যাইতে পারে, যে-পথে মৃত্যু তাহাকে টানিয়া লইয়া চলিয়াছে...রাক্ষসের মুষ্টির ভিতর হইতেও মানুষ প্রিয়জনের মুখের দিকে চাহিয়া একটু হাঁসিতে পারে...সব অভিমান আর অনুভূতি নিক্ষেপ্ত হইয়া মানুষ যখন কেবল পশুর ধম্ম পালন করিয়া চলে, তখন লুপ্ত-চৈতন্য যদি একবার ফিরিয়া আসিতে পায় তবে দানবীয় অন্ধ-উল্লাসে একটি তরঙ্গে আসে!... মাধবী কখনো ভাবিয়া দেখে নাই, দৈবের উপর অনন্ত নির্ভরতা মানুষকে কত নিঃস্পৃহ করিয়া তোলে...যে মরিলেই চুকিয়া যায়, দৈবক্রমে বাঁচিয়া সে একই লক্ষ্যের দিকে অনুক্ষণ দৃষ্টি রাখিতে পারে কি না—পলক-পাতের পর দৃষ্টি হঠাৎ বঁকিয়া যাইতেও পারে! মাধবীর মনে হয় না, নিজেকে আর নিজস্বকে নির্ণিমেঘে আঙুলিয়া থাকিতে থাকিতে প্রহরায় দৈবাৎ শৈথিল্য আসিলে তাহা মার্জ্জনীয়...যে মানুষ দৈবের হাতে আর মানুষের হাতে পুনঃপুনঃ লাঞ্চিত হইয়াও

অন্তরের জ্বালায় ফেণভার রক্ত-লিপ্সায় মুক্ত করিয়া দেয় নাই সে বরণীয়...

আকুঞ্চিত হৃদপিণ্ডের যন্ত্রণায় যে ছট্‌ফট্‌ করিতেছিল, সে যদি হঠাৎ—  
বওয়া একটু হাওয়া পাইয়া তাহাতে অবগাহন করে সে ত ভালই।...  
জাগরণের ক্লান্তিতে একটুখানি অগ্রমনস্ক হইয়াছে বলিয়াই কি রক্ত  
মাংসের মানুষের পক্ষে দুর্গিবারণীয় সেই অপরাধের জন্য মানুষকে  
প্রাণদণ্ড দিতে হইবে।

স্বামীকে মাধবী ধীর স্থির দেখে—

কিন্তু বুঝিতে পারে না, বসিয়া থাকিতে থাকিতে কেন সে হাত  
বাড়াইয়া ঘরের খুঁটি চাপিয়া ধরে।...নিশ্চয়ই মাধবী জানে না, নিস্তরঙ্গ  
জলাশয়ে পক্ষের উদগার—বৃদ্ধদের মত স্বামীর মনের উপর অতিশয় স্বচ্ছ  
একটি ইচ্ছার উদ্ভব হয়—তাহাকে ইঙ্গিত করে—আঁধার—নির্মজ্জিত  
দূরান্তবর্তী তটের দিকে পুনঃপুনঃ তাহার দৃষ্টি আকর্ষণ করে...সংজ্ঞা অলস  
হইয়া আসে...রক্ত চম্‌চম্‌ করে...ভূতগ্রস্ত হইয়া ছুটিতে যাইয়াই সে  
কাঠের খুঁটি ছ'হাতে চাপিয়া ধরে ..

মাধবী তা' জানে না—

মাছ লইয়া সে ঝগড়া বাধাইয়া দিল।

পুরুষ বলবান এবং সমর্থ, এই কারণে তার কর্তৃত্বের অনুগমনের সঙ্গে  
করুণা মিলিত করিয়া যাহারা স্বামীকে একান্ত বিশ্বাস করে, আর তার  
উপর বেপরোয়া নির্ভর করে, অভয়ের স্ত্রী মাধবী অভয়ের তেমন ধারা  
স্ত্রী নহে...স্বামী বলিয়া স্বামীর উপর তার ভক্তি আছে, কিন্তু রক্ষক  
হিসাবে আস্তা নাই, সব জানিয়াও নাই; প্রথম পুত্রটির মৃত্যুর পরই

## রোমহুন

তাহা নিরবশিষ্ট হইয়া বিলুপ্ত হইয়া গেছে...প্রতিপালক হিসাবে স্বামীর কতটা 'মুরদ' তাহা প্রতিদিনই দেখা বাইতেছে। প্রতিকূল অবস্থার সঙ্গে যুঝিয়া স্বামীর দেহ ক্ষয় হইতেছে, তাহা মাধবীর চোখে পড়ে; কিন্তু বুঝিয়াও নিজের মনের যন্ত্রণার তাড়নায় নিরুপায়ের প্রাতি তার ধৈর্য্য থাকে না।

মাধবী জানে, স্ত্রী-পুত্রের ভরণপোষণে অক্ষমতার মার্জ্জনা স্ত্রী-পুত্রের কাছেও নাই—

রত্নাকর তাই ঠ্যাঙাইয়া মানুষ মারিত—হাত পা জড় করিয়া আকাশের দিকে চাহিয়া সে ভাবিতে বসিয়া যায় নাই।

এদিকে হঠাৎ একটি কৈফিয়ৎ অভয়ের মিলিয়া গেল।

অভয় দেখে, ঘরে খাদ্য থাকিতেও ক্ষুধার সময় সন্তানের ক্ষুন্নিরুত্তির জ্ঞাত মাধবীর মোটেই ব্যগ্রতা নাই...যতক্ষণ তারা ক্ষুধা সহ করিয়া থাকিতে পারে, ততক্ষণই যেন তার সময়ের লাভ। স্ত্রীর সন্তানপালনের এই পদ্ধতিটাকে মনে মনে কোনোদিনই সে অনুমোদন করিতে পারে নাই...স্ত্রীকে নিশ্চয় মনে হইলেও সে কথা বলে নাই...তারপর দেখিতে দেখিতে সহিয়া যাইয়া ভাল মন্দ কিছুই মনে হইত না—যেন স্বভাবের গতিই এই।

ছেলেটি আর মেয়েটি মৎস্য ভক্ষণের উল্লাসে নাচিতেছে—সেই দিকে চাহিয়া অভয় তৃপ্তিভরে কহিল,—দেখ।

মাধবী চাহিয়াও দেখিল না—

অতিশয় তীক্ষ্ণ ব্যঙ্গের সুরে বলিল,—দেখেছি। তুমিও ওদের মত একজন নাকি! তুমি আমাকে ওই দেখাতে মাছ এনেছ সাড়ে ষোল আনা দিয়ে!

অভয় তবু হাসিল ; বলিল,—তা বৈ কি ! ওদের তুমি খেতে দিতে পার না তা' ত' আমি চোখেই দেখি—ক্ষিদের সময় ওরা তোমার পিছু পিছু কৈঁদে কৈঁদে বেড়ায় ।

—ইলিশ মাছ খেলেই ওদের ক্ষিদের কান্না জন্মের মত থেমে থাকবে—নয় ?...এর বদলে চারটি মুড়ির চাল আনলে অনেকদিন ওদের কান্না শুন্তে হ'ত না ।

অভয়ের মনে হইল, ইহার আর উত্তর নাই—মাধবী অতিশয় সত্য কথাই বলিয়াছে . . আপশোষে তার মন পুড়িতে লাগিল ।

মাধবী বলিতে লাগিল,—ঐ ক'গাছা পাটের আঁশ নিয়ে ভেবেছ ওতেই তোমার চিরকাল যাবে ! পাগল কি গাছে ফলে !...ভগবান দেন না শুনি . যা' দিয়েছেন তারই এই গতি—বেশী দিলে আরো কত দেখতে হ'ত !

ভুলু দাস রাস্তার উপর হইতে হাঁকিল,—অভয় আছ ?

—আছি ।

—কিছু দেবে ?

—না ।

—বেশ । বলিয়া প্রত্যাখ্যানে কিছুমাত্র দুঃখিত না হইয়া ভুলু দাস চলিয়া গেল ।

ভুলু দাস প্রত্যহই একবার করিয়া হাঁকিয়া যায়...প্রতিদিনই উত্তর পায়—“না । বলে—“বেশ ।”

বড় ছেলেটির চিকিৎসার জন্ত পঁচিশ টাকা কর্জ দিয়া ভুলু দাস অভয়কে অসময়ে আসানু দিয়াছিল...এখন সূদের টাকা “আসলে গণ্য”

## রোমহুঁন

হইতেছে...ভুলু দাসের টাকার জন্য বাড়াবাড়ি তাগিদ কিছু নাই...  
অভয়কে সময় দিয়া অভয়ের বাড়ীখানির চারিদিকে সে জাল ফেলিতেছে  
...জালের রশি টানিতে সুরু করিলেই আঠার' কাঠা মাটি সহ “মায়  
সাজসরঞ্জাম” ঘর ছ'খানা অমনি উঠিয়া আসিবে।

মাধবী বলিল,—দাও না বাড়ীখানা ওকেই লিখে—রাস্তায় গিয়ে  
দাঁড়াই গে' ; একদিন ত' দাঁড়াতেই হবে ; তুমি থাকতে থাকতে দাঁড়াতে  
পারলে চোখে দেখেই যেতে পারতে।

শুনিয়া ছবস্ত-ক্রোধে অভয়ের মাথার রক্ত ঝন্ঝন্ করিতে লাগিল—  
মনে হইল,—মাধবী তার বিশ্বাসঘাতিনী স্ত্রী...যে প্রাণান্তকর সমস্যা  
লইয়া সে কাল-তিপাত করে, তার বিশ্বাস ছিল, তার অর্ধেক মাধবীর...  
কিন্তু তা' নয়, স্ত্রী-সম্পর্ক সে যেন স্পষ্টই অস্বীকার করিতেছে।

বলিল,—মানুষ বিয়ে করে এই জন্তে না কি ?

—কি জন্তে ?

—আমি যে খেতে দিতে পারিনে এইটে আমার মনে করিয়ে দিতে !

—এই কথা ! সব লোকের কথা বলছ কেন তা হ'লে ? ঢাকাঢাকির  
ত' কোনো কথা নেই ; পার না এ ত' তুমিও জান, আমিও জানি,  
সবাই জানে...এরাও। বলিয়া মাধবী ছেলে-মেয়েকে দেখাইয়া দিল।

মায়ের অঙ্গুলি তাহাদের দিকে উঠিল দেখিয়া অবোধ মেয়েটি সহসা  
যাইয়া অভয়ের হাত ধরিল ; বলিল—বাবা, মাছ আমি খাবই ; দাদা—  
কিন্তু কথা তার শেষ করা হইল না...

স্ত্রীর মূর্তি অন্তর্হিত হইতেই অভয়ের মনের ততখানি শূণ্য আবহাওয়ায়  
ঝড় বহিতেছিল—তাহার বেগে সে কাঁপিতেছিল...নিজেই বোধ হয় মাটিতে

পড়িত, কিন্তু মেয়েরই কণ্ঠস্বরে পতন সম্বরণ করিয়া সে হঠাৎ ছ' পা পিছাইয়া আসিল, আসিয়া মেয়েটির গালে প্রবল একটা চড় বসাইয়া দিল...

তাহারই দিকে উত্তোলিত রূপাপ্রার্থী চক্ষু ছুটি নিমেষের জ্ঞান নিমীলিত হইয়া গেল...রোগে ক্ষুধায় মেয়েটির দুর্বল দেহ অবশ হইয়া পড়িতে পড়িতে একবার খাড়া হইবার চেষ্টা করিয়াই জ্ঞান হারাইয়া মাটিতে পড়িল—

এবং পরক্ষণেই সেই আশা অন্ধকার অপরিসর উঠানে, ক্ষুধার রোগের চিন্তার যাবতীয় জড়তা মদিত করিয়া যে কোলাহল উত্থিত হইল তার বর্ণনা নাই—

মাধবী চীৎকারের পর চীৎকার করিতে লাগিল,—মেরে ফেল্লে মেয়েটাকে...মেরে ফেল্লে, মেরে ফেল্লে...

ছেলেটি ভয় পাইয়া ততোধিক উচ্চকণ্ঠে কাঁদিতে লাগিল,—খুকীকে মেরে ফেল্লে বাবা...ওগো তোমরা কে আছ দেখে যাও ।

এই অবিশ্রান্ত আর্ন্ত চীৎকার চারিদিক্কার ঘন জঙ্গলে ধাক্কা খাইয়া সেই উঠানেই ফিরিয়া আসিতে লাগিল...

তাহাদের কাছাকাছি কাহারও ঘর-বাড়ী নাই, কেহ সাহায্যার্থে দৌড়িয়া আসিল না ।

রাস্তা দিয়া কান্ত বিশ্বাস যাইতেছিল—

সে মিনিট খানেক রাস্তাতেই দাঁড়াইয়া কাণ পাতিয়া শব্দগুলি শুনিল—তারপর সে কি ভাবিয়া চেনা পথে অন্ধকারেই উল্লঙ্ঘ্যাসে দৌড়াইতে লাগিল ।

অভয় তখন মেয়ের মাথায় জল দিতেছে ।

## পরিচ্ছেদ ৭

বাবুরা কাল বৈকালে আসিয়াছেন ; তখন গ্রামের সবাই হাটে... মাঝে একটি রাত্রি মাত্র অতিবাহিত হইয়াছে ।

খুব ভোরে উঠিয়া গ্রামের প্রান্তে যাইয়া সূর্য্যোদয় দেখিবার অভিলাষ তাঁহাদের ছিল ; পরস্পর তাঁরা শুনিয়াছিলেন যে, ঘোর রক্তবর্ণ একখানা খালার মত অতিশয় জাঁকাল' চেহারা লইয়া সূর্য্য প্রথমে উদিত হন— তখন তাঁহার দিকে চাওয়া যায় ।

কিন্তু অভ্যাসবশতঃ উঠিতে দেৱী হইয়া গেছে ।

ছোটবাবু বলিলেন,—এ্যালাম' টাইম্-পিস্টা আন্তে ভুল হ'য়ে গেছে ।

মেজবাবু বলিলেন,—আমার ঘুম ঠিক সময়েই ভেঙেছিল ; কিন্তু উঠতে কেমন ভয় করতে লাগল' ; চারিদিক এমন কালো ।

বাবুরা কালি আর কাজল ছাড়া ব্যাপক কালোর সঙ্গে পরিচিত নন ।

বড়বাবু বলিলেন,—শুনেছে বাবুরা এসেছেন, টাকাকাড়ি নিশ্চয়ই কিছু সঙ্গে আছে...বাইরে বেরোওনি ভালই করেছে ।

ছোটবাবু বলিলেন,—বন্দুক আমার শিয়রে হাতের কাছেই ছিল ।

পল্লীগ্রামে চোরের উপদ্রব, তাহার প্রতিকার বন্দুক এবং বিলাতী দস্যুর তুলনায় এখানকার চোর ডাকাত কত অকিঞ্চিৎকর সেই সম্বন্ধে আরো কিছুক্ষণ আলোচনার পর চা-পান শেষ করিয়া বাবুরা উঠিবার

উদ্যোগ করিতেছেন,—এমন সময় বাহিরে কালোশশীর কণ্ঠস্বর শোনা গেল—বলিতেছে,—দাঁড়াও এখানে তোমরা ; গোল ক’রো না, বাবুদের বিশ্রামের ব্যাঘাত না হয় ।

শুনিয়া বড়বাবু বাহিরে আসিয়া দর্শন দিলেন ; কালোশশী দেখিল, তাঁহার মুখে ক্লান্তির কোনো নিদর্শন নাই । কালোশশীরা একে একে আগাইয়া আসিয়া প্রণাম করিল ।

বেলা তখন প্রায় সাতটা ; কিন্তু কালোশশী আশ্চর্য্য হইয়া বলিল,—বাবু উঠেছেন এত সকালেই !...তারপর সগর্বে বলিল,—দেখলি ত ?

অর্থাৎ প্রাতঃকালেই শয্যা ত্যাগ করিবার অভ্যাস তোদেরই ছ’জনের একচেটিয়া নয় !

বড়বাবু বলিলেন,—উঠেছি অনেকক্ষণ । কি খবর তোমাদের ?

—এরা সব আপনাদের কাছে একটু দরবারে এসেছে !

—আমাদের কাছে কি দরবার ?

—আপনাদের কাছেই ত’ দরবার ওরা করবে, বাবু । বলিয়া কালোশশী তার মুখভরা হাসি উপস্থিত ব্যক্তিগণের মুখের দিকে চাহিয়া ছড়াইয়া দিল ।...তারপর বলিল,—নানা রকমের কষ্ট ওদের, বাবু । ওদের মুখেই দয়া করে’ শুনুন ।

অগত্যা রাজি হইতে হইল । এতগুলি লোক কষ্টের কথা শুনাইতে আসিয়াছে—ইহাতে প্রীত হইবেন না এমন সৃষ্টিছাড়া মানুষ ওঁরা নন .. তার উপর, কথার “ইতর-বিশেষ” অবগত না হইয়াই প্রত্যাখ্যান করিলে অহঙ্কারী নাম রটিয়া অপ্রিয় হইতে হইবে—তাহাও, আর যেখানেই হোক, এখানে শোভন হইবে না ।



## রোমহূন

অতএব চেয়ার ঢৌকি দক্ষিণের রোয়াকে নামিল ।

তিন বাবু আর সাত মক্কেল দরবারে বসিয়া গেলেন ।

বসিয়া বড়বাবু বলিলেন,—কি তোমাদের কথা বলো ।

কালোশনী বলিল,—বলো । নির্ভয়ে বলো ।

কিন্তু লোকগুলি মুখ চাওয়া-চাওয়ি করিতে লাগিল...কে আগে সুরু করিবে তাহাও যেন সমস্যা !

মেজবাবু দেখিলেন, রখা কালব্যয় হইতেছে ।...তাহার মনে হইল, ইহাদের প্রধান দোষ দীর্ঘস্থত্রতা—দীর্ঘস্থত্রতা ইহাদের মজ্জাগত । হাঁটায়-বসায়, চোখের চাউনিতে পর্য্যন্ত ইহাদের এমন মত্তরতা আর “বাই-গাচ্ছি ওড়ামোড়া” শৈথিল্যের ভাব, যেন কেউ নেহাৎ টানে বলিয়াই নিতান্ত অনিচ্ছার সঙ্গে এরা চলে ; ছুবছুর মূল আর কোথাও নয়, এইখানেই ।

মেজবাবুর অভক্তি জন্মিয়া গেল ।

বড়বাবু বলিলেন,—কার কি বলবার আছে বলো...আমাদের সময় কম ।

—সে ত’ ঠিক কথাই, আপনাদের সময়ের দাম কত ! বলিয়া সাউকুড় কালোশনী লোকগুলিকে ভৎসনা করিতে লাগিল, ‘তোদের এখানে এনে আমিই যে আহাম্মুক বনে গেলাম বাবুদের কাছে ! বোকারা সব—ভেবেছিন্ কি বাবুরা তোদের তাঁবেদার ! তোদের মুখের কথা শোনার জগ্গে হাঁ ক’রে বসে’ থাক্‌বেন !...তোরা থাক্—আমি চল্লাম বাবুদের অনুমতি নিয়ে । বলিয়া কালোশনী হাঁটুতে হাত চাপিয়া উঠিবার উপক্রম করিতেই, জয়নাবের দায়টা ছিল বড়.

অবলম্বন সরিয়া যায় দেখিয়া, সে-ই মরিয়া হইয়া তার ক্রেশের কাহিনী  
শুরু করিয়া দিল...

সংক্ষেপে তাহা এইরূপ—

তার দুর্দান্ত এবং অধাৰ্ম্মিক শ্রাণকেরা তার “বিবাহের” স্ত্রীকে  
নিজেদের বাড়ীতে বলপূৰ্ব্বক আবদ্ধ করিয়া রাখিয়াছে—কিছুতেই  
ছাড়িয়া দিতেছে না ; আনতে গেলে মারপিটের ভয় দেখাইতেছে।...  
এইরূপ আজ প্রায় ছয় মাস চলিয়া আসিতেছে...অধুনা কষ্ট অধিকতর  
হইয়াছে এই কারণে যে, পিত্রালয়ে যাওয়ার সময় জয়নাব-পত্নী  
অন্তঃস্বপ্না ছিল ; পনের দিন হইল সোভাগ্যবতী একটি পুত্র-সন্তান প্রসব  
করিয়াছে, কিন্তু পিতার সঙ্গে পুত্রের “চাক্ষুয” হইতে দুর্বল শ্রাণকেরা  
দেয় নাই। আজও...

বড়বাবু জিজ্ঞাসা করিলেন,—কেন এমন করে ?

জয়নাব বলিল,—হজুর বলব কি ! আমার স্বত্ত্বরের সম্পত্তির পাঁচ  
আনা ছ’ গণ্ডা ছ’ কড়া, ছ’ ক্রান্তি অংশের মালিক আমার স্ত্রী। সেইটে  
ওরা লিখিয়ে রেজেস্ট্রী করে নেবে এই ওদের মতলব। সে আসতে  
চায় কিন্তু তার ভাইয়েরা দলীল না হওয়া পর্যন্ত তাকে আটকে  
রাখবে।

কালোশশী বলিল,—আম্পর্ক কত !

বড়বাবু মেজবাবুকে জিজ্ঞাসা করিলেন,—তা’ কি হয় ? স্বামী আর  
ছেলে থাকতে ভাইকে সম্পত্তি লিখে দিলে সে দলীল কেমন করে  
‘ভ্যালিড’ হবে !

আইনজ্ঞ এঁরা সবাই—

## রোমহুন

মেজবাবু বলিলেন,—আইন কি তা' জানিনে। তবে সামাজিক ব্যবস্থা এই যে, স্ত্রী স্বামীর কাছেই থাকবে; স্ত্রীর সম্পত্তি স্বামীই ভোগ করবে। আইন যদি কাণ্ডজ্ঞানের নির্ঘণ্ট হয় তবে তাতেও তাই আছে বলে' আমার বিশ্বাস।—বলিয়া মেজবাবু খুব সপ্রতিভ ভাবে চেয়ারের হাতলের উপর অঙ্গুলির আঘাত করিতে লাগিলেন, আর ভাবিতে লাগিলেন, ক্রান্তির পরও ক্ষুদ্র কিছু আছে কি না।

আইন তাহারই অহুকুলে গুনিয়া জয়নাব কঁাদ' কঁাদ' হইয়া উঠিল; বলিল,—আপনারা থাকতে আইন-আদালত আমরা চিনি, হুজুর। ধরচাস্ত কাজ; ওদিকে যেন কেউ না যায়।...যদি হুকুম করেন ত' তাদের একবার ডেকে আনি হুজুরের কাছে।

কালোশশীর মন ছলিতে লাগিল—

কোন দিকে টানিয়া কথা বলিলে বিচক্ষণতা বেশী প্রকাশ পাইবে? ...বাবুরা কি সালিশী করিতে আসিয়াছেন!...অথবা, যাও, শীঘ্রই ডাকিয়া আন; এমন সুবিধা আর পাওয়া যাইবে না।...মনে মনে তর্ক করিতে করিতেই সময় ফুরাইয়া গেল...ছোটবাবু বলিলেন,—কি দরকারে? দাঙ্গা বাধাতে? ...তোমার স্ত্রীকে ছেড়ে দিচ্ বলে' তাদের ওপর আমরা জুলুম করতে পারব না। আজকাল সবাই এক আইন ছাড়া আর সবারই পক্ষে স্বাধীন। সে যদি আমাদের কথা গ্রাহ না করে! কি জোর আছে তার ওপর আমাদের?

প্রশ্ন গুনিয়া কালোশশী শিহরিয়া উঠিল—

অপরিস্রব দাঁত দু'টি বাহির করিয়া জিব কাটিয়া বলিল,—ছি, ছি, অমন কথা বলবেন না—কারো ঘাড়ে...

একাধিক মন্তক নাই ইহা সত্য, কিন্তু মেজবাবু হাত তুলিয়া নির্খ্যাতিত কালোশশীর বাক্যোচ্ছ্বাস দমন করিয়া দিলেন।

কালোশশী ঢোক গিলিল, জয়নাব মুখ নামাইয়া রহিল।

কালোশশী বলিল,—মুকুন্দ, তোমার মামলাটাও ফয়সালা করে' নাও এই বেলা—তোমার আসামী ত' হাজির।

যেন জয়নাব চূড়ান্ত বিচার পাইয়া নির্দ্বিবাদ হইয়া গেছে।

মুকুন্দের স্রদের নালিশ—

পাওনাদার খেতের নালিশ করিয়াছিল—ডিক্রীও পাইয়াছে; কিন্তু তৎসঙ্গেও বাবুরা যদি অনুগ্রহ করিয়া এই ব্যক্তিকে বুঝাইয়া সুঝাইয়া স্রদ কিঞ্চিৎ ত্যাগ করাইতে পারেন, তবে গরীবের গরু ক'টি বজায় থাকে...

শুনিয়া পাওনাদার অল্প একটু হাসিল—

এবং বড়বাবু তাহার মামলাও সঙ্গে সঙ্গে “ফয়সালা” করিয়া দিলেন; বলিলেন,—আদালতের ডিক্রীর ওপর হাকিমী করবার অধিকার আমাদের নেই; আমাদের কথা শুনতে ও বাধ্য নয়।

মেজবাবু বলিলেন,—শুনতে আমরা বলতেই পারিনে—তার এক কারণ, উভয় পক্ষের বিবরণে আদালতে যে বৃত্তান্ত প্রকাশ হ'য়ে হাকিম রায় দিয়েছিলেন, সে বৃত্তান্ত আমরা অনবগত।...তোমাদের উভয় পক্ষেরই সাক্ষী ছিল ত' আদালতে?

—ছিল হুজুর।

—তবে?

হার জিত্ যারই হোক, বাবুদের জায়বুদ্ধির সংস্কৃত রূপ দেখিয়া

## রোমহুন

পল্লীগ্রামের লোক কয়েকটি বিস্মিত হইয়া গেল...অত ঘূরাইয়া নাক সেকেলে লোক দেখাইত না। ‘কেন করবিনে’, ‘কেন হবে না’, ‘কেন দিবিনে’—ইত্যাদি দু’টি একটি হুঙ্কারেই তখন মহা মহা বিবাদ ব্যাপার ঠাণ্ডা হইয়া বাইত—তার দ্বিরুক্তি ছিল না। “আমি বলছি”—বলিয়াই পূর্ব্বেকার কর্ত্তা-ব্যক্তির আপামরের মধ্যে নিজেকে একাধিপতি অটল আর অমেয় করিয়া রাখিতেন। এই মিহি কর্ত্তব্যবোধ আর ঔচিত্য নিষ্ঠায় উদারতা আর গুণপণা যতই থাক সেকেলে দরাজ স্থূল-শক্তির তুলনায় ইহা কাপুরুষতারই নামান্তর; ইহাতে দরদ নাই, নিম্মুক্ত প্রসন্নতা নেই।

অপ্রস্তুতে পড়িয়া মুকুন্দ প্রভৃতি দরখাস্তকারিগণ কালোশশীর মুখের দিকে বিমূঢ়-দৃষ্টিতে চাহিয়া রহিল—কালোশশীই এই কাণ্ডের গুরু, একরকম ভজাইয়াই লোকগুলিকে হাজিরা সে দেওয়াইয়াছে।

কিন্তু কালোশশী তাহাদের মুখের দিকে চাহিল না। বাবুদের বিচারবিমুখ দেখিয়া উহারা ক্ষুব্ধ হইয়া গেলেও কালোশশীর খুসী হইতে বাধে নাই—বাবুরা সাবেকী আর মামুলী পদ্ধতি অবলম্বন করিয়া “কাজের খতম” করেন নাই—পল্লী-আসরে একটি চমকপ্রদ সূচারু বৈশিষ্ট্য দিয়াছেন...অথচ কথাগুলি যা’ বলিয়াছেন তাহা বর্ণে বর্ণে সত্য।...বটেই ত’! সরকারী মহামাণ্ড আদালত বারমাস খোলা থাকে, কিঞ্চিৎ ‘ফিস’ দিলেই অব্যবহিত প্রবেশ-পত্র পাওয়া যাইবে...ওঁরা এ সবের কি জানেন!

বলিল,—তখনই বলেছিলাম, বাবুদের তোরা বিরক্ত করিস্নে; ওঁদের কাছে নিয়ে আয় আইনের তর্ক, বাখ্যা ক’রে জলের মত

বুঝিয়ে দেবেন।...আদালতের জ্ঞাত মারকতে যা শেষ করেছ তার ওপর হাত দেয় গোঁয়ারে—ওঁরা তা পারেন না।...বুঝাল ত? এখন যা'।

ওরা ধীরে ধীরে উঠিয়া গেল, কিন্তু সরল সত্যটি কালোশীকে কেহ বলিয়া যাইতে পারিল না,—তুমিই ত আমাদের আনিয়াছ!...তুমিই মিথ্যাবাদী।

ছোটবাবু আকাশের দিকে চাহিয়া ছিলেন...

এমন অপরিমেয় অখণ্ডতা বাস্তাবকই বিশ্বের বস্তু; এমন আনন্দে উদ্বেলিত করিয়া তোলে, যেন অনন্ত আত্মাবলয় ব্যতীত ইহার সঙ্গে যোগাযোগ ঘটিবার অণু উপায় নাই...এই আকাশই যেন মানুষকে নাচতে শিখাইয়াছে...ইহার দিকে চাহিয়া মানুষের পা ছন্দগত ভাঙ্গিয়া উখিত পতিত হইয়া, কখন নখাগ্রে ভূমি স্পর্শ করিয়া টিপিয়া টিপিয়া সম্মুখে পশ্চাতে, দক্ষিণে বামে আলোড়িত হইয়াছিল; কখন বাহুযুগল সম্মুখে প্রসারিত করিয়া, কখন উর্দ্ধে উচ্ছ্রিত করিয়া, কখন দেহ ঢুলাইয়া, কখন দেহ নমিত করিয়া, সঙ্কুচিত করিয়া, উর্দ্ধায়িত করিয়া, লতায়িত করিয়া সে প্রথম নৃত্যের সৃষ্টি করিয়াছিল...

তারপর গতি...সূর্যালোকে সে পথ দেখিয়াছিল—

পাখীর গানের সঙ্গে সে এমন গান গাহিয়াছিল, যার ভাষা নাই—  
যার ভাষার প্রয়োজন নাই।

অত্যাশ্চর্য নীল-ব্যাগটিকে খণ্ডিত করিয়া আর অলঙ্কৃত করিয়া লঘু হস্তের স্পর্শের মত খণ্ড খণ্ড সাদা মেঘ ভাসিয়া চলিয়াছে...

দেখিয়া পৃথিবীকে এমন শান্ত নির্বিকার নিরাপদ মনে হয়,

## রোমহুঁন

যেন পৃথিবী কেবল এখনই ভূমিষ্ঠ হইল—এখনও তার চোখ ফোটে নাই।

অবাধ চমৎকার রৌদ্র দিক্‌সীমা পর্য্যন্ত মৃত্তিকার অঙ্গ পুলকিত করিয়া তুলিয়াছে...

প্রথম রৌদ্রচ্ছটা দেখিয়া মানুষ কি করিয়াছিল! ইহার ঔজ্জ্বল্য তাহাকে বিস্মিত করিয়াছিল নিশ্চয়...নিষ্কম্প নিষ্পলক দীপ্তি তাহাকে ভীত করিয়াছিল না কোতূহলী করিয়াছিল বেশী!

ছায়ায় দাঁড়াইয়া সে ভয়ে ভয়ে পা বাড়াইয়া এক পায় দুই পায় ছায়ার সীমায় যাইয়া থম্কিয়া দাঁড়াইয়াছিল—তারপর অতি সন্তপণে রৌদ্রের ভিতর পা দিয়াই গরম লাগিয়া তাড়াতাড়ি পা টানিয়া লইয়া—ছিল...একবার লাফাইয়া রৌদ্রে পড়িয়া তখনি ছায়ায় আসিয়া দাঁড়াইয়াছিল—এমনি করিয়া কতক্ষণ সে রৌদ্রে ছায়ায় খেলা করিয়াছিল ঠিক কি!...অবশেষে দেখা গেল, রৌদ্র ক্ষতি কিছু করে না...ক্রমে একেবারে নির্ভয় হইয়া রৌদ্রে যাইয়া সে অবাক হইয়া দাঁড়াইয়া রহিল—কোথা' হইতে এই অপূর্ব বস্তু আসিতেছে!...যে এমন জিনিষ এই শীতল মৃত্তিকায় পাঠাইয়াছে, তাহাকে স্তব কর...সূর্য্যই মানুষের আদি-দেবতা হওয়া উচিত। আকাশের নিম্নে আর রৌদ্রের অভ্যন্তরে দাঁড়াইয়া তাহার কণ্ঠ দিয়া যে অব্যক্ত আনন্দনাদ নির্গত হইয়াছিল, তাহাই বোধ হয় ওম্।

এদিকে কয়েকটি এক আউন্স ওজনের পাখী কি কাজে মাতিয়া উঠিয়াছে তাহার উদ্দেশ্য নাই।...একটি বৃক্ষ-বীথিকার ছ'ধার পল্লবে অন্ধকার—মাঝখানে বিহসিত আলোর অচঞ্চল ধারা...

পাখীগুলি তাহার মাঝে সরিয়া আসিয়াছে...একই পরিবারের কয়েকটি, তীরবেগে তারা ছুটাছুটি করিতেছে—যেন কোথায় কি ঘটিতেছে তাহা তখনই তাদের জানা চাই-ই...একই সময়ে সর্বস্থানে উপস্থিত থাকিতে না পারিলে দেখাটা বাদ পড়িয়া যাইবে, সোজা পথে তাই এক নিমিষের বেশী সময় ছুটিবার উপায় নাই...এই ডাইনে, এই বায়ে, এই উপরে, এই নীচুতে ; মুহুমুহুঃ দেখা দিয়া তারা পাশেই কোথায় অন্তর্হিত হইতেছে...

একটি প্রজাপতি উড়িতেছে—

ছোটবাবু বিস্মিত হইলেন, অত ক্ষুদ্র পক্ষ ছুটি অত আন্দোলন সহ করিতেছে কেমন করিয়া ! মানুষের সুখ—বিচরণের লালসা আছে, আর সৌন্দর্য্যের সন্ধানী, সে—কিন্তু আজও সে প্রজাপতিটির রূপের অনুকরণ আর অন্তরের অনুসরণ করিতে পারে নাই...

বৌ করিয়া একটা বোলুতা কানের পাশ দিয়া উড়িয়া গেল—  
ছোটবাবু চমকিয়া উঠিলেন ; বলিলেন—তারপর ?

মেজবাবু হাসিয়া বলিলেন,—কিসের তারপর ! তারা সবাই চলে গেছে ।

কিন্তু তারা চলিয়া গেলেও অপরে আসিতেছিল—তখনই একটা বুক-কাটা চীৎকার শোনা গেল,—দোহাই বাবুদের...গরীবের মা-বাপ...  
বাবুরা উদ্‌গ্ৰীব হইলেন—

চীৎকার শব্দ অগ্রসর হইতে লাগিল এবং দেখিতে দেখিতে নিকটবর্তী হইয়া বাবুদের সম্মুখস্থ হইয়া দাঁড়াইল...



## রোমহুন

বাবুরা দেখিলেন, লোকটি প্রোঢ় এবং তাহার হাতে ধারাল একখানা কাটারি রহিয়াছে।

কি খবর ?

প্রশ্নের উত্তরে লোকটি যাহা বলিল তাহা এই : সে তাহার গাভীটি খুঁজিয়া পাইতেছিল না, কা'ল দ্বিপ্রহর হইতে। আজ প্রাতঃকালে দক্ষদমন সিক্দারের কথায় তাহার বিস্মৃত কথা মনে পড়িয়া যায় এবং দোঁখতে পাওয়া যায় যে, দক্ষদমন সিক্দারের দেওয়া সংবাদ সত্য—গরু খোঁয়াড়ে আছে। তাহার নাম মদন, কিন্তু গগন নামে এই গ্রামে একটি লোক বাস করে যাহার কাজ কেবল পরের গরু তাড়াইয়া লইয়া খোঁয়াড়ে ঢুকাইয়া দেওয়া এবং পয়সা লওয়া...ইহাকে দিনে ডাকাতি বলিতেই হইবে। গগনের অত্যাচার অসহ্য হইয়াছে ; বাবুরা ইহার 'বহিত' না করিলে সে কাটারির সাহায্যে নিজেই অত্মায়ের প্রতিকার যতদূর পারে করিবে...বাবুরা যেন তখন তাহাকে ছুঁই লোক মনে করিয়া অপরাধী করিয়া না বসেন।...

অভিযোগ নিবেদন করিয়া এবং কাটারি রাখিয়া মদন বাবুদের ত্রিচরণে ভক্তিতরে প্রণত হইল, কিন্তু তাহার নাক দিয়া যে ফোঁস ফোঁস শব্দটা নির্গত হইতেছিল তাহা ক্ষান্ত হইল না।

মেজবাবু প্রশ্ন করিলেন,—গরুটি ছাড়িয়ে আনতে তোমার কত লেগেছে ?

—পাঁচ আনা, বাবু।

—পাঁচ আনার জন্তে তুমি মানুষকে কাটারি দেখাচ্ছ! তোমার লজ্জিত হওয়া উচিত...

ছোটবাবু বলিলেন,—তুমি ছেলেমানুষী করছ।... মেজাজ ঠাণ্ডা করে' আমাদের সামনে তোমার দুঃখ জানালে একটা উপায় বলে' দিতে হয়তো পারতাম ; কিন্তু তুমি আশ্ফালন করে' আমাদের মন বৈকিয়ে দিয়েছ। বুঝলে ?

মদন বুঝিতে পারে নাই যে, আর কেউ না হোক, ছোটবাবু তাহার ক্ষতিতে নয়, তাঁহাদের সম্মুখে অসংযত আচরণে দুঃখিত হইয়া গেছেন...

মদন কথা কহিল না, কেমন অপ্রতিভ হইয়া রহিল—

বড়বাবু বলিলেন,—তোমার কথা সত্যি তা' কেমন করে' জানব ?

বড়বাবুর মনে হইতৈছিল, সমগ্র ব্যাপারটা খুব প্রকাণ্ড হইয়া উঠিতে পারে...

মদন বলিলও তাই—

—আমি গাঁয়ের লোক সবাইকে ডেকে এনে' প্রমাণ দিচ্ছি, বাবু, যে ও-র স্বভাবই ঐ।

ছোটবাবু শিহরিয়া উঠলেন ; বলিলেন,—থাক্। আমরা বিচার করবার কে ! সে ভার আমাদের নিতে যাওয়া অনাবশ্যক।...যদি আর কোনো কথা না থাকে তবে যেতে' পারো।

মদন কাটারিখানা তুলিয়া লইয়া নিঃশব্দে চলিয়া গেল।

এবং সেই পথেই আর পরক্ষণেই যে ব্যক্তি প্রবেশ করিল, দেখা গেল, তাহার হাতে একটি চারা-গাছ রহিয়াছে—চারারটির মূল একটি সিন্ধু মৃত্তিকা-স্তূপে প্রোথিত...

ছোটবাবু দেখিলেন, পাতাগুলি তার চমৎকার সতেজ।

লোকটি মৃত্তিকাস্তূপসহ চারা গাছটিকে রোয়াকের উপর ঝাড়া

## রোমস্থান

করিয়া বসাইয়া দিল ; তারপর মাটিতে মাথা ঠেকাইয়া প্রণাম করিয়া বলিল,—বিলিতি আমড়ার চারা, বাবু ; আপনাদের দেব বলে' এনেছি । বলিয়া লোকটি নিজের দানের গোরবে উৎক্ল হইয়া উঠিতে লাগিল... বলিল,—এমন আমড়া এ-গাছে ফলবে যা', বলতে নেই, আম ফেলে খাবেন । • কোথায় বসাব !

বাবুদের হাসি পাইতে লাগিল, কিন্তু কেহ হাসিলেন না ।

মেজবাবু মিষ্টকণ্ঠে বলিলেন,—তোমার বাড়ীতে বসাত গিয়ে, আমরা আজ আছি কাল নেই—

—ছি ছি, তা' কি হয় ! দেব বলে' এনেছি—ফিরিয়ে নিয়ে যাব না । বলিয়া সে দু'বার মাথা নাড়িয়া বলিতে লাগিল,—তা' নিয়ে যাব না । আর, আজ আছি কাল নেই—ও-কথা বলতে নেই ; আপনারা চিরদিন বজায় থাকুন ধনে-পুত্রে । • এই গাছে আমড়া ফলবে, আপনাদের ছেলেমেয়েরা ঝোল-অঞ্চল খাবে আর বলবে, গিরি কেওটের গাছের আমড়ার ঝোল-অঞ্চল খাচ্ছি । • বসিয়ে দিয়ে যাই, বাবু !—বলিয়া গিরি কেওট অতিশয় স্কন্ধ-দৃষ্টিতে বাবুদের মুখের দিকে চাহিয়া রহিল, যেন এই অপার সঙ্কটে ত্রাণ তার চাই-ই ।

এই উপদ্রোহের সামগ্রী অপূর্ণ, তাহা লওয়াইবার জিদও অপূর্ণ, লোকটির আশাও অপূর্ণ—

এবং প্রত্যাখ্যান করিলে তাহার হতাশাও অপূর্ণ হইবে মনে করিয়া ভীত হইয়া বড়বাবু বলিলেন,—তা' বেশ, তোমার ইচ্ছে হয়েছে যখন তখন রুয়ে দিয়ে যাও, যেখানে তোমার খুশী ।

অনুমতি লাভ করিয়া গিরি কেওটের দেহ যেন আনন্দে দীর্ঘতর হইয়া উঠিল...

আরও ভক্তিসহকারে প্রণাম করিয়া সে স্মৃতি-চিহ্ন রোপণ করিতে চলিয়া গেল—

বাবুরা হাসিতে লাগিলেন ।

তিনজনেই দেখিলেন,—একটি শীর্ণদেহা কুঙ্গুরী ছুটিয়া আসিল—  
পশ্চাতে তার পাঁচটি স্তন্যপিপাসু সন্তান...কুঙ্গুরী অদূরে পা মেলিয়া  
দিয়া মাথা খাড়া করিয়া গুইল ; বাচ্চাগুলি স্তনে মুখ লাগাইবার  
শশব্যস্ত ব্যাকুলতায় কাহার ঘাড়ের কে চাপিল তাহার ঠিক রহিল না...  
সকলে মুখ না লাগাইতেই জননী উঠিয়া পড়িল—বাচ্চাগুলিকে ঝাড়িয়া  
ফেলিয়া দিয়া ছুটিয়া পলাইল...

ছোটবাবু একটি দীর্ঘনিঃশ্বাস ত্যাগ করিলেন—তার মনে হইল,  
পরিত্যক্ত সন্তানগুলির পেট ভরা দূরে থাক্, গলাই ভেঙ্গে নাই । তিনি  
উঠিয়া রোয়াকের উপর পায়চারি করিতে লাগিলেন...

দূরে কোন্ বাতাব্যবসায়ীর গৃহে সানাইয়ের শব্দ হইল—শিক্ষানবিশের  
ফুৎকারে যন্ত্র দিয়া যে আওয়াজ বাহির হইতে লাগিল তাহা মধুর  
কিছুতেই নয়...সানাইয়ের আশে-পাশে তোলেও কয়েকবার কাঠি  
পড়িল...

একটি বায়সী তার সন্তানের গলার ভিতর খাণ্ড প্রবেশ করাইয়া  
দিতেছে...বাচ্চার এতবড় হাঁ, ভিতরটা লাল ; তার ক্ষুধার যেন ইয়ত্তা  
নেই, মায়ের মুখ হইতে আহাৰ্য্য গ্রহণ করিতে তার এমনি কলরব  
আর অস্থিরতা...

## রোমস্থান

সানাইয়ের শব্দ বন্ধ হইয়া গেল...

কোথায় একটা কোলাহল সুরু হইয়াছিল—সানাইয়ের শব্দে চাপা পড়িয়া বোধ হয় তাহা কর্ণে প্রবেশ করে নাই; সানাই থামিতেই তাহা স্পষ্ট হইয়া উঠিল...

স্বীয় পত্নী অন্তর স্পর্শ করিতেছে না, ক্ষুধা এবং আনুমনা হইয়া তিনজনেই ইহা ভাবিতেছিলেন, এবং সম্ভবতঃ একটা আলোচনার সৃষ্টি হইত, কিন্তু ঐ কোলাহল শুনিয়া তিনজনেই উৎকর্ণ হইয়া উঠিলেন...

ছোটবাবু ঘাইয়া রোয়াকের প্রান্তে দাঁড়াইলেন; সেখান হইতে কালোশর্শী কর্তৃক নির্মিত গেট দেখা যায়, কিন্তু বেণুবন ও আশ্র-বাগিচার অন্তরালে কি ঘটতেছে তাহা জানিবার উপায় নাই।

বড়বাবু জিজ্ঞাসা করিলেন,—গোলমাল কিসের ?

মেজবাবু বলিলেন,—আমরা কেউই তা' জানিনে ।...এমন অপ্রত্যাশিত ব্যাপার সব দেখতে হচ্ছে যে, আমি ত অবাক হ'য়ে গেছি । ...বলিতে বলিতেই ছোটবাবু তাড়াতাড়ি আসিয়া আপন আসনে বসিয়া পড়িলেন...

—কি ? বলিয়া মেজবাবু উৎকণ্ঠিত হইলেন ।

ছোটবাবু বলিলেন,—অনেকগুলি লোক এদিকে আসছে ।

—আম্বক । বলিয়া মেজবাবু, তাহাদের আসিবার সম্ভাবনা যেদিক হইতে সেইদিকে চাহিয়া রহিলেন...

বড়বাবু বলিলেন,—কিছুই ভাবতে দিচ্ছে না ।

তৎক্ষণাৎ যে ব্যক্তি আসিয়া দাঁড়াইল, বাবুরা দেখিলেন, সম্পূর্ণ

নগ্ন হইয়া যাইতে তার অল্লই বাকি আছে—বস্ত্র বলিয়া যে আবরণ  
সে ধারণ করিয়াছে তাহা এমনি ক্ষুদ্র ; কিন্তু তার কাঁধের লাঠিখানা  
খুবই বড় আর বলিষ্ঠ...

লোকটি খুব উত্তেজিত হইয়াই আসিয়াছিল—

কিন্তু বুঝা গেল, সুস্থির হইয়া সে কথা বলিতে চায়...

ছোটবাবু শঙ্কায় আশায় মিলিত একটা ভাব লইয়া অপেক্ষা  
করিতেছিলেন ; কিন্তু আর কেহ দেখা দিল না—

ধানিক নিঃশব্দ থাকিয়া এবং সম্ভবতঃ ক্রন্দন দমন করিয়া সে  
বড়বাবুর সৌম্য-মূর্তির দিকে চাহিয়া বলিল,—এ গাঁয়ে আর থাকা গেল  
না, বাবু...গাছের ফল লুটে নিতে লেগেছে...আপনাদের দুয়োরে এসে  
দাঁড়লাম...আমি বিচার চাই আপনাদের কাছে ..

কাংস্থ এবং মৃৎপাত্রের মত পরস্পরের এই অবিরাম ঠোকাঠুকি  
এবং একজনের গাত্রে অনিবার্য ছিদ্র হওয়ার কাহিনী ভাল লাগিবার  
কথা নয় ; তবু বড়বাবু মিষ্টস্বরে বলিলেন,—কি হয়েছে তোমার বলো ।

কিন্তু গুনিয়া উঁহাদের মনে হইল, বহুবারস্তে লঘুক্রিয়া ছাড়া আর  
কিছুই হয় নাই...

লোকটি বলিল, তাহার সুপারি গাছে উঠিয়া প্রতিবেশী মেহেরের  
ছেলে আত্ম রাশীকৃত সুপারি ছিঁড়িয়া লইয়া গেছে, ৮।১০টি খুব হইবে ।  
অপক সুপারি যাহা সে গাছের তলদেশে ফেলিয়া গেছে, তাহার  
নমুনা সে হাতে করিয়াই আনিয়াছিল—বাবুদের সে তাহা দেখাইল ।...  
ইহা ছোটখাট' চুরি নহে ; দিবাভাগে ঘটয়াছে বলিয়া ইহা দুঃসাহসিক  
ডাকাতি, এবং পিতামাতার প্ররোচনায় ঘটয়াছে এক্ষণ সন্দেহ করিবার

## রোমহুঁন

কারণ আছে বলিয়া ইহাকে প্রশ্ন দিবার ফল আরো ভয়ঙ্কর... চোরের বাপের মায়ের কথা; যে বিশ্বাস করে সে অশান্ত থাকে; তাহারা যত পারে অস্বীকার করুক, বাবুরা যেন তাহা ঘুণাকরেও প্রত্যয় না করেন।...তাহারা সবাই মিলিয়া একই সুরে তাহাকে গালি দিয়াছে, এবং তাহাদের মনে যে পাপ আছে তাহার অকাটা প্রমাণ এই যে, বাবুদের সম্মুখীন হইতে তাহাদের সাহস হয় নাই।...এখন, বাবুরা কি স্মৃতিচার করেন তাহা লক্ষ্য করিতে হইবে।...

অতিশয় বাহুল্যদোষযুক্ত ভাষায় এবং অসহিষ্ণু ভঙ্গীতে এই অভিযোগ এবং কাঁচা স্মৃতিটি বাবুদের সম্মুখে স্থাপিত করিয়া সে রোয়াকের উপর উঠিয়া পা বুলাইয়া বসিল...

ছোটবাবু বলিলেন,—তোমার সঙ্গে যারা আসছিল তারা কই?

লোকটি হঠাৎ নামিয়া দাঁড়াইল; নলিল,—তারা ফিরে গেছে, বাবু।...সাক্ষী আমার আছে, বাবু; বলেন ত' ডাকি।

—না, দরকার নেই।...আমরা বলি, তুমি আত্মকে ক্ষমা করো; সামান্য ৮।১০টি স্মৃতি ত'!...বলিয়াই মেজবাবু দেখিলেন, লোকটির চোখে বিশ্বাসের যেন অন্ত নাই...

এবং বাবুকে বিশ্বাস করিয়া সে বলিল,—আপনারা বুঝলেন না আমার কথাটা...ভগবান নারাজ। যারা ভাল করতে পারে তাদের মনও তিনি কেড়ে নিয়েছেন; আমাদের জন্তে রাখেন নাই।...বলিয়া লোকটি প্রণাম করিয়া চলিয়া গেল; বাবুরা প্রশ্ন করিবার সময়ই পাইলেন না।

বড়বাবু কুণ্ঠিত হইয়া বলিলেন,—কি অপরাধ করলাম!

—তা’ জানিনে, বড়্‌দা ; শেষ করো । বলিয়া মেজবাবু উঠিলেন ।

রামহরিকে ডাক পড়িল, চেয়ার চোঁকি ঘরে উঠিল ; বাবুদের বিশ্রামের অবসর মিলিল ।

পল্লীকে কমনীয় নম্র শান্তিনিকেতন কল্পনা করিয়া ইঁহারা তাহাকে বিচার নয়, প্রচার নয়, প্রশংসা নয়, সম্ভোগ নয়, কেবল একখানি অত্যাশ্চর্য ছাঁচের সঙ্গে মিলাইয়া দেখিতেন ; কিন্তু তাহার যথার্থ স্বরূপ দেখিয়া বিব্রত কি বিস্মিত হইলেন না—হতাশ হইয়া গেলেন... তাঁহাদের অনিন্দ্য ভাবমূর্ত্তির বিকৃতি যেন তাঁহাদের আত্মকৃত পাপের পরিণামের মত সুপ্রত্যক্ষ হইয়া দেখা দিল ।

মাত্র গুটিকতক সুপারির জন্ম অত বড় আলোড়ন উপস্থিত করা শুধু আধ্যাত্মিকতার অভাবেরই লক্ষণ নহে ; অত্যন্ত নির্লজ্জ স্বার্থো-পাসনার পরিচয়...

মেজবাবুর মনে হইল, পল্লীর শাস্তি পল্লীরই শাস্তিপ্রিয়তার রচনা নহে, আবহাওয়ার গুণ নহে, তার নিঃসঙ্গ নিমজ্জমান অন্তরের বেদনা নহে—কেবল কুঁড়ের যা’ দোষ—সেই ঝিঝুনি।... আরো তাঁর কষ্ট হইতে লাগিল ইহাই উপলব্ধি করিয়া যে, পল্লীর নিজস্ব মাদকতা নাই—কেবল কঠিন আত্মপরায়ণতা মানুষগুলির প্রত্যেককে যেমন করিয়া আপন আপন গভীর ভিতর স্বতন্ত্র করিয়া রাখিয়াছে, যে ইহার সংশ্রবে আসিবে তাহাকেই তেমনি চারিদিক্কার অজ্ঞাত স্থান হইতে বিশীর্ণ আত্মল বাড়াইয়া যেন কাঁদে জড়াইয়া গ্রাস করিয়া ফেলিতে চায় !

তিনি দেখিতে ভুলিয়া গেলেন যে, শ্রুতি-উৎপীড়ক যত গগুগোল



## রোমহুঁন

এ-পর্যন্ত তাঁহারা শুনিতে পাইয়াছেন, তার প্রত্যেকটিই অর্থসমস্তা-মূলক—এবং তাহা অতি গভীর।...যাহার সুপারি চুরি গিয়াছে, ঐ সুপারি ক'টিই ছিল তার অন্ততঃ এক সপ্তাহের নুন-তেলের সংস্থানের উপায়...সুপারি পয়সায় পাঁচটি।...গগন প্রামাণিক বনাম মদনচন্দ্র মামলাতেও তা-ই—ঐ পেটের দায়...মদন নির্দোষী গরুকে লইয়া খোঁয়াড়ে দিয়া কিঞ্চিৎ নুন-তেলের পয়সা করিয়াছে—এবং মদনের পাঁচ আনা অপব্যয়িত না হইলে ঐ পাঁচ আনায় কত কি যে হইতে পারিত তাহার ইয়ত্তাই নাই...ফর্দ করিয়া লটকানা দোকানে দিলে ঐ পাঁচ আনায় পঁচিশটি ছোট-বড় মোড়ক পাওয়া যাইত।...স্ত্রীর সম্পত্তিতে বঞ্চিত করিয়া যাহাকে শ্রালকেরা পথে বসাইবার উদ্যোগ করিতেছে সে ভাবিতেছে, স্ত্রীর ঐ পাঁচ আনা ছয় গণ্ডা দুই কড়া দুই ক্রান্তি অংশ তাহার আয়ত্তে থাকিলে তার অভাব কমিবে...শ্রালকেরা ভাবিতেছে, ভগিনীর ঐ অংশটুকু যো-সো করিয়া লিখিয়া লইতে পারিলেই কিছু আয় বাড়িবে।

আশু প্রয়োজনের অতিরিক্ত এতটুকু এককণা তাহাদের কাহারো ভাণ্ডারে নাই—মনের ভুলেও নাই—যাহার যতটুকু যাক্ ততটুকুই অমূল্য ও অত্যাঙ্গ...মনের তত্ত্ব ভাঙ্গিয়া তাহাতেই তার পাগল পাগল ঠেকে। . তাহাদের অবিরাম মনে হয়, যেন কাহারো অনুপস্থিতির সুযোগে আসিয়া বসিয়াছে—সে আসিলেই উঠিয়া যাইতে হইবে; তাই তাহাদের ধৈর্য্য এত কম।

ছোটবাবু ভাবিলেন, প্রকৃতির প্রসন্নতা, ক্রীড়াশীলতা ও সান্ত্বিকতা ইহাদের চোখের দ্বারে আসিয়া দাঁড়াইয়াও ইহাদের মনের গুহায় প্রবেশ করিতে পারে নাই; তাই এরা এত সন্ধীর্ণ!

বড়বাবু ভাবিলেন, দৈববিড়ম্বনায় কোনো কাজই যেন মনের মত স্ফুট হইতেছে না...লোকগুলি তাঁদের অপরিপক্ক মনে করিতেছে কি অকালপক্ক মনে করিতেছে কে জানে!...জ্যাঠামশায় কি বিপদেই ফেলিয়াছেন!...লোকটার হাতের কাটারিখানা কি ভয়ঙ্কর! - লোকগুলির দৃষ্টির আশ্চর্য্য পরিবর্তন দেখা গেল—কখন একনিবিষ্ট, কখন বুদ্ধিতে উজ্জ্বল, কখন প্রবীণোচিত গম্ভীর কিন্তু নিঃস্পৃহ; কিন্তু চোখের তারা কোণের দিকে আনিয়া যখন পাশের দিকে চায়, তখন ভয় করে—অত্যন্ত ধূর্ত চাহনি, দুঃসাহসী আর নিঃশ্রমও বটে...মানুষের যে কোনো হানি যে কোনো সময়ে যে কোনো কারণে করিতে পারে!—

কিন্তু ইঁহাদের এবং ইঁহাদের তুল্য কলিকাতাবাসী বাবুদের সম্বন্ধে কালোশশীর গোপন মতামত অবগত হইলে ইঁহারা এবং তাঁহারা সমান অবাক হইয়া যাইবেন। কালোশশী একবার কলিকাতায় যাইয়া অনেকের বাসস্থান এবং কর্মস্থল দেখিয়া আসিয়াছিল—

প্রথমেই তার মনে হইয়াছিল, ইঁহাদের দু'বেলা ক্ষুধা হয় না নিশ্চয়ই; “পায়রাখুপীর” মধ্যে আবদ্ধ জীবগুলি মাথার হাড় না ভাঙিয়াও এদিক্ ওদিক্ কেমন করিয়া বেড়ায় তাহা আশ্চর্য্যের বিষয় হইলেও পারিপাট্য প্রশংসনীয় বটে—দিব্য ফিট্-ফাট্।...মানুষের কথা ছাড়িয়া দিলেও, গরুটি কি বাছুরটি যে একবার লেজ তুলিয়া দৌড়াইয়া আসিবে সে স্থান লোকালয়ের কাছে কোথাও নাই; গরু বাছুরেরই কষ্ট বেশী—শীতে ঠিঠিঠি করিয়া কাঁপে; একটু রোদ্দ পায়ে না।...লোকের ঐশ্বর্য্য খুব—তিরিশ হাজার মটর গাড়ী দিন-রাত ছুটাছুটি করিতেছে—গণিয়া কেহ দেখিতে পারে না; গাড়ীর সম্মুখে ও পশ্চাতে নম্বর থাকে। বাবুর

## রোমহূন

নীচেয় গদি, তাঁর কোমর হইতে মাথা পর্য্যন্ত গদির উপর বসান' থাকে...বাবু মটরের ভিতর বসিয়া থাকেন, আর সংবাদ-পত্র পাঠ করেন ; যাতায়াতের ঐ সময়টাই তাঁর পাঠের অবসর।...বাড়ীর পর বাড়ী গায়ে গায়ে লাগা—সম্মুখে বাড়ী, পশ্চাতে বাড়ী—মানুষ যে চোখ মেলিবে তাহার একটু ফাঁকু নাই ..

দেখিবার জিনিষ ?—ঢের আছে। কিন্তু আমরা তার কি বুঝি !... তবে হ্যাঁ, ব্যবসার স্থান বটে—জাহাজ, নোকা, রেল, ষ্টীমার, মটর, গো-বান যাহা চাও, পয়সা দিলেই প্রস্তুত।...তিন দিন তিন রাত্রি ছিলাম—দিনে ক্ষুধা পায় নাই, রাত্রে নিদ্রা হয় নাই...গ্রামে আসিয়া শরীরে বাতাস লাগাইয়া তবে বাঁচি।...

বাবু!...এ-বাবুতে সে-বাবুতে কলিকাতায় তফাৎ কিছু নাই— ভিড়ের ভিতরে সবাই সমান নগণ্য আর বোধ হয় অপদার্থ...তবে যাহার কাছে যাহার খাতির তাহার কাছেই সে বড়।

পল্লীগ্রামে আসিয়া ইঁহারা কেহ কেহ একটা অদ্ভুত ভাবধারণ করেন—মনে ভয়, মুখে বাচালতা, যার নাম দিতে চান্ সপ্রতিভতা ; তাঁরা মনে করেন, নির্কোণেরা তাঁহাদের অস্বাচ্ছন্দ্যের অস্থিরতা ধরিতে পারিতেছে না—তাঁহাদের চতুরতা, বুদ্ধি, আর যে কোনো ব্যাপার চক্ষের পলকে বুঝিয়া ফেলিবার অসাধারণ ক্ষমতার কাছে ইঁহারা একেবারে বেচারী !

কিন্তু ধরা পড়িয়া যান্ কথায়—

এক বাবু কালোশশীকে প্রশ্ন করিয়াছিলেন, তোমরা জল খাও কোথাকার ?

কালোশশী এই বাছল্য প্রণের উত্তরে মনে মনে কোতুকী হইয়া প্রকাশে ঘাড় হেঁট করিয়া বলিয়াছিল,—আজ্ঞে, নদীর জল।

—এই মরা নদীর নোংরা জল খেয়ে মানুষ বাঁচতে পারে হে ? আমাদের কলের জল খাওয়া অভ্যাস, বুঝলে ?

কালোশশীর মনে হইল, বাবু একটি আর্তিনাদ চাপিয়া গেলেন ; সে ঘাড় আরো নোয়াইয়া বলিয়াছিল,—আজ্ঞে, তা বই কি !... আপনারা যে এদিকে আসেন সে ত' প্রাণ একেবারে হাতে করে !...আপনাদের দয়া অগাধ তাই ত' আসেন !...বলিয়া কালোশশী পরম দয়ালুর প্রতি কৃতজ্ঞতায় গদগদ হইয়া গিয়াছিল। বাবুরা যেন পল্লীবাসীর সৌভাগ্য-শালী জ্ঞাতি-পুরুষ—অধঃপতিত আর বহুদূর্বর্ত্তী এ-পুরুষের সঙ্গে মাত্র একটা গোত্রের সম্বন্ধ আছে ; তাহা যিনি চক্ষুলজ্জায় লুকাইয়া রাখিতে চান না, তিনি দরিদ্রের কৃতজ্ঞতাভাজন।

বাবুটি বলিয়াছিলেন,—হ্যাঁ, আসুব বই কি ! পল্লী ছাড়া কি আমাদের গতান্তর আছে ?...ম্যালেরিয়া সম্বন্ধে আমরা খুব ভাবছি ; আর চাষের কথাও আমাদের সভায় মাঝে মাঝে আলোচিত হয়—বিশেষজ্ঞ আছেন। খবরের কাগজে দেখে' থাকবে।

কালোশশী সময় বুঝিয়া কোট পরিয়া দেখা দিলেও খবরের কাগজে কি থাকে তাহা কস্মিন্‌কালেও জানে না ; কিন্তু অগ্নানবদনে বলিয়াছিল,—আজ্ঞে হ্যাঁ ; আপনার নাম আমি বহুবার খবরের কাগজে দেখেছি।

শুনিয়া বাবুটি কালোশশীকে নিজের পাশে বসিতে অহুরোধ করিয়াছিলেন—

বলিয়াছিলেন,—কিন্তু মূর্খত্ব কি জানো !...সব পল্লীরই এক সমস্তা

## রোমহুন

নয়—কারো জলাভাব, কারো রোগ, কারো দারিদ্র্য, কারো আবার গো-সঙ্কট ; আবার, সে বৎসর একটা গ্রামে গিয়েছিলাম—পর্বতাকার মাটির ঢিপি়র ওপর তারা ঘর বেঁধে বাস করে...আর বর্ষাকালে কোন্ একটা খাল দিয়ে নদীর জল ঢুকে' ধান-পান নষ্ট করে' ফেলে—তাদের সমস্যা ঐ খালটা...জলের বেগে কোনো বাঁধই টিক্ছে না।...কারো আবার তিন মাইল লম্বা এক খাল কেটে' দিতে পারলে সুবিধে হয়—বর্ষার জল বেরিয়ে গিয়ে আবাদ চলতে পারে।...দেখ কি ছুরুহ ব্যাপার।...তবে আমরা সাধারণ ভাবে শ্রেণীবিভাগ করে' নিয়েছি—ম্যালেরিয়া আর গোচারণ ভূমিই আমাদের প্রথম লক্ষ্য হবে। একটাকে তাড়াব, আর একটাকে তৈরী ক'রব।...জিজ্ঞাসা করবে, কেমন করে তৈরী ক'রব ? ফসলের জমি যদি ফসল বেশী দেয়—ঢের বেশী—তবে লোকে খানিকটা জমি গরুর জন্তে উদ্ভূত করে' রেখে দিতে অক্লেশেই পারবে।...ভূমিকে উর্বরী করো—সব সমস্যার সমাধান হয়ে যাবে। কি বলো তুমি ?

কালোশশী বলিয়াছিল,—আজ্ঞে হ্যাঁ।

একদিন মাথা ধরায় বাবুটি গ্রামের উর্বরী এবং অশুর্বরী ভূমির আনুমানিক পরিমাণ লিখিয়া লইয়া তাড়াতাড়ি প্রস্থান করিয়াছিলেন...মুর্গীর ডিমের দাম এখনও রহিমতুল্যার পাওনা আছে।

...তার পর তিন বৎসর কাহাকেও এদিকে দেখা যায় নাই। এবার বাবুরা আসিয়াছেন।

সেই দিনই—

তিন ভাই নদীর ধারে ধারে বেড়াইতে বেড়াইতে ছোটবাবু সহসা বিস্মিত হইয়া দেখিলেন, “গোধূলি” শব্দটা তাঁর মনে পড়িয়া গেছে... দিনান্তে প্রতিদিনই এই মনোরম লগ্নটা নিশ্চয়ই আসে, এখানে সেখানেও ; কিন্তু কলিকাতার পার্কে বেড়াইবার সময় ঐ শব্দটা কদাপি তাঁর মনে পড়ে নাই।...সূর্য্য এখন কোথায় তার ঠিক নাই—কিন্তু তাঁর বিপরীত প্রান্তে মেঘে মেঘে যে অগণিত বর্ণের মুহুমূর্ত্তঃ গ্রহণ আর মোচন ঘটিতেছে তাহা কেবল আকাশের নয়, চোখের নয়, মনেরও সম্পদ

ছোটবাবু হাসিয়া বলিলেন,—বড়-দা’, আমি কবিতা লিখতে পারি বোধ হয়...দিন কতক এখানে থাকলে না লিখে পারব না...

—হঠাৎ ?

—দেখছি তাই। ‘গোধূলি’ কথাটা ভারি মনে পড়ে’ গেল ; আর মনে পড়ে’ ভাল লাগছে।

মেজবাবু ইংরেজিতে প্রকাশ করিলেন,—ভাল লাগার কারণ, মনে তোমার গোধূলির রূপ একটা ছিলই ; সেইটে এই সময়ে বাইরে তোমার নজরে পড়েছে...এটাকে কাব্যের উদ্গার বলা যায়। এ সময়ে অনেকের বিয়ের কথাও মনে পড়ে’ যেতে পারে।

বড়বাবু বলিলেন,—আমাব ভয় হচ্ছে, আমরা কিছুদিন এখানে থাকলে লোকে প্রকাশ্যেই আমাদের ঘৃণা ক’রবে। আমরা এদের সঙ্গে মিশতে পারছিনে।

—তার বাধা ওরাই। বলিয়া মেজবাবু হাতের ছড়ি প্রবলবেগে ঘুরাইতে লাগিলেন।

## রোমহ্মন

—না বলেই মনে হয়। ওরা যে সকাল বেলা এসেছিল, ঠিকই এসেছিল ; আমরা তাদের মনের ইচ্ছেটা ধরতে না পেরে তাদের ক্ষুণ্ণ করেছি। · আমরা হস্তক্ষেপ না করায় যে জিতে' গেছে সে-ও সন্তুষ্ট হয় নি।

ছোটবাবু হাসিয়া বলিলেন,—কি করে' ভেতরকার এত কথা জানলে ?

—যে স্নদের টাকা কমাতে এসেছিল, সে ডিক্রীদারকেও সঙ্গে এনেছিল · অত সহজে সে মুন্সিলে পড়তে আসত' না যদি মনে মনে একটা কিছু সন্তোষের আশা তার না থাকত'।...আমরা প্রচণ্ড একটা কথা কাটাকাটি ঝগড়ার পর তাকে জিতিয়ে দিলে সে লাফাতে লাফাতে যেত'...জিতে তার সুখ হয় নি'।...টোঁড়া সাপকে দেখে' মানুষ হাসে ; অতি নিরীহ লোককে মানুষ অবজ্ঞা করে' বলে টোঁড়া ; কিন্তু গোখরোকে দেখে ভয় পেলেও তার উগ্রতাকে ভালবাসে।

মেজবাবু বলিলেন,—তুমি মনস্তত্ত্ববিদ তা জান্তাম না।... এবার কেউ এলে 'ফুল বেঞ্চে' ফেলে' খানিক লাঠালাঠি করে' কাজের গৌরব বাড়িয়ে অবশেষে তাকে ছুবলে দেওয়া যাবে।

ছোটবাবু বলিলেন,—তা' দিও ; কিন্তু এদিকে আমি যে দেউলে হ'য়ে যাচ্ছি !

—কিসে ?

—নদীতে যদি স্রোত না থাকে, তবে বড় শোচনীয় হয় না !...মনে হ'চ্ছে, গ্রামটারই যেন নাড়ী বসে' গেছে...গেছেও তাই। এমন সুন্দর

সময়ে নদীর ধারটিতে কেউ বেড়া'তে আসে নি'—ঘরে বসে' মশার কামড় খাচ্ছে।

বড়বাবু বলিলেন,—তারা আঁতুড়-ঘর থেকে বেরিয়েই নদীর ধার দেখছে...রোজ রোজ কি আর নূতন জিনিষ দেখতে আসবে!...

শুনিয়া ছোটবাবু ভাবিলেন, ইহাদের একটি চক্ষুশ্রাণ অভিভাবক চাই—যে নিজের চক্ষে দেখিয়া উহাদের দেখাইবে প্রকৃতির এই চরম প্রফুল্লতা।

বড়বাবু বলিতে লাগিলেন,—এখানকার ডাকঘরের কেমন বন্দোবস্ত জানিনে—কাগজখানা পেলাম না। 'এ্যাপ্রভারের কন্ফেসনটা' বেশ 'ইন্টারেস্টিং' হ'চ্ছে।

মেজবাবু। কোন্ কেস্টায়?

বড়বাবু উত্তর-ভারতের একটি প্রকাণ্ড বড়গন্ধের গাম্‌লার নামোল্লেখ করিলেন; বলিলেন,—'এ্যাসটাউণ্ড ডেভালপমেন্ট্‌স্' হবে বলে' মনে হ'চ্ছে।

মেজবাবু বলিলেন,—চল ক'লকাতায় ফিরে যাই; জ্যাঠা-মশায় অসন্তুষ্ট হ'লে কি আর করা যাবে।

সংবাদপত্র না পাওয়ায় বড়বাবু সায় দিলেন; বলিলেন,—আমারও যাবারই ইচ্ছে। এখানে বসে' তিনদিনেই আমরা এত পিঁছিয়ে যাব যে, ক'লকাতায় গেলে মণ্টু আমাদের নতুন খবর দেবে।

মণ্টু বাবুদের পাঁচ বৎসর বয়স্কা ভগিনী-কন্যা।

এ-কথাটা সবারই মনঃপূত হইল—

নূতন নূতন আবিষ্কারের সংবাদ আর দেশ-বিদেশের মনীষীগণের



## রোমহুন

বাণী নিত্য প্রচারিত হইতেছে—তাহার একটি একবার অজ্ঞাতে ঘটিয়া গেলে বিশ্বের নাগাল আর পাওয়া যাইবে না...‘ক্যাসানে’ পিছাইয়া পড়ার মত বন্ধরতা আর কিছু নাই।

তিনজনেই সমান শঙ্কিত হইয়া উঠিলেন।

একটা ছাগল চারদ্বা বেড়াইতোছিল—

সে পেট ভরাইবে সঙ্কল্প করিয়া বাহির হইয়াছিল; তার সে সঙ্কল্প সারাদিন চারবার পরেও তেমন সতেজ আছে বালয়া মনে হইতেছে... দূরের একটা ঘাটে নামিয়া দুইটি স্ত্রীলোক জল লইয়া যাইতেছে... দূরে নদীর যেখানে বাক ঘুরিয়াছে সেখানে কয়েটি বাবুলা গাছ—তার নীচে একটা বাশ আর একটা বালশ পাড়িয়া আছে...

ছোটবাবু বাললেন,—সে স্ত্রীলোকটি আজ আবার কাঁদলে আমি তার কাছে গিয়ে তাকে দেখে আসুব।...মড়া-কান্নায় হঠাৎ ভয় করে, কিন্তু এমন করে জড়িয়ে ধরে না!

সেই অন্ধকারই আসন্ন দেখিয়া তিন ভাই নিঃশব্দে বাড়া ফিরিলেন।

বাড়া ফিরিয়া চা-পানের সময়েও এখানকার কথাই চলিতে লাগিল।

মেজবাবু বলিলেন,—লক্ষ্য করেছ, বড়-দা, এখানকার সকলেরই মুখের চেহারা যেন একই রকম!

বড়-দা বলিলেন,—হ্যাঁ।...তারপরই বলিলেন,—তা’ অত লক্ষ্য করিনি।...কেন এমন হ’ল!

—সবাই সমান নির্যোধ বলে’।...সব গরুরই মুখের ছাঁদ একই

রকম, সব গরুই সমান গরু বলে'...বুদ্ধির তারতম্য থাকলে চেহারাও আলাদা আলাদা হ'ত।

বড়বাবুর তখন মনে হইল, কথাটা ঠিক।

মেজবাবু পুনরায় বললেন,—তুমি তখন বলা'ছলে, ওদের অভিযোগের বিচার করে' দিইনি বলে' ওরা ক্ষুণ্ণ হ'য়ে গেছে।...কিন্তু, আমরা একজনকে আতঙ্কিত করে' আর একজনের কাথোদ্ধার করে' দেব এ-র কোনো যুক্তি আছে কি!

বড়বাবু স্বীকার করলেন,—তা' নেই।

ছোটবাবু বললেন,—আমি নাস্তিক নই, কিন্তু মনে করি, মানুষ নিজেকে কোনোদিন একেবারে অসহায় মনে না করলে ভগবানের অস্তিত্ব কল্পনা ক'রত না।...লোকগুণি ভগবানের একটি গুণ আমাদের প্রতি আরোপ করেছে—তান ত্রাতা।

মেজবাবু বললেন,—ত্রাণ করবে কাকে!...খবরের 'কাগজ পড়ে' যা' জানতে পারি আর বতদূর শোচনীয় মনে হয়, স্বচক্ষে দেখে' তেমন মনে হ'চ্ছে না ত'!...কাগজে লেখে, এরা মৃত্যুর গ্রাসে পাতত—কিন্তু কই! একটা ছোট ছেলে কবে মরেছিল তার মায়ের কান্না শুন্লাম... আর ত' কেউ মরার কথা বললে না।

বলে নাই সত্য—

কিন্তু তল্লাস করিলে চিত্রগুপ্তের খাতার কি খবর বাহির হইয়া পড়িতে পারে তাহা জানিবার কথা কাহারও মনে পড়িল না...পড়িলেও, কার্য্যানুরোধে অঙ্কপাত আর গবেষণার শ্রম, আর ঐ হিসাবের অনুসন্ধানে কালচক্রের অনুধাবন করা সম্ভবপর হইত কিনা সন্দেহ।

## রোমহুন

বড়বাবু ভাবিতেছিলেন ; বলিলেন,—চেহারার কথা কি বল্ছিলে ? সব একরকম ? তা' কি হয় !...তবে শিক্ষা পায়নি' বলে' তাদের মুখ আমাদের পছন্দ হয় না । কালোশশীর দেখা পাওয়া যায় নাই সমস্ত দিন...

ছোটবাবু বলিলেন,—চমৎকার 'টাইপ'.. গাঁয়ের লোক নিজেকে চালাক্ মনে করলে ঐ রকমই দাঁড়ায়—গরু চরান'র মত করে' মানুষ চরা'তে চায়—আমাদের চরাবার চেঁচাটা দেখেছ' .ত' !...ওর ওপর নির্ভর করাও যায় না, নির্ভর না করেও উপায় নেই—বেশ কিস্তি !

মেজবাবু বড়বাবু উভয়েই হাসিয়া বলিলেন,—হঁ ।

এবং সেই সময়েই কালোশশী, হাঁটুর উপর কাপড় তুলিয়া আর হাঁটুর উপর পর্যন্ত ধূলা মাখিয়া আসিয়া দাঁড়াইল...গরুর গাড়ী ধূলা উড়াইয়া চলিয়া গেছে—মাঠের ধূলা কালোশশীর চুলে আর ভুরুর উপরেও স্তূপীকৃত হইয়া পড়িয়াছে...

বড়বাবু বলিলেন,—এই যে ! তোমার কথাই হচ্ছিল ।

কালোশশী পুলকে আপ্ত হইয়া গেল ; বলিতে লাগিল,—পরম সৌভাগ্য আমার ; ধন্য আমি ।...এই আসুছি সাত কোশ পথ হেঁটে...আসা যাওয়ায় একদিনে আঠাশ্ মাইল ; আপনারা গাড়ী ঘোড়ার দেশের মানুষ—আঠাশ্ মাইল রাস্তা হেঁটে এসেছে শুন্লে বোধ হয় অবাক্ হ'য়ে যাবেন । কিন্তু আমাদের ছেলেবেলা থেকে এই অভ্যাস । বলিয়া কালোশশী বাবুদের তুলনায় নিজেকে ক্ষুদ্র প্রমাণিত করিয়া হাসিতে লাগিল ।

ছোটবাবু বলিলেন,—বসো ।

—না, বাবু, বস্ব' না এখন...আপনারা কেমন আছেন তা-ই এক নজর দেখতে এলাম। ভালই আছেন দেখে খুশী হ'ল মনটা।... আপনারা দেশের লোক হ'লেও আমাদের ত' চেনেন না—আমরা তাই অতিথি মনে করে' ভাবছি, সৎকারের ক্রটি না হয়।...সরাসর তা-ই এখানেই এলাম...

—আবার আসবে ত' একবার ?

—কিন্তু ততক্ষণ আপনাদের বোধ হয় আহালাদ শেষ হ'য়ে যাবে।  
...যদি তাড়াতাড়ি করে' আসতে পারি—

—না তাড়াতাড়ি করতে হবে না...এই টাকা পাঁচটি সেই ঠাকুর মশায়কে দিও, কাল যিনি এসেছিলেন—

—তাকেই ..

—তার অসুখ করেছে শুন্লাম।

—তবে দেন আমাকেই...এই পায়েই তাঁকে দিয়ে যাব। অসুখে-বিসুখেই দেশটা গেল।—বলিয়া কালোশশী পাঁচ টাকার নোটখানি লইয়া, আবার মোখিক বিদায় লইয়া এবং আবার প্রণাম করিয়া চলিয়া গেল...

সে অদৃশ্য হইতেই ছোটবাবু হঠাৎ হা-হা করিয়া উচ্চৈঃস্বরে হাসিয়া উঠিলেন...

কালোশশীর আকার ক্ষুদ্র—কিন্তু কেমন করিয়া সে আশ্চর্য্য তৎপরতার সহিত এক সময়েই চারি-চতুর্দিকে জড়ে-জীবে নিজে-কি চিহ্নিত করিয়া ফিরিতেছে!—ধূর্তের সর্ব্বঘটে স্থিতিই ছোটবাবুর হাসির বিষয়।

## পরিচ্ছেদ ৮

সন্ধ্যার পর বাতাস উঠিল...

ওদিকে অভয় কল্যাকে লইয়া সন্ধটাপন্ন—

এদিকে কোথাকার একটা ছিদ্দের ভিতর সবেগ বায়ু প্রবেশ করিয়া থাকিয়া থাকিয়া সিটির মত বাজিতেছে... অন্ধকারে গাছের পাতার আন্দোলন দেখা যাইতেছে না—একটা খর্খর্ শব্দ উঠিয়া কখন হঠাৎ, কখন ক্রমে ক্রমে যুদ্ধতর হইয়া নিশ্চুতি হইয়া যাইতেছে... নিকটে একটি সুরু করিতেই যেন অসংখ্য প্রাণ সেই পুলকে সরব হইয়া উঠিল... বাবুরা জানিতেন না যে শৃগালের স্বভাবই ঐ... দূরের একটা জঙ্গল হইতে আর একদল তার “উতোর গাহিয়া” গেল—

ছোটবাবু মনে মনে হাসিতে লাগিলেন।

একটা জোনাকি ঘরের ভিতর উড়িয়া আসিয়া ছোটবাবুর টেবিলের উপর বসিয়া ইতস্ততঃ ঘুরিতে লাগিল—ছোটবাবু দোঁধলেন, তার নীলাভ আলোটা নিবিয়া নিবিয়া জ্বলিতেছে...

নাড়া পাইয়া গাছ হইতে একটি ফল টপ্ করিয়া মাটিতে পড়িল—শব্দটা ছোট, কিন্তু চারি দেয়ালের ধাক্কায়ে সে ঘরের ভিতর স্ফীত হইয়া উঠিল...

ছোটবাবু বলিলেন,—এখানে ভৌতিক শব্দের খুব প্রাদুর্ভাব দেখছি ; আমাদের ত্রিশীমানায় জীব আছে কিনা সন্দেহ, কিন্তু শব্দ হচ্ছেই।

মেজবাবু মাসিকপত্র পাঠ করিতেছিলেন ; তিনি কথা কহিলেন না ; বড়বাবু কলিকাতার চিন্তায় অগমনস্ক ছিলেন—তিনিও কথাটা কানে তুলিলেন না ।

ছোটবাবু “অর্গ্যান” বাজাইয়া একটি গজল্ গাহিলেন—তাগাতে মিনিট পনর’ গেল ; তারপর কি করা যায় ভাবিতেছেন, এমন সময় একটি স্ত্রীলোক আসিয়া ঘরের আলো যেখানে শেষ হইয়াছে আর বাহিরের অন্ধকার সুরু হইয়াছে ঠিক সেই সন্ধিস্থলে দাঁড়াইল...

—কে ?...ছোটবাবু প্রশ্ন করিলেন আগন্তুককে ; বড়বাবু এবং মেজবাবু প্রশ্ন করিলেন তাঁহাকে,—কে !

—স্ত্রীলোক একটি ।

শুনিয়া উভয়ে একটু নড়িয়া চড়িয়া বসিলেন ।

স্ত্রীলোকটি নিঃশব্দে সিঁড়ি’বাহিয়া উঠিয়া আসিল ; কাহাকে যেন বলিল,—ওঁদের সবাইকার পায়ের ধুলো নে ।...আমি ছোঁব না আছাড়া কাপড়ে ।

আট কি নয় বছরের একটি সুদর্শন ছেলে স্ত্রীলোকটির পশ্চাদ্ধিক্ হইতে সম্মুখে আসিয়া সলজ্জ মুখে এক এক করিয়া বাবুদের পায়ের ধূলা লইয়া সরিয়া দাঁড়াইয়া রহিল ।

বাবুরা চাহিয়া দেখিলেন, স্ত্রীলোকটি বিধবা...অর্ধ-অবগুপ্তিত মুখের স্ত্রী যতটা লক্ষিত হইল ততটা অসুন্দর নয়, চপলও নয় ।

বড়বাবু কোমলকণ্ঠে জিজ্ঞাসা করিলেন,—কি চাই তোমার ?

স্ত্রীলোকটি কিয়দূরে মেঝের উপর বসিল—

বাবুরা বুঝিলেন, দুই-এক কথায় শেষ হইয়া যায় এমন রহস্য কি

## রোমহুন

সমস্তা লইয়া সে আসে নাই—কিছু সময় লইবে ; না বলিতেই তাই বলিল ।

কিন্তু জীলোকটি সহসাই তার বক্তব্য শুরু করিতে পারিল না... ক্রিয়ৎক্ষণ অধোমুখে নিঃশব্দ থাকিয়া অধোমুখেই সে বলিল,—অপরাধ নিও না, বাবা, আমি গরীব বিধবা।—বলিয়া সে দুই করতল একত্র করিয়া একটি প্রণাম নিবেদন করিল, কি মার্জনা ভিক্ষা করিল, তাহা ঠিক পরিষ্কার হইল না...কিন্তু তার কণ্ঠস্বর শুনিয়াই ওঁদের মনে হইল, যাগাই বলুক, গুছাইয়া বলিবে ।

প্রণামান্তর সে বলিতে লাগিল,—আমি যে কথা তোমাদের কাছে বলতে এসোছি, বাবা, প্রাণের ব্যাকুলি অসহ না হ'লে মাতুষে তা' পরের স্মৃতিতে মুখে আনে না ।...সে কথা বলবার নয়...

বড়বাবু ইতিপূর্বে মনে মনে শপথ করিয়াছিলেন যে, বক্তব্য ব্যক্ত করিবাব কাজে কাহাকেও বাধা দিবেন না, শেষ পর্য্যন্ত শুনিবেন—নিজের আবেগে বক্তা যাহাই বলুক, যতই তা' অসংলগ্ন, শ্রুতির অযোগ্য হউক ।

জীলোকটি বলিতে লাগিল,—সে কথা বলা কেবল ঘরের লজ্জার কথা বলা নয়, তোমাদের সাদা মনে কলঙ্কের ছাপ দে'য়া হবে ।...বলিয়া জীলোকটি থামিয়া বোধ করি ঘৃণ্য কাহিনীর বলিবার স্পষ্ট অনুমতির প্রতীক্ষা করিতে লাগিল ।

বড়বাবু বলিলেন,—তোমার যত কিছু বলবার আছে বলো—শুনতে আমাদের আপত্তি বা অনিচ্ছা নেই । তুমি জীলোক হ'য়ে অসঙ্কোচে যা' বলবে তা' খুব অশ্রাব্য হয়তো হবে না ।

স্ত্রীলোকটি মুহূ একটু হাসিল ; বলিল,—আমারই মেয়ে আর জামাইয়ের কথা—

—জামাই বুঝি নেয় না মেয়েকে ? বলিয়া ছোটবাবু অর্গ্যানের ডালা বন্ধ করিলেন ।

ভাঁহারই দিকে এক মুহূর্ত্ত দৃষ্টি তুলিয়া স্ত্রীলোকটি বলিল,—নেয় না, কিন্তু তাই আমার বলবার কথা নয় ।

—বলবার কি তা' বলো ।—বলিয়া ছোটবাবু অর্গ্যানের টুল ছাড়িয়া চেয়ারে আসিয়া বসিলেন—মেজবাবুর সেই 'ফুল্ বেঞ্চ' জাঁকিয়া উঠিল ।

—আমার মেয়ের যখন বিয়ে দিই তখন তার বয়েস মাস্তুর এগারো, আর জামাইটির বয়েস ছত্রিশ্ । জামাইয়ের ঘর-দুয়ারের অবস্থা ভাল, আর ক্ষেত্-খামার আছে ; ভেবেছিলাম, মেয়ে সুখেই ঘরকন্না করবে ; কিন্তু অদেষ্টের আপদ যে সঙ্গেই ছিল তা জান্তাম না ।... বলিয়া স্ত্রীলোকটি ক্ষণেক থামিয়াই বলিল,—জামাইয়ের একটি—

বলিয়া স্ত্রীলোকটি থামিয়া রহিল—

বড়বাবু শালীনতা অতল জলে নিক্ষেপ করিয়া চোখ বুজিয়া বলিলেন,—রক্ষিতা ছিল ?

—ছিল, বাবা ; বহু পূর্ব হতেই ।...জামাইয়ের ঘর আর আমাদের ঘর আর তার ঘর এই গ্রামেই ; তবু আমরা তা' জান্তাম না ।... মেয়ে স্বপ্তর-ঘরে দু'মাস থাকে, আমার কাছে আসে, আবার যায়, আবার আসে ।...মেয়ের বয়েস বাড়তে লাগল, কিন্তু বয়েস তার গায়ে ফুটল না—



## রোমহুন

মেজবাবু কথাটা বুঝিতে না পারিয়া বলিয়া উঠিলেন,—তার মানে ?

কিন্তু ছোটবাবু আর বড়বাবু বুঝিতে পারিয়াছিলেন—তঁাহারা কেহ কাহারো চোখের দিকে চাহিতে পারিলেন না...

স্ত্রীলোকটি বলিল,—বেটাছেলের বয়েস হ'লে গোঁফ দাড়ির রেখা দেয়, মেয়েছেলেরও গায়ে তেমনি—

মেজবাবু বলিলেন,—ও। তারপর ? বলিয়া কথাটাকে ফিরাইয়া দিয়াও লাল হইয়া উঠিলেন।

—মেয়েকে সে একবার মেরে-ধরে' তাড়িয়ে দিলে ; আমি গেলাম বলতে-কইতে—আমাকেও সে হাত তুলে' মারতে এল।

ছোটবাবু প্রশ্ন করিলেন,—তার মা, বাবা নেই ? অর্থাৎ তোমার মেয়ের স্বস্তর-স্বাস্ত্রী নেই ?

—স্বস্তর নেই, স্বাস্ত্রী আছে ; কিন্তু সে না থাকারই মধ্যে—সে অন্ধ। তার সোয়ামীর পারার দোষ ছিল—

ছোটবাবু চোখ নামাইয়া তাড়াতাড়ি বলিলেন,—যাক্ !... আসল কথাই বলো।—বলিয়া ছোটবাবু মনে মনে শপথ করিলেন, পাশে খাল কাটিয়া গল্পের মূলস্রোতের শাখা বাহির করা ঠিক নয়, অতএব আর করিবেন না।

—খুব একটা সোরগোল হ'য়ে গাঁয়ে টি টি পড়ে' গেল—মনের লজ্জায় মানুষের সামনে তখন আমি মুখ তুলতে পারিনি।...দশজনের কথায় জামাই মোটে আমল দিলে না—বল্লে, করতে হয় একঘরেই করো, তবু ঐ কেঠো-পুতুলকে আমি ভাত-কাপড় দিয়ে পুষ্ব না... বলে' সে তার জিনিষ পস্তর নিয়ে তুল্লে সেই মেয়েটির বাড়ীতে—

এ বাড়ী তালাবন্ধ রইল।...দশজনের পরামশে তখন মেয়েকে দিয়ে জামাইয়ের নামে খোরপোষের নালিশ করলাম; কুটিশ পেয়ে জামাই গিয়ে জবাব দিলে যে, 'ওর চরিত্তির ভাল নয়, ওকে আমি তাগ করেছি ... বাড়ীর ছোটলোক-বাগ্দী রাখালের সঙ্গে ওর প্রেণয় আছে।...কিন্তু আদালতের হাকিম তা' শুন্লেন না—বল্লেন, সব মেয়েকেই সতী বলে' ধরে' নিতে হবে—অসতী প্রেমাণ কর্তে এমন প্রেমাণ চাই যার আর কাটাই নেই।...পরিবারকে খাওয়া-পরা দিতে সোয়ামী বাধ্য... আর চোকিদারের এজাগারে পষ্ট জানা যাচ্ছে ঐ লোকটা ঐ বাড়ীতে রাত্রে যাওয়া-আসা কর্ত—এখন সবদাই থাকে। আর স্ত্রীর উপর যদি তার ভালবাসাই থাকবে তবে শত্রুর সেই বাগ্দীটাকে এখনো রেখেছে কেন?...বলে' হাকিম আমার মেয়েকে মাসে মাসে আট টাকার খোরপোষের বরাদ্দ করে' দিলেন—বাংলা মাসের পয়লা টাকা দিতে হবে। মেয়ের দাবিও ছিল তা-ই। পাপরের মামুলার খরচাও তাকে দিতে হ'ল অনেকগুলো টাকা—সে সরকারের টাকা, তখনি তারা আদায় করে' নিয়েছে।...

মাসে মাসে আটটা করে' টাকা গুণে' দে'য়া বড় কঠিন। জামাই তখন আমার কাছে এসে কেঁদে পড়ল; হাত-পা জড়িয়ে ধরে' বল্লে,—আমার অপরাধ হয়েছে, মা, ক্ষমা করো; তোমার মেয়েকে তুমি পাঠিয়ে দাও—আর আমি তাকে কিছু বল্বে' না।

আমি বললাম,—বাপু, তুমি ফাঁদে পড়েই পা ধরতে এসেছ। আমার মেয়েকে তুমি যে কলঙ্ক দিয়েছ তাতে তোমার মুখ দেখতেই

রোমহুন

নেই—তোমাকেও ধিংকার, আমার মেয়ের অদেষ্টকেও ধিংকার।...  
মেয়েও বললে, ও-র ঘরে আমি আর যাবো না।

জামাই সেদিনকার মত মুখ বুজে' চলে' গেল ; তার পরদিনই আবার  
এল প্রাণনাথ ঠাকুরকে সঙ্গে করে'। ঠাকুরকে আপনারা জানেন...  
আপনাদের কাছে তিনি এসেছিলেন শুনেছি।...তিনিই ছিলেন  
জামাইয়ের দক্ষিণহস্ত—তাঁর বুদ্ধি নিয়েই জামাই মেয়ের নামে বাগ্দী  
অপবাদ দিয়েছিল ; মামলাতেও তিনি জামাইয়ের হয়ে সাক্ষী দিয়ে-  
ছিলেন—প্রধানই ছিলেন তিনি।

মিনিট-দশেক আগেই এই পূজাপাদ ব্রাহ্মণকে পাঁচ টাকা সাহায্য  
পাঠান' হইয়াছে—মেজবাবু আর বড়বাবু ছোটবাবুর উপর একবার  
সঙ্কেতময় দৃষ্টি-নিষ্ক্ষেপ করিয়াই দৃষ্টি ফিরাইয়া আনিলেন—

ছোটবাবু একটু হাসিলেন মাত্র—

জ্যেষ্ঠস্বয়ের অসাক্ষাতে এই দানটা না করিলেও দান সম্বন্ধে কালব্যয়  
করা ইংরেজি প্রবচন অনুসারে ক্ষতিকর মনে করিয়া তিনি ইচ্ছার  
উদয়ের সঙ্গে সঙ্গেই ইচ্ছাকে পূর্ণ করিয়াছিলেন—দাদাদের পরামর্শ  
লয়েন নাই—পরামর্শের ব্যাপারই বা কি এমন !

জীলোকটি বলিতে লাগিল,—প্রাণনাথ ঠাকুরও অনেক নরম নরম  
কথা ক'য়ে মেয়েকেও রাজি করলেন, আমাকেও রাজি করলেন।  
বললেন, তোরা এখনও একঘরে' হ'য়ে আছিস্ ত? তোদের আমি  
জাতে তুলে' দিচ্ছি দাঁড়া।

আমি বললাম, তুমি একবার জামাইয়ের টাকা খেয়ে আমাদের  
একঘরে করেছিলে ; এখন আবার তারই টাকা খেয়ে ঘরে তুলতে

এসেছ !...ঘর আমরা চাইনে ; তবে অত করে' যখন বল্ছ তখন মেয়ে পাঠিয়ে দেন, কেন না স্বস্তরঘরই মেয়েমানুষের তীথ্য ।

জামাই নিজের বাড়ীর তালা খুলে' তার জিনিষ-পত্তর এই বাড়ীতে আন্লে—মেয়েকে আমি বুঝিয়ে সুঝিয়ে পাঠিয়ে দিলাম...

আজ তিনদিন হ'ল পাঠিয়ে দিয়েছিলাম ; কিন্তু মেয়ে আজ দুপুরে আবার কেঁদে'-কেটে' আমার ঘরে পার্লিয়ে এসেছে ।

মেজবাবু বলিলেন,—মেরেছে বুঝি ?

স্ত্রীলোকটির চোখে জল টল্‌টল্‌ করিতে লাগিল...বলিল,—মারু' ত' ভালই, বাবা ; হাজার গুণে ভাল...আপন পরিবারকে কে না মারে ! পাড়াগাঁয়ে পরিবারকে মারা এমন গা-শিউরণো কথা নয় । কিন্তু—

বলিয়া স্ত্রীলোকটি একটু খামিয়া মুখ কিরাইয়া আঁচল দিয়া চোখ মুছিয়া লইল ; তারপর বলিল,—সেই ছোটলোক বাগ্‌দীটা, জামাইয়ের গরুর রাখাল সে বেটা—তার নামের সঙ্গে মেয়ের নাম জড়িয়ে জামাই খোরপোষের মাম্‌লায় জিত্তে চেয়েছিল—সে বেটা সুবিধে পেয়ে গেল... মেয়ের মুখের দিকে সে কেমন করে' তাকায়, তাকিয়ে কেমন করে' হাসে—মেয়ে তা' সহিতে পার্‌ল না...

—জামাইকে বলেছ ?

—সে জানে। তারই উস্‌কানিতেই বাগ্‌দীটা কর্ছে ও কাজ, নতুবা সাহস পাবে কোথায় !—বলিয়া স্ত্রীলোকটি নীরব হইয়া রহিল...

ছোটবাবুর ক্ষুর অন্তরে অজ্ঞাতা বধূর ক্ষুর অন্তরের ধিক্‌ ধিক্‌ প্রতিধ্বনি বাজিতে লাগিল ; এবং স্ত্রীলোকটির এই ক্ষেত্রে যাহা যাক্কা তিনিই তাহা প্রকাশ করিলেন ; বলিলেন,—এমন অভদ্র আচরণের

## রোমহুন

কথা আমরা আগে কখনো শুনিনি—সস্তব যে তা-ও হঠাৎ মনে করতে পারছিলাম।...তোমার জামাইকে আর বাগদীকে ডেকে শাসন করে দেব এই কি তোমার ইচ্ছে ?

স্ত্রীলোকটি মাথার কাপড় আরো একটু টানিয়া দিয়াছিল ; মাথা নাড়িয়া জানাইল, ঐ তার ইচ্ছা বটে।

—তোমার গ্রামের লোকে তাকে শাসন করতে পারে না কেন ?

—ধমক্ ধামক্ দিতে পারে ; কিন্তু সুফু কথাকে তারা ছোট মনে করে, আর চোখের ইসারাকে তারা সুফু মনে করে...

মেজবাবু আহ্নর হইয়া বলিয়া উঠিলেন,—ছি, ছি !...এই স্থানে জ্যাঠামশায় আমাদের বাস করিতে পাঠিয়েছেন ! তারপর ছোটবাবুকে উদ্দেশ করিয়া নিম্নস্বরে বললেন,—তুমি উত্তোজিত হ'ও না।

ছোটবাবুও নিঃশব্দ হইয়া রহিলেন...

বিসর্জনের পর সুগঠিতা বছবর্ণী প্রাতিমাকে জলের উপর টানিয়া তুলিলে যেমন দেখা যায়, তাঁহাদের শ্রীময়ী ভাবমূর্ত্তি তেমনি শ্রীহীন হইয়া এই নীরবতার মাঝখানে বিরাজ করিতে লাগিল...অন্তঃশ্রোতে তার সমুদয় বর্ণ-অলঙ্কার রূপ-পরিচ্ছদ ধুইয়া গেছে...শুধু রূপহীনতাই তার চরম দুর্গতি আর বিকৃত নহে—তার অভিশপ্ত দেহ যেন দুরারোগ্য ক্রত লইয়া দেখা দিয়াছে...

গোধূলিজাত রসাত্মক বাক্যের পিপাসা ছোটবাবুর আর অহুভূত হইতেছে না ; স্ত্রীলোকটিকে শেষ ও সুসজ্জত কি কথাটা বলিয়া দেওয়া যায়, বড়বাবু তাহাই চিন্তা করিতেছেন এবং মেজবাবু নিরপরাধী জ্যেষ্ঠতাতের প্রতি ক্রোধ দমন করিতেছেন, এমন সময় কান্ত বিশ্বাস

চেনা পথ দিয়া অন্ধকারেই ছুটিতে ছুটিতে আসিয়া প্রবেশ করিয়াই চোখে হঠাৎ প্রখর আলো লাগার থমকিয়া চোখ পিটপিট করিতে লাগিল। মুখে বলিল,—ধাঁ করে' আলাটা বড় চোখে লেগেছে। বালিয়া স্পষ্ট করিয়া চোখ খুলিয়া বলিল,—বাবু, শীগ্গির আসুন—অভয় তার মেয়েকে খুন করেছে।—বালিয়া বাবুদের মুখের দিকে নিষ্পলক-চক্ষে চাহিয়া সে ক্রমাগত হাঁপাইতে লাগিল...এই হাঁপানিটাও অবশ্য গল্প-গঠনের উপাদানের মধ্যেই—

সংবাদটা সহসা প্রবেশ করিয়া বাবুদের মনেব কোথায় যাইয়া পাড়িল তাহা নির্দেশ করা কঠিন ; কিন্তু যাহা রুদ্ধ হইলে মানুষ একেবারে বাঁচে না সেই নিশ্বাস ব্যতীত সচেষ্ট প্রাণময়তার লক্ষণ তাঁহাদের আর কিছুই রহিল না ..

সেই জ্বালোকটি উঠিয়া দাঁড়াইল—

কান্ত বিশ্বাস বলিল,—অভয় নদী সঁতারে' পাליয়েছে দেখেই আমি আসছি ..আমি চললাম, কালোশশীকে ডেকে' নিয়ে আসি আপনাদের কাছে। বলিতে বলিতে যেমন হঠাৎ সে আসিয়াছিল তেমনি হঠাৎ বাহির হইয়া গেল...বাহির হইয়া সে ফিক্ করিয়া একটু হাসিল।

জ্বালোকটি বাবুদের মুখের দিকে একবার চাহিয়া সিঁড়ির দিকে অগ্রসর হইল...তার আর কিছু শুনিবার কি বলিবার নাই—পিতা কর্তৃক পুলী হত্যার কাছে জামাত কর্তৃক কন্যার নিগ্রহ অনুপাতে একেবারে তুচ্ছ হইয়া গেছে।

তিন ভাই কেবল বসিয়া রহিলেন—একটা পতঙ্গের গুঞ্জরণ ঘরের ভিতরটা পুনঃপুনঃ প্রদক্ষিণ করিতে লাগিল...একোদ্বিষ্ট একটা ফলকের

## রোমহন

মত বাতাসের সিটি যেন চোখের সম্মুখে উন্মীলিত হইয়া রহিল...পাতার শব্দ উতরোল হইয়া একটানা বহিতে লাগিল...

কিন্তু সংবাদটঃ মিথ্যা বলিয়াই বোধ হয় ভগবান তাঁহাদের প্রতি দয়া প্রকাশ করিলেন—বুকে ধড়ফড়ানির যন্ত্রণাটা দিলেন না...“খুন” শব্দটা বার্তাবহ যে ভঙ্গীতে উচ্চারণ করিয়াছিল সেই ভঙ্গীটা ছোটবাবুর চোখের সামনে মূর্ত্ত হইয়া ভাসিতে লাগিল...মেজবাবুর মনে পড়িতে লাগিল, কালোশশী সৎলোক বলিয়া প্রশংসাপত্র দিয়া একটি চুপ্চাপ্ লোকে অভয় বলিয়া পরিচিত করিয়া দিয়াছিল...

কিন্তু সকলের চেয়ে সাংঘাতিক অবস্থা হইল বড়বাবুর—

একজনের হাতের ধারাল’ কাটারি, আর একজনের তুঙ্গ কণ্ঠ, তৃতীয় ব্যক্তির হস্ত—সবগুলি জড়াইয়া একটি ত্রিশূল ত্রিশূলের মত এককর্মা একধর্মী হইয়া যেন একই ক্ষেত্রে হত্যারঞ্জে উন্মত্ত হইয়া উঠিয়াছে... তিনি চক্ষু মুদিত করিয়া রহিলেন...

খানিক পরে ছোটবাবু বলিলেন,—বড়দা, প্যাক করতে বলি ?

বড়বাবু আর মেজবাবু উভয়েই বলিলেন,—বলো ।

রামহরিকে ডাকিয়া ছোটবাবু জিনিষপত্র গুছাইতে বলিয়া দিলেন ; আর বড়বাবু বলিয়া দিলেন, কেহ যদি ডাকে তবে হাঁকাইয়া দিবি ।

## পরিচ্ছেদ ৯ /

তিন জনে সাইকেলে উঠিতেছেন, এমন সময় ডামাই-কন্ডা-কাহিনী-উক্ত প্রাণনাথ-ঠাকুর উত্তরীয়ে অশুস্থ দেহ এবং সুবর্দ্ধিত টিকি আহৃত করিয়া আসিয়া দেখা দিলেন...

তখন সকাল ছ'টা—

কিন্তু পথ চলতি লোকের মুখে পাড়ারগায়ে সংবাদ খুব ঘরিত বেগেই রটে।

ছোটবাবু হাসিয়া বলিলেন,—যাচ্ছি, ঠাকুর। টাকা ক'টি পেয়েছেন?

টাকার কথাটা না বলিলে বাবুদের যাইবার কারণানুসন্ধান করিয়া সময়োপযোগী স্কোভ প্রকাশ প্রাণনাথ ঠাকুর নিশ্চয়ই করিতেন; সে আক্কেল তাঁর আছে; কিন্তু টাকার কথায় তিনি চমকিয়া উঠিলেন এবং মানুষের এই—আসিয়া এই-যাওয়ার ছুঃখটা সেই চমকে বিদ্ধ হইয়া নির্বাক হইয়া রহিল...বলিলেন,—টাকা! কই না!

—কালোশশীর হাতে দিয়েছি।

শুনিয়া ঠাকুরের হতাশার কিছু বাকি রহিল না—মুখ-চোখ বসিয়া গেল; রুদ্ধ কণ্ঠে বলিলেন,—কালোশশীর হাতে দিয়েছেন! সে আর পাব না, বাবু। কালোশশীর হাতে টাকা পড়লে সে টাকা আর বেরোয় না।

বাবুদের সাইকেল চলিতে লাগিল।

সমাপ্ত

১৬৩৪



শ্রীঅচিন্ত্য কুমার সেনগুপ্ত প্রণীত



ইহার ছত্রে ছত্রে সামাজিক বিপ্লবের স্বপ্ন  
মন্ডর বাধাই—মূল্য ১।।০ টাকা

শ্রীপ্রবোধকুমার সান্নাল প্রণীত



বিশ্রয়কর ও সম্পূর্ণ আধুনিক জীবনের উপস্থাপন  
রত্নিন প্রচ্ছদপট—মূল্য ১।।০ টাকা

শ্রীশৈলবালা ঘোষজায়া প্রণীত



ব্রহ্মচারি-ব্রতাবলম্বী স্বামী দ্বীর অপূর্ব কাহিনী  
রত্নিন প্রচ্ছদপট—মূল্য ২।।০ টাকা

শ্রীহেমেন্দ্রকুমার রায় প্রণীত



রত্নিন প্রচ্ছদপট—মূল্য ১।।০ টাকা

শুক্লাস চট্টোপাধ্যায় এণ্ড সন্স,—২০৩।১।১, কর্ণওয়ালিস্ স্ট্রীট, কলিকাতা

ডাঃ শ্রীনরেশচন্দ্র সেন শুভ প্রণীত পুস্তকাবলী



নব্যভাবের শিক্ষিতা নারীর অপূর্ণ,  
পাতিব্রতা—মূল্য ১১০ টাকা

এক।

আদর্শ গল্পপুস্তক  
মূল্য—২৭ টাকা

রাজগী

পাতিব্রতের শান্তিময়  
—পরিণতি—  
মূল্য—২১০ টাকা



নূতন উপন্যাস  
মূল্য—২৭ টাকা



পিতা-পুত্র

মানব-চরিত্রের  
—নিখুঁৎ চিত্র—  
মূল্য—১১০ টাকা

শান্তি

নর-নারী সম্বন্ধের  
রোমাঞ্চকর বিশ্লেষণ  
মূল্য—২৭ টাকা


সার্থকনামা উপন্যাস। রত্নিন প্রচ্ছদপট—২৭ টাকা

শুকুদাস চট্টোপাধ্যায় এণ্ড সন্স,—২০৩/১১, কর্ণওয়ালিস্ স্ট্রীট, কলিকাতা

ডাঃ ব্রিনরেশচন্দ্র সেন গুপ্ত প্রণীত পুস্তকাবলী



মূল্য  
দুই  
টাকা



মূল্য—দুই টাকা

## গ্রামের কথা

চারিটা বিভিন্ন গল্পে এই পুস্তক-  
খানি রচিত হইয়াও ইহা একটি  
সামাজিক সমস্ত্রাপূর্ণ ধারাবাহিক  
উপন্যাসের স্থান অধিকার  
করিয়াছে। মূল্য—২১ টাকা।

## মিলন-পূর্ণিমা

রেকা ও সৌরিনের নির্মল ভাব  
পূর্ণিমার জ্যোৎস্নার ত্রায় নির্মল  
ও পবিত্র। মূল্য—২১ টাকা।

## দূরের আলে

উপেনবাবুর মত যুবক, কুমুদিনী  
ও চিত্রার মত মহিষসৌ নারীচরিত্র  
অতি সুন্দর এবং মর্মস্পর্শী।

মূল্য—২১ টাকা

## কিথ্যে



মূল্য  
আড়াই  
টাকা

## দুষ্টিগ্রহ

ভাগ্য বিপর্যয়ের অঙ্কিত চিত্র—২১ টাকা

শুকদাস চট্টোপাধ্যায় এণ্ড সন্স,—২০৩।১২, কর্ণওয়ালিস্ স্ট্রীট, কলিকাতা

## শ্রীপ্রভাবতী দেবী সন্ন্যাসীর পুস্তকাবলী

প্রায় তিন শতাব্দিক পৃষ্ঠাব্যাপী রত্ন  
প্রচ্ছদপটে অপূৰ্ণ বাধাই  
সুন্দর উপন্যাস



মূল্য—২ টাকা

বঙ্গপল্লী—২৥০

মৃতপ্রায় বঙ্গপল্লীকে সজীবনী স্বধার  
সিদ্ধ করিতে এই উপন্যাসখানি  
—প্রকাশিত হইল—

নূতন যুগ—১৥০

এই উপন্যাসে পাত্র পাত্রী বেশী নাই,  
কিন্তু ইহারা আছেন তাঁহাদের চিত্র  
অতি সুন্দর ফুটিয়াছে। সন্ধ্যা,  
দীপিকা, বিন্দুবাসিনী, শিরীষ  
সকলই আদর্শ চরিত্র।

তরুণের অভিযান ১৥০

সমাজের গতি ও আমাদের শিক্ষা বে-  
ভাবে চলিতেছে—তাহার পরিণতি  
কোথায়, লেখিকা মহোদয়া ঘটনা-  
বৈচিত্র্যময় কাহিনীতে এই  
উপন্যাসেই তাহা অতি সুন্দর  
ভাবে বর্ণিত করিয়াছেন।

পথের শেষে—২

আমাদের সংসারের সুখ দুঃখের  
কথার ভরা।



বাক্‌দত্তা কথার সুন্দর চিত্র

—চারি শতাব্দিক পৃষ্ঠা—

মূল্য—২৥০ টাকা

# শ্রীপ্রভাবতী দেবী সরস্বতীর পুস্তকাবলী স্নেহের মূল্য

গৃহস্থ ঘরের সুখ-দুঃখের কথা অতি সুন্দর  
ভাবে অঙ্কিত। মূল্য—২২ টাকা

## বিসর্জন

হিন্দু সমাজের জটিল কলে কতকগুলি  
অমূল্য জীবন বিসর্জিত হইয়াছে।

মূল্য—দেড় টাকা

অন্ধা—১০ আয়ুষ্সী—১০



মানবের চির আকাঙ্ক্ষিত সুখ  
কোথায়? ভোগে—না—ত্যাগে?  
নিজেকে সকল ভোগ-বিলাসে বঞ্চিত  
রাখিয়া মাহুষ যে কি স্বর্গীয় সুখের  
অধিকারী হইতে পারে, তাহা “দানের  
মর্ম্যাদা” পড়িলেই বুঝিতে পারিবেন।

মূল্য—২২ টাকা



—আত্মর্শ সংসার চিত্রে উজ্জ্বল—  
সুন্দর বাধাই, মূল্য—২১০ টাকা



—অভিনব মন্থম্পর্শী উপন্যাস—  
সুন্দর বাধাই, মূল্য—১১০ টাকা





